

50

24.

7

8-C

56

6

31 H

3+

7. - 8. C. 56.



XV. 10. 84

L'ORIGINE DES PRINCES ELECTEURS.

AVSQUELS SEVLS AP.
PARTIENT L'ELECTION DV ROY
des Romains.

Verifié par les anciens Historiographes.

ENSEMBLE LES PRIVILEGES
& autres Droicts concernans tant
l'Empereur que lesdicts Electeurs.

*Par Iean Paul de V Vindeck Docteur en la S.
Theologie & Professeur à Fribourg.*

Traduit en François par Christoffe Beys
DEDIE' A NOBLE, VERTVEUX,
& tres-Docte Seigneur,
M. TOUSSAINT DESBARBIEVR
Escuyer, Seigneur Despretz, &c.



A LILLE,

De l'Imprimerie de Christoffe Beys, Imprimeur & Li-
braire Juré, au Lis blanc, 1631.





A NOBLE, VERTVEUX
ET TRES-DOCTE SEIGNEVR,
MONSIEVR
TOVSSAINCT
DESBARBIEVR,
ESCUYER;
S. DESPRETZ, &c.



MONSIEVR,
Les rares & singulieres Vertus
qui paroissent iournellement en
vostre personne, ne vous rendent
seulement ayable entre les grands Princes &
Seigneurs de ce Pais, mais aussi admirable par-
my les trois Ordres de cét Estat, la curiosité de
vostre esprit estant si grande, qu'elle s'addonne à
la recherche des Liures composez par les plus
celebres & renomez auteurs de tout l'Vniuers:



desquels (parlant sans flatterie) vostre Biblio-
tecque est ornee plus que nulle de ces païs. C'est
le seul subiect qui m'a esmen de vous dedier cét
œuvre, auquel est resoulé ce nœud Gordien, qui a
tant allambicqué les esprits pour l'intelligence des
anciennes histoires, touchant l'election du Roy
des Romains, laquelle à present, comme jadis se
faict par la congregation & assemblee des Sept
Hommes. En la varieté & obscurité desquel-
les choses, l'Autheur n'a eu rien en recomman-
dation, qu'exhiber au public la pure & sincere
narration de la verité, sans offencer personne,
mais plustost rendre à un chacun ses loüanges,
selon leurs merites. Pour à quoy paruenir, il s'est
seruy des plus anciens & memorables Historiës,
tant Ecclesiastiques que Seculiers, en tout ce
que pouuoit diure à la verification de ce traicté,
lesquelles alleguations & sentences desdits Hi-
storien, sont vrayment

Des fruiçts tres-excellents, dorez, &
argentez,
Cueilliz dans des Autheurs, de verité
entez.

Vostre Seigneurie estant munie de la plus grande
partie des Liures, d'ou les passages citez sont
extraictz, sans sortir de sa Biblioecque, pourra

iuger de la verité de cét œuvre, & vostre doctrine, candeur & debonnaireté (cét œuvre prenāt iour sous vostre sauue garde & protection) le maintiendra contre les Zoïles & calomniateurs, desquels le nombre est tres-grand au siecle ou nous sommes, car comme dict Cleobule, l'Ignorance abode en plusieurs & multitude de propos. Que si en la traduction ie me suis abusé en quelque endroict, ce m'est aduenue comme souuentefois il arriue aux hommes & estant enseigné, ie corrigeray l'erreur promptement. Ce grand Prince Maximilien III. d'Autrice, Frere d'Albert le Pieux, Prince Souuerain des Belges, de loüable memoire, receut ce Liure des mains de l'Autheur en langue Latine, & ce d'une face agreable, & de cœur ioyeux, pour le subiect y contenu. Receuez le de mesme, Monsieur, en langue Françoisse, de cœur & de face affable, des mains de celuy qui est, & demeurera à iamais,

De vostre Seigneurie,

Tres-humble & obeissant
seruiteur CHRISTOFLE BEYS.

De Lille, le 28. d'Aoust 1632.

L'IMPRIMEVR AV LECTEUR.



OVR donner satisfaction à la curiosité de quelques signalez personnages, & pour satisfaire à leur requisition, i'ay mis ce Liure en langue vulgaire, depuis peu doctement escrit en Latin par le Reuerend P. Iean Paul de Windek Doct. en la S. Theologie, & Professeur Archiducal en l'alne Vniuersité de Fribourg, pour consigner à la posterité les choses plus memorables touchant les Sept Electeurs de l'Empire, quand & soubz quel Empereur, & par qui ils ont esté instituez Si generalement tous les Princes ont esseules Empereurs. Pareillement le droict que nostre S. Pere a en l'Empire pour le couronnement de l'Empereur. Pourquoi les Electeurs Ecclesiastiques & Politiques ont esté deputez à cét office. Aussi d'eux en particulier, leur origine, famille, priuileges

&c. Et ce succinctement. La façon de
creer l'Empereur, & des loix à luy im-
posees auant son couronnement, aussi
à quoy les Electeurs ont esgard à l'ele-
ction:& redarguer les sentences des ad-
uersaires, &c. L'auteur pour lors em-
pesché à de grandes affaires, ne sceut
presque prendre loisir d'esclarcir ces
choses si intricquees, à cause des refu-
tations de la varieté d'opinions. Si est-
ce, que pour satisfaire à la requisition
de quelques grands personages (entre
lesquels sont Marc Welsler, d'immor-
telle memoire parmy les gens doctes,
& Senateur de la Republ. d'Ausbourg,
le Reuerend P. Gretser de la Societé de
IESVS, & l'Illustre S. Monsieur le Do-
cteur Christoffe Gevvelde, Conseiller
du Duc de Bauiere à Moniche) satis-
faisant à leur requeste, il l'a composé &
mis en lumiere en l'ague Latine, ce que
maintenant ie fay en langue vulgaire:
priannt le Lecteur de prendre en gré ce-
ste translation, quoy que d'un style ru-
de & grossier. A. Dieu.



APPROBATION.


CE Liure intitulè, l'Origine
des Princes Electeurs aus-
quels seuls appartient l'Election
du Roy des Romains, composé en
Latin par M. Jean Paul V Vin-
decq Docteur en la Saincte The-
ologie, & Professeur Archiducal
en l'Vniuersité de Fribourg, ne
contient rien contre la Foy Catho-
lique. Faict à Lille ce 20. d' Aoust
1632.

JEAN PAIRENT Prestre,
Censeur des Liures.

COMMENTAIRES
DE L'ORIGINE
DES PRINCES
ELECTEURS.

AVSQUELS SEVLS APPAR-
TIENT L'ESLECTION

DU ROY DES
Romains.



CHAPITRE PREMIER.

*Que les Electeurs de l'Empire ont esté institu-
ez du souverain Pontife de Rome, ce que
se prouue par la Confessiõ des Princes d'Al-
lemagne, & qu' auparauant le regne de Fre-
deric deuxiesme les Emperours n'ont esté
esleux de tous Princes.*



En x points en matiere
d'estat tres importãts se peu-
uent reuocquer en doute:
Premieremēt si Gregoire V.
Pape de Rome, seant enuiron l'an de
nostre Seigneur 1000. 1001. ou 1002.
ou bien quelque autre auroit institué

A



liure de son *Antropologie*. Polidore Virgile au 4. liures des *Inuenteurs des choses*, ch. 7. Et vne infinité d'autres Casuistes & Historiens. Antonin en la 2. partie de son *histoire*, titre 16. chap. 4. Entre les Auteurs Allemands sont ceux cy, *Vvinphelingus* en l'*epitome des affaires d'Allemagne* ch. 20. *Krantzius* au liu. 4. de l'*histoire de Saxe* ch. 25. *Naucerus* au 20. volume de la *Cosmographie generale* ch. 34. *Tritheimius* en la *Chronique de Hirsauie*. *Cuspinianus* en la *vie de Otton* 3. Les Electeurs de l'Empire en l'ã 1279. ont escrit que long temps auparauant les Electeurs auoient esté instituez en Allemagne par le Siege Apostolic, (cômé appert par un instrumēt emané d'eux, & enuoyé au Pape Nicolas 3. duquel l'original est à Rome & un peu plus bas i'en descriray la teneur) Le mesme se trouue confirmé au Concile de Vienne. celebré l'an 1311. en cester mesmes. Les Empereurs n'ont reputé chose vaine & indigne de soubmettre leurs chefs sous le Pontife Romain, duquel ils ont receu la sublimité de l'Empire, l'onction. consecration. & la

4 L'origine des
couronne, lequel a transferé l'Empire des Grecs
aux Allemands, duquel & de l'Eglise est don-
né pouuoir à quelques Princes de la mesme na-
tion d'eslire un Roy, pour paruenir à l'Em-
pire, &c.

Albert d'Austrice I, du nom Empe-
reur, confirme le mesme en ses lettres
donnees à Norebergue l'an 1303. de
son regne le 5. *Reconnoissant & confessant*
que l'Empire Romain a esté transferé des
Grecs, par le Siege Apostolicque, en la per-
sonne de Charles Auguste aux Allemands, &
que le droit d'eslire & establir un Roy des
Romains, est donné par le mesme Siege Apo-
stolicque à quelques Princes Ecclesiastiques &
seculiers, &c. lequel Roy par apres est
promeu à la dignité Imperialle, &c.

L'autre point qui se peut reuoc-
quer en doubte, est, à scauoir, si l'in-
stitution des Electeurs a seulement esté intro-
duite apres la mort de l'Empereur Frederic 2.
environ l'an 1250. Le Chroniqueur
Auentin au 5. liure des Annales de
Bauiere, & Panuinus au liure des Diet-
tes Imperialles, estiment que l'Empe-

reur auroit esté communement denommé par tous les Princes. (Plusieurs Princes desireroient que pour le present on procederoit à l'eslection en la mesme forme) Item Stabius Mathematiciẽ & Historiographe de Maximilien premier, le Comte de Nueuare, & Spigelius ne definissent le terme à prefix, neantmoins ils sont d'opinion que la dignité Electorale a prins son origine long temps apres le regne de l'Empereur Otton.

L'erreur d'Auentin, & d'Onuphrius Panuinus, auquel plusieurs Iurifconsultes & Historiens fauorisent, se peut refuter & redarguer, tant par les authoritez de diuers autheurs alleguez par Bellarmin Schardio, & autres, (que ie n'ay proposé repeter à presẽt) que par les suiuaus discours, à ce propos accommodez & remarquez, extraicts des Commentaires de Sueue, lesquels iusques à present, personne, (comme ie croy) n'a obserué.

Je monstrey clairẽment & cui-

demment, que parauant le regne de Frederic II aucuns Princes de l'Empire ont obtenu le droit d'eslire l'Empereur, lesquels estoient nommez Electeurs, d'où conste que ce priuilege & dignité ne leur a esté commune avec tous les autres Princes d'Allemagne.

L'Empereur Rodolphe de Hapsbourg premier du nom, par son ordonnance donnee à Erford, du consentement, declaration, & iugement de tous les Estats de l'Empire, declare Venceslaus Roy de Boheme lors regnant, (duquel la sœur Agnes estoit allee à Rodolphe Prince de Sueue, fils dudit Empereur Rodolphe) Electeur & Pannetier de l'Empire, ayant plein pouuoir, droit, & puissance d'election. Lesquelles deux dignitez il assure qu'elles appartenoyent à ses progeniteurs, Ayeulx, Bisayeulx, & Tritayeulx. Or il est tres certain que son Tritayeul estoit Vladislaus, lequel vivoit du temps de Frederic I. dit Barberosse, (aucuns l'appellent Bebislaus,

les autres Vradislaus) à raison de-
quoy il est necessaire, que l'an 1160.
il ayr esté Electeur. Voicy de mot
à autre la teneur de ladiète Ordon-
nance.

Rodolphe par la grace de Dieu Roy des Ro-
mains, tousiours Auguste, à tous fidels subiects
du S. Empire Romain, qui ces presentes lettres
verront, grace & tout bien. D'autant plus
que la matiere des dissentions & querelles est
ostee aux successeurs, de tant plus le droit des
personnes est mis en lumiere evidente & esclat-
tante. Nous donc avec grande & meure deli-
beration, desirans scauoir combien & quel
droict appartient & compete au Serenissime
Prince Roy de Boheme nostre fils tres aymé,
& à ses successeurs en l'Empire Romain, &
en l'electien du Roy des Romains, futur Em-
pereur.

Premierement, l'affaire mise en delibera-
tion, Nous auons trouué, du commun accord &
tesmoignage irrefragable des Princes, Barons,
Nobles & subiects de l'Empire, ledit Roy de
Boheme deuoir estre Pannetier a' Empire, &
que le droit & dignité de Pannetier luy appar-

tient & à ses successeurs de droit hereditaire. Secondement, a aussi esté absolument decidé que le susdit Roy ce Boheme, & ses successeurs doit auoir en l'eslection du Roy des Romains futur Empereur pleine pniissance & voix de-nominatiue, également avec les autres Ele-cteurs.

Tiercement nous sommes du tout satisfaiçts que ceste dignité de Pannetier & d'Electo-rat n'ont seulement competé aaudit Roy & à ses successeurs, mais que ses progeniteurs Tri-tayeulx, Bisayeulx & Ayeulx en ont pleine-ment & entierement iouy.

Quartement, Voulans donc remedier aux in-conueniens & troubles qui sur ce se pourroient mouoir à l'encontre dudit Roy, ses heritiers & successeurs, Nous auons declaré, reconnu, & confessé, & par ces presentes reconnissons luy competér & appartenir le droit & dignité de Pannetier, & d'auoir droit & voix en l'eslection du Roy des Romains, Empereur ad-uenir.

Quintement, Si que'que chese se pourroit malicieusement & cautelleusement obiecter & proposer au contraire, en diminution de ce

que dessus, soit par calomnie ou autrement, (ce que nous ne croyons) Nous le suppléons de pleine puissance & authorité Royale. En tesmoignage de ce que dessus, nous auons ces presentes faict seeller de nostre seel Imperial, Donnè à Erford le 4. des Calendes d'Octobre, Indict. 3. l'an de nostre Seigneur 1290. & de nostre regne le dixseptiesme.

Par cest Instrument se peuuent conuaincre & redarguer les erreurs de diuers Historiens. Premièrement, celle du Cardinal Baronius au 10. tom. de ses Annales pag. 917. l'an de N. Seigneur 996. où il escrit qu'auparauant l'an 1256. le Roy de Boheme n'auroit esté Electeur. Et l'Abbé de Staden assure que le Roy de Boheme n'estoit Electeur, d'autant qu'il n'est Allemand. La deuxiesme erreur est de Beutherus, lequel allegue que la dignité de Pannetier estoit incogneuë en l'Empire auât le regne de Charles IV. La troisieme, Que l'Empereur Charles IV. a esté le premier qui a estably & designé les dignitez & offices Imperiaux. La qua-

triefme se trouue en vn liure imprimé à Francfort intitulé, *Du droit Imperial, Royal, Feodal, & National* où est expressement dit que le Bohemois, nonobstant qu'il soit censé & denommé entre les Electeurs, neantmoins n'auoir aucun droit d'election. A raison dequoy *Hostiensis* au chapitre *Venerabilem, tître, De electione*, escrit que le Roy de boheme n'est aucunement necessaire en l'election. La 5. est de *Beucherns*, disant, Que le Roy de Boheme a bien esté present aux elections, comme Pannetier exerçant son office, mais non de droit ou tître singulier: ce que se verifie estre du tout faux, par ce que s'ensuit: Cars'il est officier de l'Empire, par consequent aussi *Electeur*, en vigueur de la sanction Ortonianne, & au contraire: D'autant que l'Electorat & son office de *Pannetier* sont inseparables, & conioincts par ensemble d'un nœud adamantin. Le fixiesme erreur est d'*Alberic*, disant, le Roy de boheme n'estre avec les autres, ains

seulement quand les six Electeurs sont tellement discordans entre eux, que les trois donnent leurs suffrages à vn, & les autres trois à vn autre, que lors ledict Roy de Boheme interuient, comme arbitre ayant droit de balancer les suffrages egaux, & des deux esleuz en denommer l'vn. D'où s'ensuiuroit que le bohemois ne seroit necessaire qu'en cas de discordance entre les autres Electeurs. Ce qu'est conuaincu de faux par la susdite Ordonnance de Rodolphe, laquelle atteste & confirme que le bohemois & ses successeurs heritiers ont plein droit & voix en l'election ainsi que les autres electeurs.

Rupert Electeur Palatin, en qualite de Lieutenant de l'Empire, l'an 1356. a fait vne constitution où se lisent ces mots: *Nous recognoissons & confessons que les Roys de Boheme ont eu constamment, & sans aucune interruption de temps, & ont a present, & a l'aduenir de leurs Progeniteurs, Ayenlx, Bisayeulx, & Tri-*

royaulx, plein droict & absolu en l'election, en la mesme forme & maniere que nous & les autres Princes Coelecteurs, tant spirituels que temporels, pour eslire le Roy des Romains, & paruenir a la dignité Imperialle. &c.

Ce qu'ayant par Charles quatriesme esté considéré, changeant l'ordre de preference & presceance, auroit esté ordonné que le Roy de Boheme possederait entieremēt la troisieme place, & est notoire qu'en l'election de Louys de Bauiere, le Roy de Boheme n'auroit seulement esté preferé au Marquis de Brandebourg, mais ainsi que les autres Electeurs auoir eu pleine voix & suffrage en la denomination.

Je poursuiuray par autres tesmoignages faisans mention des Electeurs auparauant le regne de l'Empereur Frederic 2. Frederic premier par ses lettres patentes donnees l'an 1160. enuoyees à Euerhard de Bambergue, par lesquelles il denomme Regnault

Euesque de Cologne Electeur, vsant de ces termes (tirez desdites lettres) L'Empereur Frederic premier du nom à Henry Leon Guelphe banny, le priue de toutes ses terres & prouinces, pour lesquelles causes lediét Empereur escrit en ceste sorte ez lettres de priuation: *D'autant que Henry a commis faute feodalle & commissorialle, Nous le priuons de la Duché de Ripary & Saxe luy & tous ses successeurs & descendans, le desuestons desdites terres & domaines, ensemble luy ostons & à toute sa posterité le droit d'estlire & denommer l'Empereur, de laquelle prerogative luy & son pere ont esté decorez, &c.* *Donné à VVirsburg l'an 1180.* Le mesme Frederic ayant chassé Henry, a conferé la Duché de Saxe & l'Electorat à Bernhard (fils d'Albert d'Vrse) Prince d'Anhalt, par l'inuestiture à luy faicte à Ratisbonne, en laquelle se lisent ces mots. *Nous conferons au Prince Bernhard nostre feal amy & de l'Empire, toute la Saxe & la dignité d'Electeur, de laquelle auons remis & depossédé à bon droit Henry dernier*

posseſſeur, & le decorons de telle grace & dignité pour ſes fidels ſeruiſes, le droit le requérant ainſi, du conſentement & incitation des Princes de noſtre Royaume.

Ce Bernard Prince d'Anhalt ayant aux enuirs de la riuere d'Albe eu diuerſes batailles contre les Gentils, en memoire de ladiſte guerre, il s'eſt approprié pour ſes armoiries deux eſpees miſes en forme de Croix de Bourgongne, voulant par là ſignifier qu'il auoit la dignité d'Archimareſchal & d'Eleſteur de Saxe, deſquelles armoiries les Eleſteurs de Saxe ſe ſeruent encores à preſent.

Par tous ces reſmoignages l'erreur de Panuinus eſt manifeſte, lequel eſcrit, que deuant le regne de Frederic II. nuls auteurs ont fait mention de l'election, ny de la dignité Eleſtoralle. Et ſi ces Princes auant nommez ont eſté Eleſteurs, ſ'enſuit, que tous les autres Princes ne l'ont eſté: car quelle apparence ou neceſſité de ſ'eſtre attribué vne puissance ou dignité particu-

liere, s'ils l'eussent eu commune avec tous les autres Princes.

CHAPITRE II.

Les Princes d'Allemagne confessent auoir receu du Pape le droit d'eslire le Roy des Romains. Et que par Rodolphe I. avec les Electeurs, ont esté confirmez au souverain Pontife les domaines d'Italie, d'antiquité appartenans à l'Empire.

PAR les lettres suiuantés enuoyees des Electeurs au Pape Nicolas III. est tres euident, que IADIS les Electeurs en Allemagne ont esté ordonnez & establis par le Siege Apostolic. Depuis la mort de Frederic II. iusques au temps desdites lettres escrites l'an 1279. ne se sont escoulez que 29. ans, laquelle petite interualle de temps, ne se peut designer par ceste diction IADIS, & specialemēt d'autant qu'aucuns Princes auteurs

desdictes lettres ont vescu auant la mort dudit Frederic II. Que si seulement ils auroient esté establis & instituez apres la mort d'iceluy Frederic, ils auroient vŕé mal à propos de ce mot IADIS, qui vaut autant à dire, que passé longues années & de temps immemorial auparauant.

Il est à noter, quoy que les lettres soient appropriées & soubscrites de Louys Comte Palatin, si est ce que tous les autres Electeurs ont aussi escrit au Pape en la mesme forme: de quoy font foy les lettres originalles, qui sont à Rome au Chasteau S. Ange.

Louys par la grace de Dieu Comte Palatin du Rhin, Duc de Bauiere, à tous ceux qui ces presentes lettres verront salut. Considerant que doix long temps passé nostre mere la sainte Eglise a porté une vraye amour & dilection à la nation Germanique & Allemande, pour ce icelle l'a ornee & decoree d'un nom & dignité temporelle, surpassant toutes autres dignitez cy bas en terre, plantant & entant en icelle des Printes comme arbres, choisis & preceŕeux,

presteux, en les fauorisant d'une grace & fa-
ueur particulièrement singuliere. Les ayant
tellement aggrandiz, qu'ils ceux appuyez sur
l'autorité de l'Eglise, peuuent produire par
leur election, celui qui doit tenir & regir
l'Empire Romain. C'est ceste seconde lumiere
esclatante au firmament de l'Eglise militante,
grandement esclairee & illustree par la pre-
miere lumiere qui est le Vicaire de Dieu en ter-
re. C'est elle qui selon sa volonté prend l'espee
materielle au poing, afin que par son ayde &
secours, le Pasteur des Pasteurs estant secondé,
il puisse guarandir les ouailles à luy commises,
du glauius spirituel, à la vengeance & punition
des peruers, & honneur des fidels & croyans.
Doncques pour oster toute occasion & matiere
de dissension, scandale & hayne entre ladite
Eglise & l'Empire, & que les deux espees po-
sees en la maison de Dieu, soient vnies par en-
semble d'un nœud Gordien pour le regime &
gouuernement de cet Vniuers, & que nous qui
sommes tenus de deffendre l'Eglise & l'Empi-
re, soyons trouuez enfans de paix & de deuo-
tion tant en œuvres que volonté. Nous donc
en ladite qualité de Palatin, approuuons & ra-

tions en tout & par tout, ce que par Rodolphe
nostre tres-honoré Seigneur, par la grace de
Dieu Roy des Romains tousiours Auguste, a esté
reconnu, confirmé, ratifié, donné, iuré, fait &
protesté à nostre saint Père le Pape Nicolas
III. ses successeurs, & à l'Eglise Romaine,
par les privileges, lettres patentes en quelle for-
me que ce soit, ensemble toutes recognoissances,
ratifications, approbations, innouations, confir-
mations, donations, concessions, & escrits des
autres Emperours & Roys des Romains prede-
cesseurs dudit Emperour, que de luy mesme,
touchant la fidelité, obeissance & honneur que
doivent les Roys & Emperours de Rome au
Pape & à l'Eglise. Et touchant les pos-
sessions, preeminences & droits de ladite Eglise,
& spécialement sur toute la terre d'Italie
situee depuis Raticofane iusques à Ceperane, le
Marquisat d'Ancoine, Duché de Spolete,
terre de la Comtesse Mathilde, cité de Raue-
nes, & Lombardie en çale Po, Bobio, Cese-
ne, Forpopuli, Forli, Faenence, Imola, Bauonie,
Ferrare, Comalco, & ce que despend de la no-
ble maison d'Adrianis, & Gabello riniere qui
va de Modene à Ferrare, Arimine, Vrbis,

Montferrat, le territoire de Balnense, Comté de Breſſonor, la Seigneurie de Rauenne, Pentapolis, ou les cinq villes abyſmees par feu pour leur sodomie, Trabatie, avec toutes les appēdances & dependences, ensemble les terres adiacētes, isles tant en mer que terre, Prouinces, Villes, Citez, territoires dependants en quelque facon que ce soit desdits lieux, ensemble sur la ville de Rome, Royaume de Sicille, & tout ce qu'en depend, tant au deca que dela la riuierre du Phare, (qui est en vne Isle de la mer Adriatique) ensemble sur les Isles & Royaumes de Corsique & Sardaigne, avec toutes autres terres & droicts appartenans à ladicte Eglise: ausquelles recognoiſſances & priuileges susdits en tout & par tout, nous auons donné & donnons nostre consentement; ratifions & approuuons, promettant que contre ces promesses nyl'une d'icelles nous n'irons en aucune facon au contraire, ains que inuolablement nous ferons icelles garder en tout & par tout, selon la forme auant dicte. Et afin que nostredicte volonte, approbation, ratification, consentement & promesse faicte audit saint Pere de Rome & son Eglise, soit à

*touſiours & perpetuellement gardee & obſer-
uee, Nous auons fait faire ces preſentes, auſ-
quelles auons fait appoſer noſtre ſeal, Fait &
donné l'an de noſtre Seigneur 1279. le 15.
d'Apuril, Indiction ſeptieſme, regnant ledict
Empereur Rodolphe touſiours Auguſte, & ce
ſon regne l'an 6.*

Par ces lettres eſt euident & mani-
feſte que les Seigneuries d'Italie ont
eſté par diuers anciens Empereurs, &
de Rodolphe donnees & confirmees
au ſainct Siege de Rome, ſans aucune
contradiction des Princes d'Allema-
gne, leſquels ont tenu pour agreable
telles & ſemblables donations. I'ay
traicté plus amplement ailleurs de la
iuriſdiction que les Empereurs ont eu
& obtenu en diuerſes Prouinces &
Villes d'Italie, auquel traicté compoſé
pour la plus part de diuerſes lettres
patentes & eſcrits, i'ay mis en lumiere
pluſieurs choſes iuſques à preſent in-
cogneues. Car i'ay amplement de-
monſtré que non ſeulement les Em-
pereurs Sucuois, mais auſſi les autres

ont eu droit ez Villes & Provinces d'Italie: m'estonnant beaucoup que par la negligence plusieurs choses signales n'ont esté mises en lumiere, & que personne n'a esté commis ny delegué pour les produire au iour, aucuns peut-estre ont manqué de volonté & diligence pour ce faire, & les autres de moyens & commoditez.

CHAP. III.

Autres tesmoignages par où se prouue que non tous, mais aucuns Princes particuliers ont eu pouuoir d'eslire le Roy des Romains.

HENRY Roy des Romains, fils de l'Empereur Frederic deuxiesme declare, que non tous, mais aucuns Princes ont eu pouuoir particulier, & le droit d'election, par ceste particule restrictive (Aufquels) Les mots sont tels en ses lettres patentes donnees à Elsinghe l'an 1228.

B 3



souffours & perpetuellement gardee & obseruee, Nous auons fait faire ces presentes, auxquelles auons fait apposer nostre scel, Fait & donne l'an de nostre Seigneur 1279. le 15. d'April, l'indiction septiesme, regnant ledict Empereur Rodolphe tousiours Auguste, & ce son regne l'an 6.

Par ces lettres est euident & manifeste que les Seigneuries d'Italie ont esté par diuers anciens Empereurs, & de Rodolphe donnees & confirmees au saint Siege de Rome, sans aucune contradiction des Princes d'Allemagne, lesquels ont tenu pour agreable telles & semblables donations. I'ay traicté plus amplement ailleurs de la iurisdiction que les Empereurs ont eue & obtenu en diuerses Prouinces & Villes d'Italie, auquel traicté composé pour la plus part de diuerses lettres patentes & escrits, i'ay mis en lumiere plusieurs choses iusques à present incogneues. Car i'ay amplement demonstté que non seulement les Empereurs Sucuois, mais aussi les autres

ont eu droit ez Villes & Prouinces d'Italie: m'estonnant beaucoup que par la negligence plusieurs choses signalées n'ont esté mises en lumiere, & que personne n'a esté commis ny delegué pour les produire au iour, aucuns peut-estre ont manqué de volonté & diligence pour ce faire, & les autres de moyens & commoditez.

CHAP. III.

Autres tesmoignages par où se prouue que non tous, mais aucuns Princes particuliers ont eu pouuoir d'eslire le Roy des Romains.

HENRY Roy des Romains, fils de l'Empereur Frederic deuxiesme declare, que non tous, mais aucuns Princes ont eu pouuoir particulier, & le droit d'election, par ceste particule restrictiue (Auf- quels) Les mots sont tels en ses lettres patentes donnees à Ellinghe l'an 1228.

B 3



Indiction premiere , où il donne aux Ducs d'Austrice , entre autres priuileges cestuy cy , de porter la couronne Royale en toutes actiōs solemnelles. Qu'un chacun (dit il) fidele seruiteur de Dieu & de nostre Royaume cognoisse , & toute la posterité ensuiuante & aduenir , que nous par la permission des Princes ausquels est permis d'eslire le Roy des Romains , & de leur gré, conseil & faueur, &c. Et vn peu apres. En presence oculaire de nostre Maiestd, & des Electeurs de l'Empire Romain , par enqueste & sentence diffinitive a obtenu &c. Le Pape Clement quatriesme approuue la mesme sentence en l'epistre, commençant: Pour certification, donnee l'an 1266. par ces mots : Nous deffendons à tous Princes d'Allemagne , tant en general qu'en particulier , ayants droit en l'election de l'Empereur des Romains , sous peine d'excommunication , d'eslire Conradin (nepueu de Frederic deuxiesme) pour Roy des Romains. Lesquels mots ne se peuuent entendre , sinon des Princes ausquels seuls appartient de droit, non de

faict, la puissance d'eslire le Roy des Romains.

Le mesme a esté decidé au Concile general de Vienne, la sentence duquel j'ay rapporté cy deuant au Chapitre premier, où il asseure que la puissance d'eslire le Roy des Romains a esté donnée par le sainct Siege Apostolic à certains Princes d'Allemagne. Si aucuns particuliers ont droit d'election, donc non tous.

En vne certaine lettre en datte de l'an 1338. escriite au Pape Benoist douziésme, est faicte mention de six Electeurs, excepté le Bohemois, lesquels se nomment Electeurs legitimes, afin de donner à cognoistre que les autres s'attribuent le droict de suffrage de faict, (lesquels pour ceste raison y sont denommez Coelecteurs) mais iceux auoir seuls puissance d'eslire à leur volonte.

Mesmes l'Empereur Frederic premier a recognu que le droict d'electiō n'estoit licite à vn chacun, mais seu-

le mēt à aucuns Princes, par ces mots: Nous attribuons la liberré de nostre Couronne au benefice de Dieu seulement, & recognoissons la premiere voix d'election appartenir à l'Archeuesque de Mayence, & ce qui reste, estre du droit des Princes selon leur ordre & qualité. Doncques Frederic par son tesmoignage met hors de doubte ce que scrit le Chroniqueur d'Vrspergue en l'an 1152. où il dit: *Frederic premier a prins possession du Royaume plustost par la denomination de son Oncle, que de l'election.* Frisingensis contemporain de Henry Duc de Saxe, escrit que ledit Henry a tenu pour nulle & illegitime l'election de Conrard de Sueue, d'autant qu'il n'y auoit esté present, toutesfois peu apres, pour euitier les seditions & factions, a confirmé & corrobore ladite election par son suffrage: d'où il appert qu'il auoit quelque prerogatiue au fait de l'election.

Vrspergue escrit, que Philippe prenant conseil touchant l'apprehension de l'Empire, s'est seruy des Officiels

de l'Empire, lesquels sont entreuenuz à ceste election, & y ont deseruy chacun selon leur office. Le Chroniqueur dit en ces termes. *Le susdit Philippe s'est incontînēt apres transporté ex parties du Rhin, au Chasteau de Tagnate, où il a passé les festes du Noel, auquel lieu le sont venu trouuer les Officiers, Ministres & aucuns Princes & Barons de la terre, ausquels il a declaré l'intention de ses desseins.* D'où il conste qu'ils estoient Electeurs & Officiers de l'Empereur. Mais d'autant que l'election de Philippe auoit esté faicte en l'absence de l'Archeuesque de Mayèce & de Cologne, c'est pourquoy le Pape Innocent III. la taxe de deffaut & defectueuse au chapitre *Venerabilium, De electione.* Faisant son allusion à ceux (lors qu'il dit) ausquels ceste election appartient de droit & d'ancienne coustume. C'est merueille ce que rapporte Onuphrius Panuinus (homme du tout rompu en la cognoissance de l'antiquité, mais auquel a manqué la plus grande experience des affaires

B 5



d'Allemagne , n'ayant esté instruit de diuers Manuscripts & Instruments, sur lesquels ie me suis principalement fondé,) à scauoir, qu'il assure que l'institution des Sept Hommes auroit esté instituee entre la mort de Frederic deuxiesme , & la creation de l'Empereur Rodolphe , & poursuit, disant, estre probable que ceste institution estoit faicte de l'autorité du Pape Gregoire dixiesme au Concile OEcumenique tenu à Lyon, lequel est certain auoir esté en l'an 1274 laquelle sentence sera plus amplement refutée & apres au chapitre huiſtiesme.

Ie te cede Panuinus, & ne veux disputer avec toy par mes Manuscripts, & armes litteraires, lesquels tu n'as peu recouurer, tu pouuois recognoistre ton erreur par la seule lecture de Trithemius, lequel est assez frequent aux Bibliotecques d'Italie. Iceluy rapporte en la Chronique de Hirsauie, page 188. Que Guillaume Comte de

Hollande a esté esleu Roy des Romains, & que les Officiers de l'Empire, à sçauoir, de Mayence, Treues, Cologne, & le Palatin, Brandenbourg, Saxon, avec le Bohemois au couronnement d'iceluy ont fait leurs deuoirs ordinaires, ce qui se pratique encores au iourd'huy par les Electeurs Cccy a esté fait en l'an 1249. c'est à dire, vingt quatre ans auant le Concile de Lyon, comme appert par la Bulle d'Or de Charles quatriesme, que ces mesmes sont les Officiers & Electeurs de l'Empire. De toute antiquité il se trouue par les Instrumens que les Saxons se sont appelez & soubscrits Archimareschaux, les Palatins Archieschansons, & non Electeurs: il ne faut pourtant de là inferer & conclurre qu'ils n'ayent eu ceste dignité, parce que le tiltre de l'office Imperial n'appartenoit à personne qu'aux Electeurs. Quant à present ils ne portent nys s'attribuent plus ces tiltres, mais se nomment seulement

Electeurs, il ne s'ensuit pas qu'ils ne
ayent aussi eue l'administration des of-
fices susdits. Richard Anglois auoit
esté denomé Empereur par l'Arche-
uesque de Mayence, de Cologne, &
du Palatin, & Cesar Alphonse Espa-
gnol, par Othocare Archeuesque de
Treues, Albert Saxon, & Jean de Bran-
denbourg. Ces choses ont esté faictes
sous le Pontificat d'Alexandre IV.
donques les Electeurs n'ont esté in-
stituez par Gregoire X. puis qu'ils
auoiēt esleu auant son temps de scan-
ce. Il y a vne lettre du Pape Gregoi-
re aux Electeurs d'Allemagne, par la-
quelle il les admoneste, veu que l'Em-
pire auoit esté long temps sans vn
chef meur & de bon conseil, qu'ils
ayent à en denommer & eslire vn qui
soit vrayement bon patron & aduo-
cat de l'Eglise, selon le pouuoir qu'ils
en ont, ou autrement qu'il y pourui-
ra d'vn auquel il appartiendra d'en
iour. A laquelle exhortation ils es-
leurent Rodolphe de Habsbourg. Par

où appert euidentement, puis que les Electeurs esleurent Rodolphe, qu'ils n'ont esté instituez durant son regne & sous son gouvernement.

CHAP. IV.

Obiections tirees de diuers Historiens, d'où aucuns concluent qu'auant le regne de Frederic deuxiesme, tous Princes ont esleu le Roy des Romains.

IUSQUES à present j'ay suffisamment demonstté, que les Electeurs ont esté deuant le regne de Frederic deuxiesme. Mais comme l'institution de ce College ne se peut rapporter ny reserer à aucun certain temps par les escrits des Historiens de partie aduerse, ny aussi sous quel Pape ou Empereur ils ont esté instituez. Il reste maintenant de prouuer la commune sentence des Historiens, qui attribuent ceste institution

à Gregoire cinquiésme, & à l'Empereur Otton troisiésme. Toutesfois ceux qui fauorisent l'opinion contraire, semblent vouloir renuerser nostre sentence, & nous couper la gorge de nostre propre cousteau. Car en l'histoire de Sueue est amplement démontré, que les Electeurs auant le gouuernement de Frederic deuxiésme, ont iouy de la dignité d'election, comme il est euident par les mesmes histoires, que tous Princes tant Politiques qu'Ecclesiastiques, apres le regne d'Otton troisiésme ont entreueu aux elections. Ce qui se monstre par les exemples des suiuanes elections. *Lors que les Nobles estoient en conseil & deliberation d'eslire vn Prince, (car le sommet de l'Empire Romain s'attribue ce droit d'une singuliere prerogative, que les Roys ne descenderont selon la ligne de consanguinité, mais qu'ils seront esleuz par les Princes) En fin Frederic premier de Sueue est recherché d'un chacun, & par la faueur & suffrages de tous est esleué a*

la dignité Royale. De là est conuaincue l'erreur d'Auentin en son liure cinquiesme, lequel escrit que l'Empire estoit successif, & non electif deuant le regne de Frederic deuxiesme. Les Saxons tournoient en erreur, & manquement, que l'Empereur Conrad deuxiesme de Sueue n'auoit esté esleu du consentement & commune deliberation des Princes, cōme aussi quelques autres Princes fauorisoient Henry le Superbe, (auquella plus saine partie des Bauarois, Saxons, Danois & ceux de Westphalie estoit subiecte) lequel affectoit & pretendoit à l'Empire.

Cariagoit qu'apres le decez de Lothaire, tous les Princes d'Allemagne auoient assigné vne assemblee generale à Mayence, pour decider de l'election, si est-ce que aucuns craignans que Henry pour lors le plus renommé & plus redouté Prince d'Allemagne, pour sa puissance, par laquelle il surpassoit tout autre, eut

prins pour soy l'autorité de l'Empire, se faisant Empereur, (d'autant que le siege de Mayence estoit lors vacquant) ils se transporterent à Confluent, & donnerēt l'Empire à Conrad, lequel ils couronnerent solennellement à Aix. *Frisingensis livre 7. de son histoire, chap. 22.*

Après la mort d'Otton III. la plus grande partie des Princes qui auoient assisté à ses funérailles, auoient esperance d'esleuer à la Royauté Herman Duc de Sueue, mais Henry deuxiesme le boiteux le preualut par force. *Dittmar au livre 4. sur la fin.*

J'adiousteray encor d'autres exemples de Sueue : Ernest après la mort de Herman Duc de Sueue l'an 997. par Henry deuxiesme, dit le boiteux, ou Bauarois, fait Duc de Sueue, & Guelphe fils de Rodolphe Duc de Baviere Orientalle, avec autres de leur faction, ont transféré la dignité Imperiale à Cunon ou Conrad, tres puissant Duc des Francons : mais les
Ducs

Ducs de Sueue, ny ceux de la Bauïere Orientalle n'ont iamais eſté annexez au nombre des Sept Hommes. *Ditmar au liure 7. chap. 17.*

Friſingenſis contemporain de l'Empereur Conrard II. eſcrit qu'il auroit eſté eſleué à la dignité Royale apres la mort de Henry V. par ſon frere Frederic Duc de Sueue, & autres. Il eſt donc neceſſaire, que le Duc de Sueue auoit droit de ſuffrage ez aſſembles Imperialles.

Que la puiſſance de creer l'Empereur ne dependoit tant ſeulement de l'authorité des 7. Hômes, ſemble eſtre notoire par les Chroniqueurs Vriſpergue & Crantzius, *au liure 7. des Saxons, chap. 15.* où ils eſcriuent que Philippe fut eſleu par les Sueuois, Saxons, Buaurois, Bohemois, & pluſieurs Princes du Rhin: comme auſſi par les Eueſques de Magdebourg & de Breme &c. leſquels toutesfois en ce temps là n'eſtoient du nombre des Sept Hommes.

Ligurinus; qui viuoit au meſme

temps, au liure premier des gestes de Frederic, décrit en ceste sorte l'assemblée des Princes qui esleurent ledict Frederic premier à la dignité Imperiale.

*Par la mort de Conrard, le siege des Teutons
Estant sans Empereur, si tost de tous cantons,
Les Princes Allemäds, entrailles del' Empire,
Viennent, pour assemblez un successeur eslire.*

Et vn peu apres il introduit aucuns l'vn apres l'autre, deliberans en ceste assemblée lequel ils deuoient denommer pour gouuerner le tymon de la Republicque, en ceste sorte.

*Quand donc ces grands Seigneurs furent assis
ainsi,
Par doubte consultants qui seroit mieux choisi
Pour l'Empire sacré. on vid de Saxonie,
Et païs Palatin, ausi de V Vestphalie,
Et terroir Bawarois les Nobles s'assembler: (bler
Sauoye, & la Bourgogne, & Cymbres qui trē-
Firent les plus grands Roys: toute la populeuse*

*Extension du Rhin, & la terre fameuse
 Pour le nom de Luther: Suisses & ceux d'Au-
 sbourg,
 Sueue, & païs d'Autriche. & tout renommé
 bourg
 Voisin du grãd Danube, & du fleuve de Lyce,
 Vers le païs Hongrois, venans en pompe riche,
 Et tout illustre nom du Teutonique sang
 Alors fut assemblé, tenant son ordre & rang.*

On ne peut dire que les Bourgui-
 gnons, ou ceux du royaume d'Arles,
 ny Sauoyards, non plus que les Danois
 & Wandalés, les Princes de Norem-
 bergue, de Bauïere, de Lorraine, de
 Scvvabe, ou Ausbourg, Suisses, Sue-
 uois, Austriens, Carinthiens, ou autres
 Princes Allemands, les habitans du
 Danube vers Hongrie, auoir esté du
 nombre des 7. Hommes, ny aussi que
 les peuples cy dessus denommez par
 Ligurinus, ayent esté sous la domi-
 nation d'iceux.

CHAP. V.

Par deux manuscrits est demonstré quelle a esté la coustume d'eslire l'Empereur, lequel deuant le regne de frederic deuxiesme estoit esleu de peu de Princes.



AUCUNS par ces exemples, comme estant fleches accrees, se sont espouuantez, ayant commencé à chanceller, & semble qu'ils mettent en doubte la verité de la sentence commune. C'est pourquoy de peur qu'ils ne soient contraincts de nier la sanction emancee de Gregoire V. & approuuee par Otron III. & abandonner sa sentence receüe, ils ont voulu pouruoir à leur affaire par ce seul refuge. Car ils accordent qu'elle a esté instituee & publiee en ce temps là. mais iamaïs visitee ny approuuee sinon apres l'electiõ de l'Empereur Frederic deuxiesme, pour l'oc-

casion des dissensions qui lors esbran-
loient l'Empire.

Par deux memorables manuscrits
(qui iusques ores n'ont veu la lumie-
re) ie tascheray de resoudre ce nœud
par autres raisons. L'Auteur du pre-
mier manuscrit est Welbertus Chap-
pelain de l'Empereur Conrad II. Sue-
uois, lequel escrit en ceste sorte tou-
chant l'election de l'Empereur Lo-
thaire. [Lutheratius issu d'un pere il-
lustre Comte de Saxe, lequel y avoit
deux fortes citadelles, & y possedoit
de grands domaines, l'un à Schlepen-
berg, & l'autre à Arensperg. Ayant
paracheué ses annees pueriles, se re-
sout de hanter la guerre à la suite du
Roy Henry, sous lequel il s'est fait
valloir, & a esté redoubté soldat en
France, tenant le party de l'Empereur,
lequel querelloit le Roy pour les do-
maines de sa femme. Mais depuis que
le Roy fit conduire ses armées au pais
de Saxe, & qu'il y rauageoit beaucoup
de domaines par feu & flamme, Lu-

theratius se separa de luy, & ayant grand nombre de soldats à sa suite, luy a va-
leureusement resisté pour la deffence
de sa patrie. Le Roy Henry mort, beau-
coup de Princes de tout le Royaume
se sont assëblez en la ville de Mayen-
ce, pour traicter de l'electiõ d'un nou-
veau Roy. De prime abord tous estoient
assemblez en la grande Court, tant les
Princes spirituels, que temporels, des-
quels la plus part denommoient pure-
ment & simplement celuy lequel ils
souhaittoient qu'il fut esleu, & neant-
moins ils n'eslisoient absolument,
d'autant qu'ils n'auoient la voix de suf-
frages reels. Ayant donc denommé
le susdit Lutheratius, ils ont dit: A ce-
stuy nous sommes prompts d'obeyr, si
vous l'intronisez au Royaume, selon
vostre bon plaisir & suffrages, il n'y au-
ra aucune discorde. Dont peu d'entre
eux, tant spirituels que tẽporels, exa-
minant la personne de Lutheratius, &
ses actes heroïques & militaires, en-
sẽble ses merites enuers lès seruiteurs

de Iesus Christ, & l'Eglise Vniuerselle, l'ont votiuemēt esleu, ayant esté grandement recōmandé de Albert Euesque de Mayence, qui auoit en haine mortelle les grands Seigneurs de Sueue. Les autres Princes qui ne dōnoient aucuns suffrages l'ont embrassé sous cete faueur, & l'ont respecté pour Roy. Alors nous estimions vne concorde perdurable auenir au Royaume, mais deux puissants Seigneurs Sueuois Frederic & Conrard se sont rebellez contre le Roy esleu par peu de gens, mais de voix accordantes & vnies. Ce Conrard auoit bon droit, car il estoit neveu de l'Empereur Henry dernier decedé, & estimoit le Royaume luy deuoir appartenir, lequel il a voulu enuahir par armes, mais la puissance de Lutheratius a preualu, qui le chassoit & battoit de tous costez. La prouidēce diuine reseruant à ce bon Seigneur vn autre temps pour paruenir à l'Empire afin que ses traualx & afflictions fussent esprouuees en la fournaise de patiēce,

& qu'ainsi esprouué de Dieu, & trouué patré, il meriteroit d'obtenir la Royauté. Ce qui est aduenü apres la mort de Lutheratius.]

Amand Secretaire de l'Empereur Frederic premier, en vñ liure non encores imprimé, touchant les premiers actes faicts en l'Empire par ledict Empereur Frederic, escrit en ces termes. [L'an 1152. grand nombre d'illustres Seigneurs sont venus de Lombardie, Florence, Genes, & autres domaines d'Italie, & la plus saine partie des Seigneurs des Royaumes au dela les Alpes, en la ville de Francfort. Autres Seigneurs en tres grand nombre comparants par leurs Ambassadeurs, ont déclaré aux six ou huist Officiers du Royaume residens dans le lieu secret de la Court Royale, Nous & toute la patrie certifions nul estre plus propre à regir le Royaume que Frederic de Wailblingen, & Stauffa homme de genereuse extraction, illustre & orné de merites & vertus: lequel Dieu veuille

esleuer à la Royauté par vos suffrages: auquel nous vouërôs nos seruices iusques à la mort. Que si à céuy vous consentez & donnez vos voix, ô Officiers, il aura vne ferme force en son Empire. Les Officiers sortans du conclaue secret, declarerent vnanimemēt auoir esleu Frederic, sauf ce qui estoit de droit à garder, si tost l'applaudissement general de tous s'est ensuiuy, disants: Ceste election sera ferme & stable, car elle sera guarandie de nous tous. Viue le tresiuste Empereur, & guerroyer remarquable, lequel nous deffendra contre nos ennemis estrangers. Tost apres vn chacun luy a presté le sermēt requis en telle action, & selon les anciennes coustumes, lesquelles les Princes sont tenus d'entretenir.]

CHAP. VI.

Par les tesmoignages citez, est euident, comment les Historiens doiuent estre entendus, qui escriuent, Tous les Princes auoir esleu l'Empereur. Si ce n'est que l'interpretation proposee soit admise, d'où s'ensuiuroient beaucoup d'inconueniens. Item les Historiens sont expliquez par les Historiens.

PAR ces tesmoignages est manifeste, que tous les ordres de l'Empire, suiuant la coustume ancienne, auoient accoustumé se trouuer & estre admis aux consultations de la future election, mais non de dōner les suffrages, lesquels dependoient seulemēt des Officiers de l'Empire. En ces consultations les volontez de tous les ordres se pouuoient espier, & cognoistre de quel costé chacun estoit porté, & lequel ils estoient prests d'assister. Ils demonstroient de

desirer, proposer, & appeter, l'un ce-
stuy, l'autre vn autre, pour ses rares
vertus, & le denommoient, afin d'es-
tre esleué à la Souueraineté, lequel
aussi ils recommandoient & annon-
coient ses vertus, plus cogneuës à plu-
sieurs Princes, qu'à peu d'Electeurs. Ce
que les Electeurs ont permis, à celle
fin que si leurs suffrages accordoient
auec tous, ou la plus part des Ordres
susdits, que cela causeroit beaucoup
plus d'autorité & d'obedience à l'en-
droit de celuy qu'ils auroient esleu par
leur iugemēt, vœux & suffrages, qu'un
chacū y ioindroit les nerfs de sa puis-
sance, pour preuenir aux pernicieuses
factions qui pourroient subuenir, &
pour plus facilement dompter les re-
belles. Que si les Electeurs auoient es-
leu vn autre non recommandé & de-
siré de tous les Ordres, alors ils leur de-
claroient les raisons de leur conseil,
les supplians de vouloir acquiescer à
leur election, d'obeyr & fauoriser à ce-
luy qu'ils auoient esleu. D'abondant,

les Electeurs comme Presidents moduloient la consultation, non selon le desir de tous les Ordres, mais ainsi que ils iugeoient estre le plus vtile & necessaire à la Republique. Si les Electeurs declaroient quelqu'un estre descheu de la dignité Imperiale, les autres soubignoient à leur sentence, & estoient declarez quittes de leur serment, n'estoit qu'ils estoient adherans, & fomentoient leur faction.

Ce sont les causes pour lesquelles tous les Ordres ou la plus grande partie d'iceux ont accoustumé de comparoir à l'electiō Imperiale. De ceste mesme façon les Emperours Frederic premier, & Henry premier ont esté esleuz de tous les Princes du Royaume. *Frisingensis* livre 6. chapitre 27. De mesme aussi Conrard deuxiesme, *mesme* livre 6. chap. 28.

Vr̄spergue en l'an 1035. escrit que Henry IV. & Henry V. en l'an 1106. ont esté esleux estant le Saxon seul absent.

La raison pourquoy, lors que les

Historiens escriuent, qu'il auroit esté esleu de TOVS, ou de PLUSIEURS, cela ne se doit entendre de l'election propre, laquelle se faict par calcul & forme de Iuge, mais par forme de tesmoins, requerrans ou denommans. Si nous n'accordons point aux Historiens par ceste interpretation, ils s'ensuiuront beaucoup d'incôueniens par la sentence opposee. Car si, selon que les Historiens escriuent, TOVS, ou PLUSIEURS Princes se soient trouuez aux assemblees designees pour l'election d'un Empereur, il est licite de coniecturer, que tous ont eu la puissance d'eslire, & donner suffrages par le calcul & maniere de Iuge, qui sera celui lequel

PREMIEREMENT,

Concedera cela auoir esté permis au Legat du Pape, & aux Princes d'Italie subiects à l'Empire, lesquels ont assisté à l'election de Frederic premier, & Conrad deuxiesme, côme *Frisingensis* le tesmoigne en ses gestes chap. 1. *Vrspergue* en

l'an 1053. escrit en ceste sorte. Par l'election du Pape, & de tous les Princes du Royaume, il a estably & denommé le Roy Henry son fils à la dignité Imperialle. Celuy qui a continué l'histoire de Sigebert, tesmoigne que les Legats du Pape ont entreuenu à l'election de Lothaire, & que par le consentement de tous les Princes il auroit esté proclamé Auguste. Toutesfois le Pape Innocent 3. au chap. *Venerabilem, de electione*, les Princes d'Allemagne qui fauorisoient l'election de Philippe de Sueue, ont obiecté au Legat, pour auoir reiecté Philippe, & approuué Otton estre Roy, qu'en ce cas il auroit prins le tiltre d'Electeur, ou Procureur son maistre absent, si la qualité d'Electeur, il auroit mis sa faux en la moisson d'autrui, & par consequent auoir derogué à la dignité des Princes. A quoy il respond, qu'il ne vouloit s'attribuer le droit des Princes, mais qu'il leur laissoit la puissance entiere d'essire vn Roy, d'autant que de droict elle leur appartenoit. Par

consequent il denie que son legat ayt faict eslire ou esleu quelqu'un, ny aussi prins la qualité d'Electeur, ny s'estre ingeré en quelque maniere de l'election.

SECONDEMENT,

De mesme façon que les Historiés disent l'un ou l'autre auoir esleu, ils doiuent aussi ainsi estre entendus lors qu'ils disent, tous auoir esleu. Mais souuêtes-fois il se dit, qu'un ou deux ont esleu, ce qui ne se peut proprement entendre, d'autant que par là on pourroit coniecturer qu'un ou deux auroient eu le droit de suffrage. Cause pourquoy par ceste raisõ sont reputez d'auoir esleu, parce qu'aux autres à soy attribuans le droit & office d'eslire, ils ont auacé quelqu'un pour estre esleu, l'ont recommandé, & persuadé aux autres d'eslire cestuy cy, & non un autre. Dont Krantzius escrit faussement au 8. & 9. liu. de l'*Hist. de Saxe*, ch. 19. où il dit, *Que par longue espace de temps les Archeuesques aux enuiros du Rhin auoient institué*

les Roys, les Princes non appelez: cōme s'ils eussent voulu affirmer l'election appartenir dé droit à eux. seulement.

Ainsi Conrard Salique a obtenu l'Empire par la faueur d'Aribon, ou Abbon Archeuesque de Mayence, & de Ebehard Euesque de Pabebecque, tous les autres discordans, *selon Vrspergue l'an 1025. feuilles 227.*

Il est notoire qu'après la mort de Henry V. (autrement IV.) auroient esté denōmez les quatre Princes plus renommez, à scauoir, Lothaire Duc de Saxe. Frederic Duc de Sueue, Leopold Marquis Oriental, & Charles Comte de Flandres, dont *Godefroy de VVitterbe escrit au liure 10. fol. 501.* que Lothaire auroit esté esleu Roy du consentement de tous, quoy que contre son gré: mais Frisingensis dit que Lothaire fut créé par l'instinct & conseil d'Albert Euesque de Mayence, lequel discordeoit avec Frederic Duc des Sueuois, desiré de plusieurs pour estre Empereur.

Lors

Lors qu'Albert d'Austrice Roy des Romains n'auoit payé à Gerard Euesque de Mayence la somme de deniers à luy promise (à cause de son election) on tient qu'il dit, monstrant vn cor-
net de chasseur qu'il auoit pendu à son col, Dans cecy ie porte plusieurs Em-
pereurs, comme si la faculté de pro-
mouuoir & demettre les Empereurs
dependoit de luy seul.

Henry VI. (autrement V.) estant
decedé, les Euesques de Cologne &
de Treues ont assigné iour à Coulo-
gne pour l'election d'un Empereur, où
ils ont donné esperance à Bertholde
Duc de Zeringhe de l'establis à la
Royauté.

Henry VI. (autrement V.) estant
passé de ceste vie à l'autre, les Arche-
uesques de Mayence & de Coulogne,
ensemble les plus puissants d'Allema-
gne, ont enuoyé des Ambassadeurs à
Richard premier Roy d'Angleterre,
pour luy signifier qu'ils auoient assigné
iour au 8. des Calendes de Mars, pour

proceder a l'election de l'Empereur futur, l'appellant comme vn des principaux membres de l'Empire, en vertu du serment par lequel il estoit obligé a l'Empire, affin d'assister & d'estre present a l'election. Les Legats du Roy d'Angleterre effectuerent tant (a sa persuation) contre l'opinion des Archeuesques de Mayence & de Coulogne, que son nepueu Otton frere de Henry Duc de Saxe fut denommé a la dignité Imperialle. *Roger aux Annales d'Angleterre, fol. 776.*

En l'election de Rodolphe de Habsbourg, lors que l'vn vouloit eslire l'vn l'autre vn autre, le Burggraue de Norremberghe persuada d'eslire Rodolphe. Laquelle election pleut aux autres & principalement a l'Archeuesque de Mayence, lequel auoit autres fois esté receu fort humainement du dict Rodolphe. Et de peur que les suffrages mis au neant par les factions, ne causassent quelque danger en l'Empire, ils supplierent Louys Comte Pala-

tin d'en denommervn capable a gouverner le rymon Imperial, lequel par sentence diffinitive esleut Rodolphe de Habsbourg, ce que fut confirmé & approuué des autres Electeurs, & tous vnaniment crierēt, viue Rodolphe

Tiercement.

Les autheurs escriuent que souuēt de mesme façon les Empereurs se sont substitué des successeurs, encor qu'ils ne pouuoient eslire, mais seulement denommer, recommander & interceder pour quelqu'un, afin qu'en l'election on eut esgard a sa denominatiō.

André V Vitichind rapporte en la 1. partie de son histoire, chap. 18. fol. 18. qu'Henry 2. designa en dernier ressort, Conrad Salique son successeur, lequel luy succeda. Henry 3. a subrogé a l'Empire son fils Henry, comme escrit Vrsperghe en l'An 1040. ce que ne s'est fait sans le conseil & requisition des Princes.

Quartement.

On tient que tous les Princes ont esleu en mesme façon que le peuple de

Rome fouloit eslire vn Roy, toutes-
fois il n'auoit proprement droit d'esli-
re, par consequent tous les Princes ne
doiuent estre reputez proprement
Electeurs, & ce par la sentence des
plus fameux Historiens. Tout le peu-
ple a requis Otton III. estre Roy, &
ce par dernier suffrage. Ceste suffra-
gation doit estre prinse impropremēt
de la louange & acclamation du peu-
ple, par laquelle il tesmoignoit l'ele-
ction (faicte par les Princes) & la co-
ronation d'Otton leur estre agreable.
Les Francons & Saxons ont recom-
mandé & enchargé à leur souuerain
Magistrat Conrad dernier de la mai-
son de Charles Magne.

Henry l'Oyseleur a receu la dignité
Imperialle de tout le peuple de Fran-
conie, & des Saxons.

Otton le grand son fils a iouy de
l'Empire par la volonté & election de
tout le peuple en general. Otton 2.
a esté proclamé Roy de tout le peuple
& de toute la Noblesse.

Otton III. en l'assemblée generale des Allemands estans à Rome, a esté proclamé & salué Empereur. *VViti-chind aux gestes des Saxons, & le continuateur de Reginon en l'an 961.* D'où est manifeste que le peuple de Rome, ny autre ayt oncques eu proprement droit d'eslire les Roys, d'autant qu'il n'a iamais rien faict enuers la creation des Empereurs. Veu musmes qu'Adrien Pape 4. malgré le peuple de Rome, a couronné Frederic I. de Sueue, comme i'ay monsté en mon histoire de Sueue.

D'abondant, apres la monarchie constituee, les Empereurs estoient creez, ou par l'Empereur regnant, ou par la gendarmerie. Bien peu estoient appellez par les suffrages du Senat, ou du peuple de Rome, & n'estoient de longue duree qu'ils ne fussent tuez, comme Maximus & Balbinus. Nerua est paruenue à ceste dignité non seulement par le Senat, mais aussi par les suffrages des soldats pretoriens. Saint

Hierosme a tres-bien escrit, lors qu'il dict, qu'anciennement l'Empereur estoit esleu de toute l'armee. Si la Monarchie Romaine florissante, le Senat ny le peuple n'auoient aucune puissance d'eslire, d'autant moins y pouuoient ils pretendre aucun droit, lors qu'elle a commencé à décliner.

Quintement.

Les Historiens disent, que quelques-fois les Roys estrangers ont esté appellez aux assemblees ou il s'agissoit de l'election d'un Empereur, comme cy deuant nous auons dict de Richard Roy d'Angleterre, & le Roy de France a vne fois esté Directeur de l'election. Mais qui dira que le droit d'election leur appartenoit proprement? Donc il est vray semblable que ledict droit n'a appartenu pelse-mesle, à tous les Princes de l'Empire.

Sextement.

Il ne s'ensuit pas, que quelques factions s'estant esmeues & engendrees, à cause de l'election, aucuns Princes

ont tenu le party de l'un ou l'autre esleu, mais non que ces distractions, de telles factions, ayent eu puissance, ou force d'eslire vn Empereur. Ainsi Henry depossédé, les Saxons, Sueuois Bauarois, ont déclaré Herman Duc de Lorraine Roy, & l'ont fait ioindre à Rodolphe de Rhinfeld, pour se rendre ennemis dudit Henry 4. De mesme Philippe & Otton emulateurs querellans la dignité Imperialle, auoient le peuple pour leur faction. Qui, distraits par ces dissentions, tenoient le party de l'un ou l'autre esleu, mais tout ce faisoit sous la conduite & auctorité des Electeurs. Lesquels si d'auenture ils auoient esleu quelqu'un, ils tenoient son party, & le party d'un autre aussi esleu, mais non les Electeurs, ains les Princes qui estoient attirez a leur faction, lesquels n'auoient pourtant droit d'election, mais estoient bien chefs & Capitaines des factions, & n'estoient compris au nombre des Sept Hommes dits Electeurs par l'au-

L'origine des
 thorité desquels, & non de leur propre, ils ont nourry les factions contre l'esteu.

CHAP. VII.

Responſes aux exemples du Reuerendiſſime Baronius, par leſquelles il tafche de prouuer ſous les Princes de l'Empire auoir obtenu meſme droit en l'election du Roy des Romains.

PAR les choſes auant diſtes, toutes les exemples obiectees par Baronius tres-expert Hiſtoriographe, quoy qu'il tienne de la ſentence de partie aduerſe, ſe peuuent aiſement diſſoudre, & eſtre expliquées: toutesſois à cauſe que le lieur requiert quelques reſponſes à ſes obiections, ie les toucheray d'auantage, qu'expoſeray.

PREMIEREMENT IL OBIECTE,
 Henry IV. eſtant deiecté de la dignité

Imperialle, le Pape Gregoire VII. es-
crit à tous les Princes d'Allemagne,
d'eslire entre eux vn Empereur nou-
veau, leur insinuant auoir tous droict
esgal en l'election d'un Roy, Empe-
reur designé.

Mais si regardons la chose de pres,
Gregoire n'escrit rien en ceste letre là;
ausquels proprement appartient le
droict d'eslire, ains les exhorté tous à
l'election, ce que se doit entendre de
ceux vers lesquels la puissance est: que
s'il a voulu cela estre entendu d'un au-
tre sens, ce a esté fait pour susciter &
esmouuoir vne plus grande rebellion
contre luy, d'autant que la nouvelle
election estoit composee de plusieurs
Princes.

S E C O N D E M E N T.

La plus part des Princes Ecclesiasti-
ques & Politiques d'Allemagne ont
esleu Philippe de Sueue, comme ap-
pert par leurs patentes enuoyees au
Pape Innocent III. *Je respons.* Plu-
sieurs, non de droit, mais de fait & de

force estant plus puissans, se sont appropriez le droit d'eslire l'Empereur A la violéce desquels les Electeurs ne se sont tousiours opposez, afin de munir leurs factions de plus fortes defences, & de pouuoir resister plus puissamment, à celuy auquel ils estoient contraires. Aussi plusieurs des Princes susdicts, ont esté de la faction de ceux ausquels appartenoit le droit d'eslire Cause pourquoy ils suiuoient lesleu, non à cause de l'auctorité de l'electiō faicte par eux, mais à l'imitation des Electeurs, ils ont accommodé à l'esleu non l'election, mais la deffence,

TIERCEMENT.

Aucuns Euesques & Abbez, le Duc de Lorraine & de Brabant, ont esleu Otton 4. ayant enuoyé les parentes de leur election au Pape Innocent 3. lesquelles ils ont souscriptes par ces mots: *I'ay esleu, & souscript, &c.* Par consequent les paroles y inserees four nissent de decision quant à ce nœud. Car ils escriuent ainsi, *Nous auons iuste-*

ment esleu (Otton) ce qui concerne les Electeurs, entre lesquels estoit l'Archeuesque de Coulogne. Puis les autres adioustent, *Et ainsi que nous auons deu, nous auons consenty à l'electiō.* Plusieurs consentent à l'election, c'est à dire, acquiescent à icelle, lesquels toutesfois n'ont aucun droit d'eslire.

CHAP. VIII.

Que le tres-Illustre Cardinal Baronius appuyé sur le dire de Mathieu de Paris Anglois, si mal fondé, disant: Que les Sept Electeurs ont esté instituez au Concile de Lyon l'An 1245.

BARONIUS, par la Cronicque de Mathieu de Paris, Moine Anglois, tasche de prouuer, que les sept Electeurs ont esté institu-
ez sous Innocent 4. l'an 1245. au Cō-
cile de Lyon, seant le mesme Pape Innocent, mais le lecteur, quelque peu versé qu'il soit ez histoires se peur

facilement appercevoir de ceste feintise. Qui sera celuy qui adiouſtera foy à cela, veu que de ceste institution Eloſtoralle les actes du Synode de Lyon, ny celles de l'Empire, ny aucun Historien en font mention d'un ſeul mot? Qui croira qu'une affaire de ſi grande importāce ayt eſté tout à propos enſeuelie dans un profond ſilence? Quoy? que ny dans les Annales des ſouuerains Pontifes qui ſe retrouuent à Rome, ny dans aucunes patentes qui ſont audit lieu, vne choſe de ſi grande cōſequence ne ſe trouue conſignée, ſeulement ſeroit miſe en lumière par un Anglois *diuiſé du monde*, cōme s'il eut mieux ſceu ce que ſe faiſoit à Lyon par le ſouuerain Pontife, que les Romains meſmes, Italiens, François, ou Allemands, qui ſouuentſois concourroient à Lyon. D'auantage le ſuſdit Mathieu ne donne aucune raiſon de ſa narration. Il dit ſeulement qu'il ſe lit aux actes, controuuez ou inuentez, & incognuz de

routes nations. Mais il donne amplement sa fiction estre touchée au doigt, lors qu'il escrit ces sous-nommez auoir esté instituez Electeurs du souuerain Pontife.

ELECTEURS DE L'EMPIRE.**PRINCES LAICS**

Le Duc d'Austrice,
Le Duc de Saxe,
Le Duc de Brabant.

PRELATS ARCHEUESQUES.

De Coulogne, Mayence, & Salsbourg.

Qui a oncques ouy dire, ou leu dans quelque histoire, que les Ducs d'Austrice, & celuy de Brabant, non plus que l'Archeuesque de Salsbourg, ayēt esté comprins au nombre des sept Electeurs? Pourquoi se seroient ils si tost deportez de ceste dignité, à scauoir au bout de vnze ans? Car l'Abbé

de Staden escriuant en l'an 1256. faict mention de sept Electeurs, & les mesmes qui sont encores auourd'huy. Il n'est pas vray semblable que si les dessus nommez eussent esté instituez du Pape, qu'ils eussent en si peu de temps cedé leur droict de dignité & puissance à d'autres. Je demande, lors que ces quatre Princes ont esté esloignez du nombre des Sept Hommes, qui ont ils oncques esleu? Le Bohemois s'est il laissé despoüiller de son droict, lequel, comme i'ay monstré cy dessus, par lettres patentes de Rodolphe, a exercé l'office d'Electeur du temps de l'Empereur Frederic premier, iusques au regne de Rodolphe? Pourquoi n'est il doncques icy comprins entre les Electeurs? Dauantage, le susdit de Paris escrit, que l'Archeuesque de Cologne preside aux elections, ce qui est contraire à toutes histoires d'Allemagne, qui tesmoignent que l'Archeuesque de Mayence preside, & tiét le premier rang aux elections, & pource a porté,

& porte encores le tiltre de Doyé des Electeurs. Qui a oncques escrit que l'Archeuesque de Treues & le Palatin ayent esté repoussez ou dejettez du nombre des Electeurs & des elections? Lesquels nostre Anglois ne denõme point icy, d'autant qu'il a eu meilleure cognoissance de ce que s'est passé au Coucile de Lyon celebré l'an 1245. que saint Thomas qui lors estoit vivant, lequel escrit, les sept Electeurs auoir esté instituez par le Pape Gregoire V. *au liure troiesme du regime des Princes.* Lesquels Electeurs, il dict, auoir continué iusques à son temps, doncques ce College d'Electeurs n'a prins son origine & commencement en l'an 1245. au Concile de Lyon.

CHAP. IX.

Esclaircissement de quatre poincts traictez en l'Epistre Decretale, au Chap. Venerabilem, tiltre De electione, où il est manifeste, le droit d'eslire le Roy des Romains, n'auoir esté en la puissance de tous Princes d'Allemagne.



Il y a vn fragment de la très celebre Epistre Decretale au Chap. *Venerabilem*, Titre, *De electione*, emanee du Pape Innocent 3, (escrite enuiron l'an 1200. dix ans auant que Frederic II. possédoit l'Empire.) Laquelle puis peu a esté mise en lumiere toute entiere, & publiee par Amand Porgiesser Assesseur de Spiere. Je toucheray quelques poincts d'icelle, & principalement ceux que ie trouueray propres a esclaircir nostre matiere.

LE PRE-

LE PREMIER POINCT,
Chapitre Venerabilem.

Nous recognoissons, comme nous denons, que le droit & la puissance d'eslire un Roy des Romains, pour estre promu par apres à la dignité Imperialle, estre à ceux Ausquels, lon cognoist d'ancienneté & de droit leur appartenir.

Sans doubte, par ces deux mots, *non tous, mais certains Princes Electeurs*, il a voulu donner à entendre, que ceux qui estoient fondez sur l'ancien droit, eslisoient. Ce qu'il donne encores plus clairement à entendre par ceste sentence subsequente, *Encores que plusieurs d'entre eux (lesquels mots sont limitatifs & restrictifs) qui de droit & de coutume obriennent la puissance d'eslire un Roy, & le promouoir à l'Empire, &c.* La mesme sentence a esté confirmee par Innocent quatriesme, lequel interdit du diuin office l'Empereur Frederic deuxiesme, & luy osta la dignité Imperialle, & donna aux Princet d'Allemagne, mais non à tous, le pouuoir d'eslire & denommer vn nouveau Roy, par ces mots: *ceux, ausquels dans le mesme Em-*

pire, ont droit d'election, qu'ils eslisent librement un successeur.

DEUXIESME POINCT.

Cecy est digne de remarque, que le Pape de Rome a transferé l'Empire des Grecs aux Allemands en la personne de Charles Magne, ce que les Princes d'Allemagne recognoissent ouuertement. Les mots sont tels: *Veu qu'à iceux (Princes d'Allemagne) la puissance est paruenue, par le Sainct siege Apostolique, qu'il a transferé l'Empire Romain des Grecs aux Allemands, en la personne de Charles Magne, les Princes doiuent ce recognoistre, comme de fait ils le recognoissent, & eux mesmes l'ont recogneu en nostre presence. Le Pape aucteur de l'Empire d'Occident & la dignité Electorale a esté instituee par le Pape, & donnee a certains Princes d'Allemagne.*

Laquelle sentence, quoy que les modernes Iurisconsultes & historiens de party contraire, n'approuent, car ils n'aduouent ce proceder du saint Siege, qu'auec vn cœur bouffy de hayne & rancœur, si est ce que la plus saine

partie des historiens enseigne, qu'elle est tres-veritable, & vn chacun suit ceste opinion, puis qu'elle est confirmee par tant de siecles, aussi les historiens suiuañts ceste verité, brisent facilement les cauillations des aduersaires. Les allegations & sentēces d'iceux se recitent amplement par le tre-illustre Cardinal Bellarmin au liure de la translation de l'Empire contre Illirique, depuis le chapitre 4. iusques au chapitre 7. lesquels pour briefueté, ie passe ie passe icy soubs silence.

TROISIESME POINCT.

Comment il faut entendre l'Empire n'estre point hereditaire.

Ce point estant obscur dans la Decretale, a besoing d'vne claire explication: Le Pape escrit ainsi, *La grādeur & l'eminence de l'Empire ne derine ex successeurs par la consanguinité, mais par l'election des Princes.* Et admonnest les Princes qu'ils ne perdent leur droit en la creation du Roy, en permettant que les fils succedent souuent à leurs peres à la dignité Imperialle. Ses parolles

sont telles, Si le susdict (Philippe de Sueue) obtenoit l'Empire, la liberté periroit en l'election, & doresenauant tous les Princes seroient frustrez d'esper d'y paruenir. Car si, comme iadis, Frederic succedoit à Philippe, ou Philippe à Henry, (tous issus de la famille des Sueues) & Frederic à Conrad, ou en apres Henry à Frederic: l'Empire ne seroit reputé ELECTIF, mais SVCCESIF: en esgard aussi que plusieurs Princes & Potentats de l'Empire sont egallement puissants. cela redondroit à leur preiudice, si nul que ceux de la famille des Sueuez estoient esleuez à la dignité Imperialle.

Depuis peu aucuns Iurisconsultes & historiens de party contraire, ont mis en auant ce que dessus contre les Serenissimes Archiducs d'Austrice, disans, qu'en vertu de ceste constitutiō Papale, ils ne pouuoient succeder à la dignité Imperialle, de peur que par la continuelle succession, ils ne rendent l'Empire hereditaire à leur famille, veu que la dignité Imperialle ne doit estre transferee à personne que par election.

Mais ceste cauillation se peut debatre en diuerses façons. Car, en premier lieu ces paroles du Pape sont *Dispositiues*, ou *Opinatiues*. Si dispositiues, elles contiennent vne absurdité manifeste. Premièrement, telle disposition repugne à la permission diuine, car elle a contregardé le royaume des Hebreux depuis Dauid iusques à Sedechias, (sous lequel la captiuité de Babylone a commencé, 70. ans) de laquelle famille ont regné vingt & vn Roys consecutiuellement, & Dieu a promis à Dauid que son royaume durerait sur les Hebreux dans sa famille en toute eternité. Nous lisons aussi au 2. des Roys chapitre 7. *Je susciteray ta semence apres toy, laquelle sortira de ton ventre, & establiray son royaume. Cestuy edificera une maison en mon nom, & establiray le throne de son royaume iusques à tousiours. Et sera ta maison fidele, & ton royaume iusques à tousiours deuant ma face, & ton throne sera ferme continuellement.*

Pourquoy ne sera il licité d'un autre estoc & famille establir d'autres Em-

pires? D'autant que ceste ordonnance se peut referer à Dieu aucteur de tout, par lequel les royaumes & les principautez subsistent.

Secondement, la susdicte loy Pontificale repugneroit à la coustume inucteree & immemorable receuë de l'Empire & de la ville de Rome, les droicts de laquelle doiuent estre gardez. Car souuent l'Empire a esté continué dans vne mesme famille iusques à 3. 4. 5. 6. 7. Empereurs ou dauantage: comme nous monstrerons par les exemples suiuanes. Que si d'auenture il n'y a esté continué plus long temps, la cause a esté, que les descendants de la mesme maison n'estoient capables pour gouuerner le frein d'un Empire.

La Famille de Iules Cesar.

1. Iulius.
2. C. Octaue Auguste adopté pour fils par Iules Cesar.
3. Tibere adopté par Auguste.
4. Caius Cesar Caligula, oncle de Neron, adopté par Tibere.

Ces trois par le droit d'adoption, c'est à dire, hereditaire, ont succédé à l'Empire.

5. Claude créé par la gendarmerie.

6. Domitien Néro adopté par Claude

La Famille de Claude Vespasien.

1. D. Vespasien créé par la gendarmerie.

2. Tite Vespasien.

3. Domitien frere de Tite.

La famille d'Antonin.

1. Antonin le Debonnaire,

2. Aurele Commode, adopté par Antonin, autrement, Ælie le Vray.

3. Antonin Philosophe adopté par le Debonnaire.

4. Commode Antonin.

La famille des Constantins a tenu l'Empire cinquante neuf ans.

1. Constans.

2. Constantin son fils, auquel ont succédé ses trois fils

3. Constant.

4. Constantin.

5. Constant.

6. Julien, oncle de Constant.

*L'Origine des
La maison de Valentinien.*

1. Valeuriniën. 2. Valens.
3. Gratiën, fils de Valentinien prem.

La maison de Theodose.

1. Theodose Espagnol fils d'Honoré.
2. Arcade & Honoré enfans de Theodose.
3. Theodose le ieune.
4. Valentinien troisieme.

La maison de Iustin.

1. Iustin.
2. Iustinien, fait Empereur par son Oncle Iustin.
3. Iustin le ieune, nepueu de Iustinien par sa fille.
4. Tibere, adopté par Iustin le ieune.

La maison d'Heraclius tenu l'Empire l'espace de 85. ans.

1. Heraclius.
2. Constantin fils d'Heracle.
3. Constant, nepueu d'Heracle par son fils Constantin.
4. Constantin,
5. Iustinien deuxiesme.

Par consequent il est tout certain, que suivant l'ordre cy dessus, les Empereurs ont transféré l'Empire à leurs

fils, ou autres de la mesme maison ou
 famille, & lors qu'ils n'auoient aucuns
 enfans, ils en ont adopté d'autres de
 leur famille, de peur que ceste dignité
 Imperiale ne tombast hors de leur
 lignee. Ainsi Auguste fut adopté par
 Iules: Traian par Coccius Nerua: Elié
 Adrien par Traien: Antonin pieux ou
 le Debonnaire par Elien Adrien, &
 plusieurs autres. Bien rarement vn
 Empereur puissant & redoubté a laissé
 l'Empire qu'il ne designast vn succes-
 seur, fust son fils, ou nepueu, son ado-
 ptif, beau fils, fils de sa femme, beau-
 pere, ou le fils de ses freres. Que la suc-
 cession des Empereurs a'eu force tant
 que la lignee a duré, se recueille d'v-
 ne parente de Héry 5. ou il escrit, *D'au-
 tant que par la grace de Dieu, & droit paten-
 nel, & autres loix de nos ayeulx, nous auons en-
 trepris le tyron de l'Empire.* Des archives
 du Monastere S. Maximin l'an 1108.
 Aux Ottons a succédé Henry, comme
 plus prochain, à luy Conrad aussi parét
 des Ottons, en suite leur ont succédé
 aussi Henry 3. 4. 5. Conrad Sueuois

estoit fils de la sœur de Henry, à luy a succedé Barberousse. Ceste raison a esté la principale entre les autres pour quoy Albert 1. d'Austrice a entrepris la guerre contre Adolph, à cause que il soustenoit qu'aussi long temps que les predecesseurs auoient des fils ou parens idoines & capables, suiuant la coustume receüe des anciens, ils deuoient estre preferez en l'election aux autres, & qu'on deuoit auoir esgard à eux, ce qu'il monstroït par exemples.

*La famille de Charles Magne iusques à Loys
4. a gouuerné l'Empire cent unze ans.*

*La famille de Charles Magne d'une route
continue a produict ces Emperours.*

1. Charles Magne.
2. Louys son fils, dict le Pieux.
3. Lothaire fils de Louys.
4. Louys fils de Lothaire.
5. Charles le chauue, Roy de France,
oncle de Louys, à sçauoir, frere de
Lothaire par le pere Louys le vieil.
6. Louys le Begue Roy de France.
7. Charles le Gras, fils de Louys Roy

d'Allemagne.

8. Arnulphe fils de Carloman Roy de Bauiere.

9. Louys 4. fils d'Arnulphe, s'estant esmeuë vne grande controuerse, touchant la resignation d'un successeur, les Allemands ont esleu pour Roy vn Allemand, esleuë & nourry en Allemagne, à sçauoir ce Louys, nepueu de Louys 3.

Touchant ces Louys les opinions des historiens sont diuerses, Voyez Barenius.

10. Conrad nepueu d'Arnulphe l'an 912. Ces deux derniers n'ont pas receu la couronne Imperiale, comme tous les historiens tesmoignent, par quoy (avec Henry 1. Saxon, dict l'Oyseleur) ne sont intitulez Empereurs, mais seulement Roys.

*La maison des Ducs de Saxe a gouverné le ty-
mon Imperial 80. ans.*

1. Henry 1. dict l'Oyseleur, nepueu de l'Empereur Arnulphe par sa fille, de par son pereil estoit Saxon, non de Franconie. Il n'a pas esté couronné.

du Pape. Mais a refusé d'estre oinct & couronné de sa Saincteté, quoy que requis d'icelle, à cause qu'il se disoit indigne de cet honneur. *Voyez Albert de Staden au premier liure de sa Cronique.*

Pour ce subiect il a seulement voulu estre nommé Roy. Il a esté esleu Roy de tous les Princes d'Allemagne, cōme rapporte *V Vitichind*, au premier liure de sa *cronique*, lequel vivoit de son temps.

2. *Otton 1.* fils de Henry, encores que son pere l'auoit denommé & designé son successeur, si est ce que tous les Princes vnanimement par electiō l'ont denommé Empereur: *V Vitichind* au commencement de son liure 2. *Ditmar liu. 2.* aussi au commencement. Il a esté couronné par le Pape Jean 12. *Voyez Albert de Staden, & André de Ratisb. en leurs chr.* Soubs cet *Otton 1.* à esté faicte la trāslation de l'Empire, des Francons Occidentaux aux Orientaux. On le nomme le premier Roy des Allemands. & Empereur, d'autant que par l'autorité du Pape, il a transféré l'Empire aux Francons Teutoniques.

3. Otton 2.

4. Otton troisieme.

La maison de Conrad Salique a regné cent ans

1. Conrad 2. Salique, premier Empereur de ce nom.

2. Henry 2. Roy, second Empereur.

3. Henry 3. fils du second, fut créé encore enfant.

4. Henry 4. Empereur, & d'aucuns 5. Roy.

La maison des Ducs de Suede a tenu l'Empire cent quatorze ans.

1. Conrad 3. second Empereur.

2. Frederic Barberousse.

3. Henry 5. d'aucuns sixiesme.

4. Philippe frere de Henry.

5. Frederic deuxiesme.

6. Henry son fils esleu Roy des Rom.

7. Conrad son frere denommé Roy des Romains par leur pere Frederic

Par la mesme succession de consanguinité, fondée sur la coustume, l'Empire de Constantinople est parvenu aux Recteurs & Gouverneurs d'Orient.

La maison de Leon Isauri a regné 74. ans.

1. Basile.

2. Leon fils de Basile.
3. Alexandre,
4. Constantin, enfant de sept ans, & fils de Leon.
5. Romain, beau pere de Constantin.

La maison de Commene a gouverné l'Empire cent six ans.

1. Alexis fils de l'Empereur Isaac.
2. Caloioannes fils d'Alexis.
3. Manuel premier fils de Caloioannes.
4. Alexis encores enfant.
5. Andronic Commene fils d'Isaac.

La maison des Baulduins, quand Constantinople fut prise des Latins.

1. Baulduin Comte de Flandres.
2. Henry frere de baulduin.
3. Pierre Antifiodorensis, lequel par droit de sa femme a pris l'Empire.
4. Robert son fils.
5. Baulduin deuxiesme.

Les Paleologiens ont transferé l'Empire en leur maison, & l'ont gouverné l'espace de cent nonante quatre ans.

1. Michel Paleologue.
2. Andronic; & Michel son fils.
3. Andronic le ieune.

4. Kaloioannes Paleologue.
5. Manuel fils de Iean.
6. Iean.
7. Constantin, dernier Empereur des Grecs, fils de Manuel, sous lequel Constantinople a esté subiugée des Turcs l'an 1452.

Dauantage, ceste susdite assertion du Saint Pere, vaut autant que la raison d'icelle: cause pourquoy, si la raison ame de sa loy cesse, aussi la loy sera sans force. Sa Sainteté estimoit, que si l'Empereur Philippe 4. de la maison de Sueue, cõtinuoit en la dignité Imperiale, que la libre election periroit, & deuiendroit nulle aux Electeurs, mais il n'approuue point cela estre ainsi en autre occasion: & de choses ainsi separees & diuerses ne se faict pas consequente illation: car ostant le cõsequent futur, la raison de l'anrecedẽt se tient en deux, lequel aussi lors ne subsiste: car l'election libre peut demeurer entiere, encores que de la mesme consanguinité ayent esté esleuz 6. 7. 8. 9. 10. & dauantage d'Empereurs.

Maintenant par les paroles du saint Pere, il se peut receüiller le contraire, car si les Electeurs ne pouuoient eslire celuy qu'ils trouuoient capable, à cause que par cy deuant ils auoient esleu leur pere, grand pere, aue, &c. ils ne iouïroient point de la liberté d'eslire, veu que l'effect & force de ladiete liberté consiste en ce qu'ils puissent eslire celuy qu'ils veulent. Rié ne dechet de la libre election, ores qu'on aye promis à la dignité Imperialle 9. ou 10. d'une mesme consanguinité, & ce par vn ordre continuel. Quoy? quand nous aurions le Pape Innocēt (la sentence duquel nous examinons) & les successeurs d'iceluy, tres-clairs interpretes de leurs propres parolles: il n'est pas vray semblable pouuoir destruire leur decret (& ne se peut entendre comme nos aduersaires feignent de l'interpreter) par des faicts repugnāts. Car il est tres-certain que le Pape Innocent 3. a depuis receu en grace Philippe, & qu'il luy a permis la iouïssance de l'Empire, en la mesme façon qu'à

Frede-

Frédéric 2. son nepueu de par sò frere.
 Les autres Papes en ont fait de mesme
 à son fils Henry & à Conrad son frere.
 Je vien au second point de la sentéce
 Pôrtificale, laquelle encores qu'elle ne
 doive pas estre entendue *Dispositivemēt*
 mais seulement *Opinativemēt*, elle ne
 renuerse point mon opinion: car que
 importe, si le Saint Pere a eu opinion
 que la succession de plusieurs Empe-
 reurs d'une mesme maison oste quel-
 que chose de libre election, y a il pour
 cela quelque chose de rompu ou de-
 moly? Certes que les parolles du Pape
 contiennent vn doubte, cela est mani-
 feste, ayant esgard au mot duquel il se
 sert, lors qu'il escrit, *Si maintenant Fre-
 deric succedoit à Philippe, & Philippe à He-
 nry*, il sembleroit, que l'Empire se devoit
 donner non par election, mais par succession.
 Or il est notoire que ce mot *Sembleroit*
 a en soy vne impropriété & fiction.
 D'autant plus le S Pere fauorisoit à sò
 opiniõ ou affection, ayant recogneu
 quelques predecesseurs de Philippes
 ineapables, lesquels auoient beaucoup

tourmenté les souuerains Pontifes, (dont il se plaint fort en ceste epistre) C'est pourquoy le Pape craignoit que par la successiõ du sang Imperial, que aussi seroit prouignee la succession de la tyrannie, il a voulu, ou plustost desiré, que de ceste famille des Sueues, n'y eut plus de successeurs, pour crier aux cruauitez precedentes, & qu'en leurs successeurs eust cessé ceste persecution, & qu'elle n'eut plus germé ny pullulé.

Le quatriesme poinct de l'Epistre Decretale allegué, est,

Qu'il est en la puissance du Pape de Rome de confirmer l'Empereur esleu & de l'esleuer à la dignité Imperialle: car de coustume, il l'oint, sacre & orne du diademe: mais auant ce il examine la qualité de l'esleu, à quoy l'esleu ne peut cõtredire. Si le Pape pour le bien de l'Eglise a peu conferer l'Empire aux Allemands, il y a aussi peu adiouster certaines conditions, pour la mesme cause, à sçauoir, qu'il ne seroit permis d'eslire vn Hereticque, Tyran,

Sacrilege, Schismaticque, l'obligeant aussi par serment, à ce qu'il soit tenu de deffendre l'Eglise Romaine.

De là nous pouuons receuïllir à bō droict que Louys, Conrad & Henry l'Oyseleur, qui n'ont esté couronnez ny oincts de la Saincteté, n'auoir esté Empereurs, si ce n'est d'aventure, *Designez*. Selon quoy, ie suis d'aduis qu'il faut entendre aucuns historiens. Comme jadis on nommoit Empereurs ceux qui deuoient paruenir à la dignité Imperialle, encores que de fait ils ne l'estoient pas. Parquoy ces trois estoient esleuz par les Allemands à la royauté, mais non esleuez à l'Empire par la Saincteté. Pour ce sujet deuoient estre seulement Roys, & non Empereurs; ce que facilement & sans peine se peut prouuer par les patentés des Empereurs de la maison de Sueue. Car ez lettres donnees en l'an 1194. 1195. 1197. Héry fils de Frederic 1. se nomme Henry 5. que s'ils eussent tenu Héry l'Oyseleur Roy des Romains pour Empereur, il eust esté sixiesme du no,

car ce Henry entre les Roys estoit le 6. en ordre. Mais parce qu'il scauoit que tous les autres Henrys, hors mis l'Oyseleur, auoient esté couronnez du Pape, il s'est seulement nommé le cinquiesme.

Frederic premier ez lettres de l'an 1157. 1164. 1169. & 1174. nomme Conrad son predecesseur en l'Empire seulement deuxiesme, & toutesfoisen Allemagne on compte 3. Conrads, doncques il n'y en a qu'un (qui autres fois estoit dict premier Roy de Germanie, & estoit predecesseur de Hēry l'Oyseleur) qui n'a pas esté couronné & qui n'est mis au nombre des Empe-reurs par Frederic 1. De mesme Conrad Sueuois au priuilege oſtroyé au Monastere d'Iorck, en l'an 1149. se nomme Conrad 2. Roy des Romains,

Si l'opinion contraire estoit vraye, l'Empereur Henry en l'an 1149. couronné du diademe Imperial, n'eût pris le tiltre de 1. mais de second. Et Cōrad couronné en l'an 1027. n'eut aussi pris le tiltre de premier, mais de second.

Et en suite des registres, l'Empereur Philippe és patentes de l'an 1119. appelle Conrad Salique premier Empereur: & toutesfois en l'an 912. a esté son predecesseur au royaume d'Allemagne, lequel sans doute il n'a voulu recognoistre Empereur, pour n'auoir esté couronné du Pape. De mesmes, Salique dans vn Epitaphe à Spire est nommé *Premier* Empereur, son fils Henry au mesme lieu en vn Epitaphe de l'an 1056. est nommé *Second*, si est ce que deux Henrys l'ont precedé, à scauoir l'Oyselcur, & le Boiteux, ou Bambergien. Le fils de Henry 2. l'an de sa mort 1206. est nommé le 3. dās les epitaphes & monumens: & son fils est nommé le 4. les manuscrits en sont chez moy. I'admire la hardiesse de Krantzius, Naclerus, Cuspinianus & d'autres, qui nombrent les susdicts Roys d'Allemagne, entre les Empereurs, qui toutesfois n'ont iamais esté couronnez de nostre Sainct Pere. L'abus desquels se peut facilement conuaincre par les Cōmentaires de Sueue

Car les Empereurs Sueuois deuant leur couronnement de se nommoient pas Empereurs, mais seulement Roys, apres laquelle ils se nommoient Empereurs, comme est manifeste ez patentes de Contad 2. de Sueue (dict d'aucuns 3.) en date de l'an 1139. 1143. 1146. Et de celles de Frederic 1. ez anneés de 1154. 1180. 1181. De mesme l'Empereur S. Henry au priuilege donné à l'eglise de Wirttsbourg l'an 1004 n'estant encores oinct ny couronné du Pape, il ne prend pas le tiltre d'empereur, mais seulement de Roy des Francons & Lombards. Cet erreur se peut encores destruire par cecy, qu'ez parentes des empereurs de la maison de Sueue les ans sont marquez, par lesquels se distinguent les temps de leur royauté, & ceux de leur Empire, c'est à dire, depuis leur couronnement. Par ou ils vouloient donner à entendre, qu'ils recognoissoient l'empire dependre du Pape, & non de droit hereditaire, ny autre certain droit de quelque royaume ou nation. De la

Barberousse ez patentes donnees en l'an 1180. escrit ainsi, l'an de sa royauté 33. & de sa dignité Imperialle ; 1. & encores ez autres donnees l'an 1168. escrit, de sa roiauté 16. & de son Empire 14. Sur ceste difficulté i'alleguerois plusieurs autres registres.

J'ay leu quelques exemplaires des lettres escrites par les electeurs au Pape, dans lesquelles sont contenuz les Decrets de l'election de Frederic premier, Conrad 2. Rodolphe de Habsbourg, d'Albert 1. d'Autricce, dans lesquelles ils recommandent a sa Sainteté les rois par eux esleuz, comme capables a l'administration Imperialle, aiant le zèle porté pour la deffence de l'Eglise Romaine : & demandoient qu'il pleust a sa Sainteté leur accorder d'estre oincts & couronnez par sa Sainteté. Les princes qui auoient esleu Otton 4. en leur rescription faicte au Pape Innocent 3. le supplient pour la Confirmation & couronnement du roy esleu en l'an 1201.

De mesme les Electeurs ont requis

Boniface 9. qu'il luy pleust confirmer Rupert par eux esleu à la royauté l'an 1401; ce qui leur accorda, & commanda à tous subiects de l'Empire de redre obeissance au Roy esleu.

Je suis prest de prouver par plus de cét registres Imperiaux, que les esleus avant d'estre couronnez du diademe Imperial par sa Sainteté, estoient seulement dicts Roys, mais apres leur couronnement fait par decret du Pape, ils prenoient le nom d'Empereur; aussi esdites patentes estoient distinguez les ans du royaume, & ceux de l'Empire, (concedez du Pape)

Je ne suis ignorant, que l'Empereur Louys de Baviere, en l'an 1338. ayt publié vne Ordonnance dans Francfort, par laquelle il affermoit que le roy d'Allemagne, se devoit nommer & estre tenu pour Empereur, dez aussi tost que les Electeurs l'auoient esleu. Mais ceste constitution estant emanee d'un courage pernicieux & plein de colere contre nostre Saint Pere, ne peut rien diminuer du couronnement

deu au Pape. Car il est manifeste, que ce Louys auoit vſé toutes sortes d'inimitiez contre le Pape, d'autant qu'il ne l'auoit seulement voulu confirmer en l'Empire, mais aussi qu'il l'auoit excommunié, & deſecté du Siege Imperial. Quoy? il a rendu ſa ſanction nulle: ledict Louys ayant tousiours cherché l'opportunité de rentrer en grace avec ſa Sainteté, afin d'obtenir de luy la reſtitution de l'Empire. *Albert de Strasbourg eſcrit en ſa cronique*, que ce Louys, le Pape Jean 22. eſtant mort, lequel il auoit pourſuiuy par eſcrits & par armes, auroit enuoyé au Pape Benoist 12. ſucceſſeur de Jean, des Ambaſſadeurs, eſtimant qu'il le fauoriſeroit & ſeconderoit ſa volôté: lesquelz avec toute humilité ont ſupplié ledict Saint Pere d'auoir *Absolution*, & d'eſtre reſtably à la dignité Imperialle. Il eſt tres-euident que le pouuoir de prouer, preſuppoſe auſſi le pouuoir de conſtituer.

Que le droit Papal de la confirmation des Eleus, doit eſtre recogneu des

Electeurs. Le Pape Innocent 3. le tesmoigne auoir esté fait en sa presence au chapitre *Venerabilem*. Lequel droit se verifie aussi par l'histoire de Sueue. Car ainsi que rapporte le Pape Innocent en ceste epistre, par ces mots: Lors que Lothaire & Conrad Sueuois furent esteus en discorde & dissention, le Pape de Rome a couronné Lothaire, & le couronné a obtenu & possédé l'Empire: le mesme Conrad retournant en grace de sa Saincteté, n'a eu aucun droit; d'autant qu'il estoit descheu du royaume, le Pape ne l'ayant voulu couronner.

CHAPITRE X.

Responce aux obiections, qu'il n'est necessaire que le Pape confirme le Roy des Romains, & qu'il le couronne.

NOs aduersaires & heretiques nous reprochent tiré hors de Nicolas le Begue, Euesque de Gure, au traicté nouvellement imprimé du couronnement fo. 4 i que le couronnement se fait plustost

pour le respect d'honneur & de deuoir
que par necessité, ou que par ceté adu-
l'Empereur augmente quelque chose
de droict nouveau : mais ceste fiction
est plus destruite de soy, quelle au-
roit quelque vertu de subsister. Si le
Pape n'a de coustume que de donner
seulement vne apparente ceremonie
de couronnement, necessairement deuë
au Prince esleu, pourquoy l'Euesque
de Bamberge Orateur de l'Empereur
Frederic 1. a il requis la couronne du
Pape Adrien 4. affin qu'il eut ouuerte-
ment resmoigné à tous, que le Pape a
seul pouuoir d'ostroier la supreme di-
gnité de l'Empire. *Toute l'Eglise, dict il,
a amené son Prince à sa Beatitude, pour par
toy estre promu à la hauteſſe de l'Empire, Toy
Pere Venerable, fay deuers luy, que ce qui luy
manque de la totale grandeur Imperiale, soit
suppléé par la liberalité de sa beatitude.*

Certes celuy la donne beaucoup, qui
esleue vn Empereur au sommet de la
dignité Imperiale: car autrement Fre-
deric n'eut requis d'estre couronné de
Adrien, avec tant de submissions fai-

Etés aux pieds de sa Sainteté. Le Pape respondant à l'instâr à l'Ambassadeur de Frederic, luy dist, Qu'un Empereur avant son couronnement doit meriter la bienveillance de l'Eglise Romaine, par quelque acte remarquable. Dauantage, il fit paction avec luy, à condition qu'il restitueroit au Pape la Pouille, prise par armes aux Normands, s'il veut paruenir à la couronne. Laquelle condition Frederic, & les Princes d'Allemagne acceptèrent.

En ce lieu nos aduersaires & sectaires nous rechantent & contrecarrent les Setenissimes Archiducs d'Austrice, disant, que s'ils eussent estimé augmenter de quelque droict par le couronnement du Pape, iamais ils n'eussent prins le tilre d'Empereur, n'ayât aussi receu la couronne à Rome, comme Albert, Maximilien 1. & 2. Ferdinand, & Rodolphe 2.

En l'election de Charles 5. l'Electeur de Mayence dit en l'assemblée que le Pape approuuoit l'election du Roy Charles, & qu'il commandoit que do-

res en auant il print le tiltre d'Empereur, ce qui est croyable auoir esté accordé aux autres Archiducs d'Austrie. Maximilien 1. ne pouuoit s'ache-miner (encor qu'il auoit deliberé cōme il estoit tenu, estât denommé Empereur, d'y aller avec sa gendarmerie) à Rome, affin d'y estre couronné, estât empesché de passer par les François & Venitiens, qui lors occuppoient les passages, neantmoins il s'est approprié le nom d'Empereur, le Pape ne le refusant, de peur qu'il n'eust semblé negliger & aneâtir ce supreme honneur. Il se lit dans quelque manuscrit) ie ne scay s'il est vray) que Maximilien premier, auoit déclaré par deuant les estats de l'empire, qu'il n'estoit necessaire de prendre la couronne Imperiale du Pape, veu qu'il a accepté l'empire par les Ordres & Eleÿeurs d'ice-luy: mais il n'est vraysemblable que Maximilien 1. ayt vsé de ces termes: n'estoit qu'il fut empesché de passer. Rodolp. 1. de Habsbourg n'a iamais veul l'Italie, beaucoup moins donc n'a

esté couronné à Rome, on luy demanda la cause pourquoy il a refusé d'entrer à Rome, suivant la requisition du Pape Nicolas, à quoy il respondit comme vn fin Renard au Lyon,

*Tous vestiges me sont par trop effouventables,
Quād tu m'es au deuant, mais en riā miserables
Lors qu'allant en arriere, autre route ie prēds
Selō quoy mes chemins plus hardy i' entreprēds.*
Car il estimoit que l'entree d'vn Empereur en Italie pour y estre couronné, estoit magnifique, pleine de pompe, & magnificence, appuyee sur des promesses attraiantes, mais le retour tres triste, miserable, & calamiteux.

Il y a vne chose, laquelle en ce lieu semble esmouuoir vn doute ou scrupule, de S. Henry Empereur, dict de Bamberghe, lequel s'intitule Henry 2. (& toutesfois Henry son predecesseur Roy d'Allemagne n'a iamais esté reconnu pour Empereur de ce nom) en ses lettres patentes de la fondation de l'Euesché de Bamberghe, donnees ez Calendes de Nouembre Indiction 5. l'an 1007. & du gouuernement de

Henry 2. l'an 5. donnee à Francfort, Itē vne autre patente donnee à Francfort l'an 1015. de son Royaume l'an 16. & de son Empire le 4. ou il commence en ceste sorte. *Au nom de la tres-saincte & indiuidue Trinite, Henry deuxiesme par la diuine clemence Empereur des Romains tousiours auguste, &c.*

Toutesfois ce point ne nous pourra apporter grande fascherie, car ceste diction SECOND, semble auoir vn sens assez commode, si on le prend en ceste forme, SECOND, c'est à dire Roy de Allemagne, ou bien ainsi entendu du vulgaire, qui ignoroit la difference qu'il y a entre le Roy d'Allemagne, ou des Romains esleu, & l'Empereur. Ainsi se doit entendre le nom de Henry lequel est obiecté par Naclere vol. 2. Gener. 34. fol. 749. & du Decret de Gratian, Distinct. 63. au cha. Constitution. de Henry 1. & Otton 1. Car si ceste diction de PREMIER, doit estre referrée à Henry dit l'Oyseleur, pere d'Otton, qui estoit son successeur, icelle n'exprime point l'Empereur premier

(lequel n'y est pas denommé) mais seulement faict allusion de Henry, dit vulgairement premier Roy de Germanie. Car ce Henry s'est seruy de ce tiltre, *Henry par la clemence diuine, Roy*. Finalement, l'an 17. de ce Roi Henri, (suiuant le archiues) il ne prenoit le tiltre d'Empereur. Ores que soit plus vray semblable en ceste dicte constitution s'entendre Henri successeur de Otton 3. qui vraiment estoit premier Empereur, lequel a publié ceste constitution en faueur des Papes, avec lesquels il estoit tres estroitement allié. Ainsi i'interprete la lettre patente de Henri 5. fils de l'Empereur Barberousse, lequel toutesfois se nomme Henri sixiesme Empereur des Romains, en date de l'an 1195, le 3. des Nones de Ianuier. Il se nomme encores ainsi en vn autre registre de l'an 1191. & toutesfois il n'estoit que le cinquiesme couronné du Pape. Doncques il estoit le sixiesme Roy de Germanie, vulgairement ainsi nommé, si ce n'est que nous explicquions ainsi son tiltre, il se

contra-

contrarieroit soy mesme : car és lettres cy dessus citees , il s'est intitulé Henry 5. A ce mesme sens & intelligence, se peuuent rapporter les autres enseignemens, lesquels se rapportēt à ceste sentence en la grande cronicque de Noremberghe l'âge 6, fol. 186.

CHAPITRE XI.

*Pourquoy les Archeuesques proche du Rhin,
ont esté instituez Electeurs.*

D'Autant qu'ils estoient desia admis en l'assemblee des Electeurs & qu'ils estoient establis & mis au rāg des Princes d'Allemagne, par l'Empereur Louys fils de Charles Magne. Autres sont d'opinion qu'ils ont esté instituez sous l'Empereur Otton 1. & ce à cause qu'un chacū estimoit estre bien seant & honorable de voir l'Empire Romain orné de Princes Spirituels & Temporels, en outre d'autant qu'ils estoient les principaux Arche-

G

uesques, & plus grands en dignité, possédants l'estenduë des terres outre le Rhin, à sçauoir, pour le regard de la haute Allemagne. Dauantage, toutes les affaires d'importance leur estoient mises ez mains, principalement tout ce qui concernoit l'Allemagne, France & l'Italie, ou ils auoient exercé l'office d'*Archichanceliers*, laquelle dignité est la plus prochaine de la grandeur Imperiale. Les Empereurs modernes ont accoustumé de les nommer leurs Nepueux, (nos treschers & bien aymez Nepueux) non point pour dénoter quelque alliance ou consanguinité, comme nous veur faire entendre & charlatanner Heigius, mais plustost pour signifier vne singuliere affection qu'ils leur portent, selon la coustume de rous les Monarques & Princes de ce temps.

CHAPITRE XII.

Des Offices des Archicanceliers.

L'OFFICE d'Archichâc. estoit desia en vsage dez le temps de Charles Magne, ce qui ne se peut reuocquer en doubte par les parentes suiuantés. Au nom de la Sainte & indiuiduë Trinité, Charles Magne par la diuine clemence Empereur des Romains toujours Auguste, &c. Nous voulons qu'il soit notoire à tous fideles en Christ tant presens, que futurs, que pour le respect de l'amour de Dieu, & le soulas de nostre ame, & par l'interuention de nostre bien amé & feal Lituard, Archichancelier, & Euesque de Verselle, que le Duc Ruthard, homme de bonne memoire, auroit fondé de sa liberale main un Monastere appellé Gengehard, au village de Mortinaige situé proche de la riuiera de Kintzicha, & iceluy consacré à Dieu, & à la glorieuse Vierge Marie, &c. Le mesme Charles Magne en la copie de la fondation du Monastere de Kempten en Algouuie dónce l'an 773, il nomme Lupert Archichâc.

au nom duquel Amelbert Chancelier
soubfigna: Semblables Archi Chancel-
liers font souuent denommez ez pa-
tentés de Loys le Debonnaire, Charles
le Chauue, des autres Louys, Charles
le Gras, & Arnulphe, ce qui est assez
vulgaire.

Deuant le regne de Charles Magne,
ez patentés des Roys de France, ils se
font seulement soubfignez Chancel-
liers: comme apparroist par les lettres
de Theodoric Roy de France de l'an
723. En autres lettres de Charles de
l'an 769. il a soubfscript, ce qu'a esté re-
cognu par Lupert Archi Chappelain
Aux patentés des Charles & des Ottôs
il se faict souuent mention des Archi-
Chappelains. Aux patentés de Char-
les Martel l'an 724. est soubfigné Kal-
dedramus Chancelier. Aux lettres
d'Otton 3. a soubfigné Herbert Chan-
cellier au nom de Pierre Cuman Euef-
que en l'an 997. A Rome en l'an 853.
Louys Roy d'Allemagne fils du Debo-
naire a donné des patentés soubsig-
nées de Cômeat, au lieu de Rabbā, le-

quel estoit (comme ie croy Archeue-
que de Mayence) Aux lettres de Hé-
ry 2. Gonthier Chancelier a soubigné
au lieu d'Aribon Archichappelain, le
quel estoit Euesque de Mayence, Aux
lettres d'Otton 3. donnees l'an 993. le
dixiesme des kalendes de Iuin, Bibi-
balus Euesque & Chancelier a soub-
igné en la place de Willigise Arch'e-
uesque de Mayence. Aux lettres de
Héry le Boiteux de l'an 1016. Gôthier
Chancellier a soubigné. Aux patères
d'Otton premier de l'an 946. Brunon
Châcelier a soubigné au nom de Fre-
deric Archichappelain, Archeuesque
de Mayence, qui estoit Duc de Lorrain-
ne. En d'autres patentes d'Otton soub-
signa Lutolf Chancelier au nom de
Guillaume Archichappelain Euesque
de Mayence, beauxils d'Otton, en l'an
959. Item en la patente de l'an 965.
De mesme en la patente d'Otton de
l'an 973. soubsigna Willigise Chancel-
lier au nom de Rodpert Archichap-
pelain Euesque de Mayence. Aussi aux
lettres d'Otton de l'an 975. soubsigna

Folginat au nom de VVilligise Archichappelain Euesque de Mayence, au nom d'Eckenbauld Archichappelain, (ie croy que c'estoit l'Euesque de Mayence de ce nom) Aux patenres de Hēry 4. soubsigna Sighard Chancelier au nom de Sigfroid (qui estoit Archeuesque de Mayence de ce nom) Archichancelier, en l'an 1065. donné à Lore au roiaume de Naples. En la patēre de Conrad 1. en l'an 1027. soubsigna Vdalric Chancelier, au lieu d'Aribon, Archichappelain (Euesque de Maiēce) Soubs l'Empereur Henry 1. a esté publié vn Ediēt en l'an 1004. soubsigné Egilbert Chancelier, au nom de VVilligise Archichappelain (Archeuesque de Mayence) Du depuis ez annees suiuanes les Archeuesques de Mayence, ont tousiours prins le tiltre de Archichanceliers. Lesquels en ce temps là on nommoit Chanceliers, & maintenant Vice chanceliers.

*Pourquoy ont ils esté nommez Archichancel-
liers par l'Allemagne, Royaume d'Arles,
& l'Italie, ven que par Ordonnance d'Otton
troisiesme, ils se disoient Vicaires de l'Empire*

L'Estiue qu'apres la diuision du roy-
aume de Germanie & de France,
l'office d'Archichancelier a deuolu à
ces trois Arch'Euesques, & comme on
peut coniecturer par l'instruction de
diuers priuileges & patentes Imperial-
les, ceste institution des Archichan-
celiers Allemands, semble auoir pris
origine enuiron le regne du grand Ot-
ton. Que si l'Empereur estoit en Italie
l'Archeuesque de Coulogne souhsig-
noit les priuileges & patentes Imperi-
alles, par l'entremise duquel elles e-
stoient mises en lumiere. Le mesme
faisoit celuy de Mayence, si l'Empereur
demeuroit en Allemagne. S'il estoit
en France l'Archeuesque de Treues
exerçoit le mesme office. Il y a appa-
rence que ceste coustume de signer,

a duré iusques au regne de Frederic 2. laquelle depuis a cessé d'estre en vſage. Il ne se peut coniecturer par là, comme met en auât mal à propos Gregoire de Thoulouze, que l'Archeuesque de Mayence peut eslire vn Empereur, comme President en Allemagne, celui de Treues en France: & de Coulogne en Italie (desquels royaumes ils se sont soubſcripts Chanceliers.) Par ou le susdit de Thoulouze maintient que l'Archeuesque de Treues, faict la fonction quant à l'election au nom de la France, ce qu'il faict neantmoins de son propre mouuement sans mandement ou consentemēt du Roy de France. Ce qu'il repete au liure 7. chapitre 15. de sa Cronicque. La cause pourquoy ils ont pris ces tiltres des royaumes, se peut resoudre par cecy. L'Empereur Lothaire fils de Louys le debonnaire a diuisé la Monarchie Frangoise en trois portions à ses trois fils: assignant l'Italie à Louys avec le tiltre d'Empereur: à Lothaire la Lorraine: & à Charles la Prouence: mais la diui-

sion de son trespuissant royaume a demeuré iusques à present bipartie entre ses nepueux. Il a permis vn royaume des Francons en Allamagne, l'autre en la Gaule Celtique & Aquitaine. Par ce moyē Charles le Chauue a iouy du royaume de France, des nepueux de Lothaire. A Louys fut assignee l'Allemagne avec les Prouinces & citez voisines du Rhin comme l'Alsacie, &c. Coulogne, Treues, Mastricht, Straesbourg, Basle, avec les plus riches Monasteres du pays d'Alsace. Item la Lorraine partie de la Gaule Belgique.

En ceste diuision, le royaume d'Arles avec huiſt Comtez fut annexé au royaume d'Allemagne, quoy que par auant il dependoit de la couronne de France, pour l'occasion dequoy l'Archeuesque de Treues, (lequel depend d'Allemagne) est dict Archichancelier de France, au regard des affaires qui dependent de l'Empire, aux confins duquel est situé le royaume d'Arles: à laquelle dignité Archiepiscopale a esté ioincte l'autorité Electorale, pour

ceste occasion il ne faict pas le deuoir d'election au nom de la France , mais comme Archichancelier Imperial.

La mesme raison sert pour l'Italie, laquelle est aussi subiete à l'Empire, c'est pourquoy l'Archeuesque de Cologne iouit aussi de l'estat d'Archichancelier pour eslire l'Empereur, non pourtant au nom de ceux d'Italie, autrement il s'ensuiuroit que le Palatin esliroit au nom du Palatinat: le Saxon au nom de ceux de Saxe: Le Marquis au nom du Marquisat: ce qui est absurd. Pareillement l'opinion de l'Abbé de Staden n'est veritable, lequel estime que l'archeuesque de Treues eslit pour le respect de son antiquité, ores qu'il ne soit point d'Allemagne; ou se trouuēt de plus anciennes villes que celles de Treues, comme entre autres est celle de Coulogne, lesquelles sont au nombre des premieres. Corneille Tacite, ancien historien dit, que ceux de Treues sont fort ambitieux, comme estāt issus d'origine des Allemands, & par ceste gloire separez de la faincantise

des François. Du temps d'Arcade & Honoré le chef Siege de l'Empire estoit à Treues, où se visitoient les Palais. Parquoy ceux de Treues sont les premiers Allemands en la Gaule Belgique, & Celrique, en laquelle il y a quatre Electeurs qui y tiennent leur demeure, & habitation: les Empe- reurs y sont couronnez, à sçauoir à Aix. Aucuns estiment que les Empe- reurs ont esté libres d'eslire tels Châ- celiers que bon leur sembloit. Conrad de Sueue, a eu pour son Chancelier, Arnould Archeuesque de Coulogne, lequel a esté avec luy à l'expeditiõ de son couronnement l'an 1146.

*CHAPITRE XIII.**Du Royaume d'Arles.*

PLVSIEURS auteurs en ont es- crit diuersement, quât à moy i'ay recherché les Prouinces d'iceluy dans diuers manuscripts &

registres sur lesquels ie m'appuye, cōme les plus certains fondemens, à sçauoir des droicts que l'Empereur a en icelles, & qu'il peut encore auoir pour ce iourd'huy. Ausquels se descouurer beaucoup de choses iusques à present incogneües. I'ay extraict ce que s'en suit des histoires imprimees, car ie ne veux exceder les termes de la brieueté encommencee.

Après Louys le Begue le royaume de Bourgogne a esté diuisé en trois parties, l'vne en la Seigneurie & domaine d'Arles, l'autre en la Duché ou Marquisat de Bourgogne, & la troisieme partie contenoit les regions que les Roys de Bourgogne possedoient au delà de la montagne *Jura*, (laquelle separe les François des Suisses) L'Empereur Conrad Salique a reduict le royaume qui est au delà de la montagne *Jura*, & d'*Arle* en la puissance, par forme & tiltre de testament, tel que Rodolphe dernier Roy de Bourgogne venant à mourir, il se cōstitue heritier, ensemble son fils, & s'appro-

prie toutes les facultez du royaume, la couronne & les armes d'iceluy en l'an 1032.

Depuis ce temps les Empereurs en Allemagne ont vsurpé les droicts & tiltres de ce royaume, & y ont estably des Gouverneurs & Lieutenans pour l'Empire. Durant le regne de Henry 4. ce royaume a esté desmembré & deschiré en diuerses Principautez & Comtez, lesquels Seigneurs gouernoient chacun en son domaine, cōfessant neantmoins qu'ils tenoient & possédoient leurs Fiefs de l'Empire.

Ez années suiuanes du mesme regne de Henry 4. & par sa permissiō Bertholde Duc de Zeringhe ayant acquis la Nuichtlande en Suisse & la Iudicature de Zurich (membres du royaume de Bourgogne) s'est tantost intitulé Duc, & tātost Recteur de la Bourgogne d'Arles. Mais il est manifeste, que la petite Bourgogne & plusieurs domaines des Suisses, ont esté subiects à l'Allemagne. Frederic Barberousse a donné le domaine de patron laïc des

trois Eueschez de Zittén, Lausanne & Geneue, à Bertholde de Zeringhe en recompense du territoire d'Arles: & n'a seulement donné ce droit patrimonial, mais il a aussi cédé les banlieues & confins qui sont contenus entre les montagnes de Iura & de Iupiter, lesquels il a separé du domaine de Bourgogne: qui estants conjointts en vne Principauté, luy en a donné la possession hereditaire à iamais.

L'Empereur Charles 4. Roy de Boheme, a distraict & escumé hors de l'Empire le royaume d'Arles, situé en la Gaule Narbonnoise, vulgairement nommé la Principauté de Vienne & de Daulphiné, transferant iceluy à son nepueu de par sa fille, fils aîné du Roy de France, nommé Charles cinquième Roy de la France Occidentale. Laquelle alienation par apres Sigismond fils du Bohemois a eu pour agreable, & fut ratifiée par auctorité Imperiale sur ce emanee en vertu de lettres patentes, à quoy toutesfois les Electeurs n'ont iamais voulu consen-

tir. Depuis quoy les Roys de France ont recogneu tenir ledict royaume en fief de l'Empire. (iouxte les registres) &c.

CHAP. XIII.

Des Electeurs Seculiers, lesquels auant le regne d'Otton troiesme, ont faict fonction d'offices Imperiaux, & depuis ont esté annexez avec la dignité Electorale par ledict Otton.



NRE les Princes seculiers, du regne de Conrad premier, les plus puissants & plus eminets en dignité, estoient, Arnould en Baviere, Burchard en Sueue, Ebergard tres-Puissant Comte en la franconie, Giselberd Duc en Lorraine, & Henry Duc des Saxons & de Thuringhe ne paroissoit en puissance moins que les autres. Tous lesquels auoient tenu le party contraire de l'Empereur. Otton le Grand, affin que son couronnement

fut plus auguste & celebre, a voulu ordonner & establi des officiers lesquels auroient chacun leur charge en son Palais. Et donna l'office de Preuost de son Hostel à Giselbert, à Eberhard celuy de Maistre d'Hostel, à Hermā Duc de Sueue celuy de bouteiller, & fit Arnould son Mareschal, *Ditmare escrit*, qu'Otton 3. a solemnizé les festes de Pasques à Quedlinbourgh & que quatre Ducs l'ont seruy au banquet royal, à sçauoir le Duc de baviere de Maistre d'Hostel, Conrad Duc de franconie garde de la chambre, Euzele, Euzelin ou Helizon Palatin, Sommeiller: Bernhard ou Bennonen Duc de Saxe, Mareschal ou maistre d'Escuyerie. *André V Vitichind resmoigne qu'en l'an 985. on au-
roit tenu les Estats au mesme lieu, ou
les susdicts Princes Officiers estoient
presens.*

Il est donc manifeste les susdits offices & Estats auoir esté temporels a la discretion de sa Majesté Imperiale, & eslargiz tantost a l'un & maintenant a l'autre. Et affin que la preeminence de

l'Electorat fut esleuee à plus haute dignité & splendeur. Otton 3. a ordonné que les offices Imperiaux seroyent hereditaires & à tousiours de degré en degré, De sorte qu'il a oſtroié aux Princes cy apres denommez le droit d'eslire l'Empereur, ensemble leur a donné la charge des fonctions Imperialles, qui se feroient au couronnement & au Pallais de sa Majesté. Le Bohemois encores pous lors Duc seroit Eschanson ou Bouteiller de l'Empire, avec la dignité Electoralle. Le Palatin du Rhin Maistre d'Hostel. Le Duc de Saxe Marechal. Le Marquis de Brandebourg grand Chambellan. Tout ce que dessus a esté asseuré en foy d'historien par Martin Polonois en l'an 906. & S. Antonin fol. 615. chapitre. 4. En la plus vieille cronicque d'Allemagne fol. 101. En la grande cronicque de Norēberghel'an 1433. Ludolp de Bamberghe chapitre 2. André Prestre de Ratibone en sa cronicque de Bauiere Pierre de Andio touchant l'Empire Romain liure 2. chapitre 1. Jean Blondus, Platine, Crantzjus, Naclerus, Trithemius, & plusi-

seigneurs autres.

Il ne se peut verifier qu'autre qu'Otto 3. ayt annexé les offices Imperiaux à la dignité Electorale: parquoy le témoignage des auteurs cy dessus alleguez demeure ferme & stable, lesquels cōfirment assez ce que dessus, de sorte que persōne le peut mettre en doute si ce n'est par opiniastrété: l'Empereur Henry premier fōdateur de l'Euesché de Bamberghe, a ordōné que les Electeurs politiques du mesme Euesché fissent les mesmes deuoirs, (à scauoir, de maistre d'Hostel, Mareschal, Chābellan, & Bouteiller) à telle conditiō, que venant à changer d'Euesque ils demeureroient en possession de leurs offices, & les exerceroient avec toute fidelité: ceste coustume est encores pour le present en vsage: car le député des Electeurs en demāde l'investiture à l'Euesque moderne, & l'Euesque respond, qu'il leur accorde l'investiture suiuant l'vsance ordinaire.

Ceste remarquable & auguste dig-

nité se souloit vulgairement nommer le filet de soye de la bien-heureuse Cunigonde, (femme de S. Henry) De la on dit ordinairement que la ville de Bamberghe ne peut estre ceinte de murailles à cause que Sainte Cunigonde l'a entourée d'un fil de soye, au lieu de muraille.

Bruschius, Peucerus, & Späberghe se trompent bien lourdement lors qu'ils assurent que l'Empereur Héry auroit ordonné que les quatre Electeurs seculiers estoient tenus de demander & recevoir les Fiefs Electoriaux de l'Euesque de Bamberghe, comme de leur propre Seigneur. Mais il est tout assuré & notoire par la coustume d'Allemagne, que les Electeurs ne reçoivent & ne tiennent leurs Fiefs d'Electeurs immédiatement que de sa Majesté Imperiale.

CHAPITRE XV.

De Roy de Boheme.

IE traicteray les poincts suiuaunts en mes Commentaires de Boheme, que bien tost ie mettray en lumiere, partât pour abreger & euitier prolixité ie suis deliberé de les deduire au brieſ,

1. Pourquoiſ s'est il aucunes fois seruy de tiltre de Duc?

2. Les Bohemois ont esté creez Roys par diuers Empereurs.

3. Le Roy de Boheme au couronnement de Guillaume Comte de Hollâde, comme Eschanſon de l'Empire, du consentement de l'Archeuesque de Coulogne, a mis la couronne d'argent sur le chef du Roy diſant, *Reçoy le Diademe de splendeur, affin que par actions vertueuses tu sois tellement rayonnant en terre, que tu puisses meriter d'auoir ex cieux la couronne de la felicité eternelle.*

La femme d'Albert Roy des Romains, en l'assêblee des estats tenus à Noremberghe, a esté couronnee selô

la coustume ordinaire, ou le Roy de Boheme reuestu d'un habit tres-sump-
tueux & precieux, môté sur vn che-
ual estimé à mille marcs d'argent,
remplit vne couppe dor, de vin, & la
presenta à la Roync.

V. Cestoit le deuoir de l'Archeuesque
de Mayence de couronner le Roy de
Boheme, en vigueur du priuilege à luy
ostroïé par Odochar & Wentzlao, *ce
que Trithemius explique plus amplement*, Mais
ce deuoir quelque temps apres a esté
misez mains de Egilbert Archeues-
que de Treues, à luy doné par Vradis-
laus, Quelque temps apres Henry issu
des Comtes de Firnenburg Archipre-
stre de Mayence, a vendu par argent ce
droict & preeminence à l'Eglise de
Prague. Toutesfois Albert de Straes-
bourg le couche autrement par escrit,
à sçauoir, que Charles Marquis de Mo-
raue, qui portoit vne haine mortelle
à Henry de Maience, a erigé l'Euesché
de de Prague en Archeuesché, le ren-
dât libre de la submission qu'il deuoit
à celuy de Mayence, & luy a donné &

oſtroié le droit de couronner le Roy de Boheme : en frustrant l'Archeueſque de Mayence.

6. Quels droits les Archiducs d'Autricce ont sur le royaume de Boheme tant selon la vigueur de l'accord approuué par tous les ordres de Boheme, qu'autres tiltres.

7. En quels cas le Roy de Boheme, est exempt de l'Empire.

8. La Lusatie inferieure a appartenu au Roy de Boheme comme possession & heritage Electoral.

9. Il faut de necessité qu'il soit a l'election de l'Empereur ainsi qu'est contenu à la bulle d'or de Charles 4. mise cy deſſous de mot à autre A raison de quoy, ſuiuant la couſtume, lors qu'il ne fut appellé à la denomination de Maximilien premier, les inimitez couuertes de l'Empereur Frederic 3. & du Roy de Boheme regnant le requerât ainsi, il a requis opiniaſtrement l'amende y ordonnee, & entel cas acordee aux Electeurs : à faute de quoy il menaçoit d'auoir recours

aux armes: ou bien que l'Empereur eut a luy quitter & relaxer du service qu'il est tenu luy faire allant en Italie, ou à faute de quoy, qu'il luy payeroit la somme de 800. Ducats. Ce qu'estant refusé, arresterēt que dores en auāt les Roys de Boheme ne seroient exclus de l'election, sous peine de 500. marcqs d'or pur, ceste resolution aiāt esté prise en ceste sorte, Ladislaus Roy de Boheme ratifia l'election de Maximilien & la tint pour vaillable.

LA BVLL^E D'OR DE CHARLES

Quatriesme touchant l'election & succession des Roys de Boheme.

CHARLES par la grace de Dieu Roy des Romains tousiours auguste, Roy de Boheme, &c. nostre naturelle bonté, qui est incessamment occupée par veilles et toinuelles sur les hōneurs profits de nos fidels & affectionnez subjects, nous excite & nous porte tousiours de nous rēdre ententifs à leurs vœux, tout & quantes fois que leur demande est iuste: car en cecy ne man-

ste: car en cecy ne manque iamais l'intention de nostre liberalité, mais plustost elle croit esleuer la grandeur de nostre sceptre royal, certainemēt estās venus vers nous, le Venerable Archeuesque de Prague, l'Archeuesque d'Olmits, l'Euesque de Vratisslaue, & de Lytonyschel, & les illustres Jean Duc de Corinthe, Comte de Tirol & de Goris nostre tres-cher cousin germain, & Nicolas Duc d'Opere, & de Ratisburg, & les autres Prelats, Ducs, Princes, Barons, grands & nobles de nostre royaume de Boheme, & de ses appartenances, n'ont humblement supplié leur confirmer certaines lettres de Frederic, cy deuant esleu Empereur des Romains nostre predecesseur, lesquelles ils nous ont communiquees, dont la teneur fuit.

Frederic par la diuine clemence esleu Empereur des Romains tousiours auguste, Roy de Sicile, &c. Comme ainsi soit que la beauté & puissāce de nostre Empire ayt esté auparauant que nous y fussions appelez, & que non seule-

ment les dignitez des Princes: mais aussi les sceptres royaux se conferent par nostre Majesté, nous tenons pour chose glorieuse & magnifique de ce que par vn si grand benefice de nostre largesse & plusieurs autres, l'augmentation de nostre royale dignité en accroist dauantage, sans que pour ce nostre grâdeur ressent aucune diminution. De là est, qu'attendans les mesmes signalez deuoirs d'affection que tout le peuple de Boheme rendit iadis à l'Empereur Romain, avec tant d'amour, & de fidelité: & pour ce que leur illustre Roy Ottacher, le premier entre les autres Princes nous a esleu pour Empereur, & a assisté diligēment & vtilement pour nous à la poursuite de nostre election: aussi comme nostre cher & bien aymé oncle de de pieuse memoire le Roy Philippe, ayant fait assēbler le conseil de tous les Princcs, l'a institué Roy par son priuilege, ainsi nous constituons ce mesme Roy, confirmons & approuuons vne si sainte & digne election, & luy octroyons libe-

ralement sans payer aucuns deniers, mais selō la iustice ordinaire de nostre court, le Royaume de Boheme, tant pour luy que pour ses successeurs à iamais: voulant quiconque sera par eux esleu roy luy ou les successeurs viennent vers Nous recevoir l'inuestiture & autres droicts de royauté, ainsi & en la forme qu'il conuient: & si luy donnons toutes les bornes, limites & appartenances dudit royaume, voire en quelque façon qu'elles en pourroient auoir esté aliennées, pour les posséder & en iouir tant par luy que par ses successeurs: en telle sorte toutesfois que ils iouissent de mesmes libertez, seuretez & frâchises qu'ils ont accoustumé de iouir par la liberalité de nos predecesseurs. D'abondant de la munificence de ceste nostre liberalité, Nous ordonnons que le susdict Illustre Roy ou son successeur, ne soit tenu ny obligé de venir en nostre cour, sinon lors que nous aurons signifié & publié la tenue de nostre cour & conseil dans Bâberghe ou dans Noremberghe, ou biē lors

que nous aurons ordonné tenir nos dits
conseils à Marpurg: en tel cas ils seront
tenus & obligez de s'y trouuer. *Que si*
le Duc de Podolie y ayant esté mandé
s'y trouue, il le doit assister & accom-
pagner ainsi que ses predecesseurs ja-
dis ont accoustumé d'accompagner les
Roys de Boheme: en telle sorte neant-
moins que six semaines avant la te-
nuë de nostredite court, il leur sera
signifié d'y venir, sauf que si nous ou
nos successeurs auons besoing d'aller
à Rome pour estre couronnez, en tel
cas nous laissons à la discretion dudit
Roy Ottachar & de ses successeurs, ou
de nous enuoyer trois cents hommes
d'armes pour assistance, ou de nous
payer trois cents marcs. *Et pour memoire*
de ceste nostre ordonnance & constitution, &
pour auoir force perpetuellement, nous auons
cōmandé de faire apposer le sceau de nostre bulle
d'or à ce present priuilege par les mains de Hē-
ry de Paris nostre Secretaire & fidele seruiteur
Donné en l'an, mois & indiction que dessus,
& pour tesmoins de ceste chose sont l'Arche-
uesque de Bary, les Euesques de Trente, de Basse

de Constance, & de Coire, les Abbez d'Aug
de Saint Gal, & de VViterbe, Percholde de
Nisphe Prothonotaire de nostre cour Royale,
les Comtes Vlric de Chebur, Rodolphe de Ha-
bechsburg, & le Landsgraue d'Alsace, les
Comtes Louys & Herman de Froburg, & le
Comte VVartere de Hohemburg, Arnonld
Seigneur de VVart, Rodolphe Aduocat de
Raprechtshuilar, Rodolphe de Rumonsberghe,
Albert de Tanhul Chambellan, & plusieurs
autres grands nobles & libres personnes, du re-
snoignage desquels il appert ce present privilege
auoir esté confirmé. Ces choses se sont passées
l'an de l'Incarnation de nostre Seigneur 1200.
le 12. du mois de Septembre, Indiction 15 &
& le 15. du regne de nostre Seigneur Frederic
tres Illustre Empereur des Romains esleu, &
rousiours auguste Roy de Sicile. Donné en no-
stre noble Cité de Basle par les mains de Vlricq,
Prothonotaire, le sixiesme des Calendes d'Octo-
bre heureusement, Amen.

Et affin qu'il nous pleust les susdites
lettres confirmer de nostre authorité
royale, nous à ces causes inclinans be-
nignement aux requestes & supplica-
tions des dessus dicts Prelats, Ducqs,

Princes, barons, & nobles, que nous auons entre autres recognuz tresfideles & affectionnez à l'honneur & heureux estat du royaume & Empire Romain ; mesme le Roy de Boheme membre du royaume Romain & le plus noble de tous, Nous louions, ratifions, approuuons & confirmons les susdites lettres, & routes les choses tant generales que particulieres contenues en icelles, & de nouveau de la certaine science, & de la plenitude de nostre puissance Romaine & royalle, nous les conserons & donnons pour iamais par la teneur des presentes aux susdits Prelats, Ducs, Princes, barons, Magistrats Gouverneurs, & Nobles, & à toute la communauté du royaume & de ses dependances, pour l'usage & besoing des Roys de Boheme. Que s'il y a quelque defect ou diminution remarquee aux precedentes par vn don surabondant de nostre Romaine & royalle Majesté, nous voulons qu'il soit reparé & suppléé. Que si sur les choses contenues ez susdites lettres quelques vns

s'efforcent d'en tourner quelques vns en calomnie, interpreter les autres en sens sinistres & mauuais, & obscurcir ce qui y est de plus clair, afin d'oster tout ce doute & euitier ceste obscurité qu'on pourroit rechercher en icelle, & afin que les Estats dudit roiaume de boheme & du peuple Bohemien perseuerent en la sincere concorde de la benediction de l'Empire & garde l'vnité en vn mesme lien de paix, & que les habitans dudit roiaume, ceux pour lesquels la discordance de la matiere pourroit causer ez temps à venir, la ruine des ames & des corps comme prouenant de la rupture & discorde des affaires auant que ces choses arriuent, & pour aller au deuant d'icelle, par vn sage, prudent, & salubre preuention, nous voulons que lesdits habitans dudit roiaume heritent paisiblement leur terre & qu'ils se resiouissent en l'abondance de la paix. Et que pour l'election du roy de Boheme, arriuant le cas & l'euénement qu'il ne reste aucú masse ny femelle legitime de la genealogie,

semence, & sang roial de la Majesté de Boheme (ce que Dieu ne veuille permettre) ou en autre maniere que la couròne dudit royaume puisse vaquer, nous voulons, ordonnons, prononçons, interpretons, & declaronz par cet escrit, qu'en tel cas, à iamais elle appartienne de droict iustemét & legitime-mét aux Prelats, Ducs, Princes, barons, nobles, & à la communauté dudit royaume & de ses dependances, ayât pris la meure deliberation sur ce avecq les autres Princes, qui pour lors seront à la suite de nostre grâdeur, en vn conseil sain & bien digeré, & en ce cas & euenement susdits, & non autrement, nous conferons & concedons ausdits Prelats, Ducs, Princes, barons, nobles & communautéz du royaume, de la plenitude de nostre puissance roiale, & de nostre certaine science, confirmons & transferons en eux, en la meilleure & plus saine forme que faire se pourra, l'election du Roy de Boheme, voulans que quiconque sera esleu pour Roy, vienne par deuers nous, ou à nos

successours Roys & Empereurs des romains pour receuoir de nous & de nos successours en forme deuë, necessaire, & accoustumee, les droicts & choses qui appartiennent à vn Roy: & ce non obstant les loix, vz, coustumes, obseruations, droicts de priuileges, statuts, communes ou edicts publiez au contraire, tous lesquels comme s'ils estoient nommément & de mot à mot insererez escrips en ces presentes, nous les reuocquons, cassons, & annullons, & de la plenitude de nostre puissance roiale & Romaine ordonnons n'auoir à l'aduenir nulle force & valeur.

Dauantage, nous desirons que tous sçachent tant en general qu'en particulier, que lesdictes lettres de l'Empereur Frederic sont selles du seau dont il vsoit n'estant encore que Roy de Sicile, Duc de la Pouille & Prince de Capouë, auant qu'il eust passé par les solemnitez de son couronnement pour le Roy des romains, ainsi qu'il nous appert & semmes plainement informer: & comme fit de glorieuse memoire

moire Henry nostre ayeul iadis Empereur des Romains, qui se seruoit du seel de la Comté de Luxembourg: & comme ont fait les autres Empereurs Romains esleus, nos predecesseurs, chacun en ses tiltres, & nous, deuant les solemnitez de leurs couronnemens & du nostre, ou nous sommes seruis du seel du Marquisat de Morauye a l'entour de laquelle bulle d'or du costé ou est l'effigie de l'Empereur Frederic, sont ces mots, *Fridericus Dei gratia rex Sicilia, Ducatus Apulia, Principatus Capua*, & de l'autre ou est exprimé le pourtraict d'un certain chasteau, sôt escrits ces mots, *Christus vincit, Christus regnat Christus imperat*, lesquelles paroles s'y voyēt encore saines & entieres sans corruption ny alteration. Qu'il ne soit donc loisible a aucun homme rompre ou enfreindre ceste nostre ratification, approbatiō, &c. Et pour plus ample assurance, nous auons fait qu'en icelle dite bulle d'or sera mis & apposé le seel de nostre Majesté, De ce sont tesmoins Gerlac Archeuesque

oſtroié le droiſt de couronner le Roy de Boheme : en frustrant l'Archeueſque de Mayence.

6. Quels droiſts les Archiducs d'Autrice ont ſur le royaume de Boheme tant ſelon la vigueur de l'accord approuué par tous les ordres de Boheme, qu'autres tiltres.

7. En quels cas le Roy de Boheme, eſt exempt de l'Empire.

8. La Luſatie inferieure a appartenu au Roy de Boheme comme poſſeſſiõ & heritage Electoral.

9. Il faut de neceſſité qu'il ſoit a l'elec-tion de l'Empereur ainſi qu'eſt conte-nu à la bulle d'or de Charles 4. miſe cy deſſoubs de mot à autre A raiſon dequoy, ſuiuant la couſtume, lors qu'il ne fut appellé à la denomina-tion de Maximilien premier, les ini-mitez couuertes de l'Empereur Fre-deric 3. & du Roy de Boheme regnant le requérât ainſi, il a requis opiniaſtre-ment l'amende y ordonnee, & en tel cas acordee aux Electeurs : à faute dequoy il menaçoit d'auoir recours

aux armes: ou bien que l'Empereur eut a luy quitter & relaxer du serulce qu'il est tenu luy faire allant en Italie, ou à faute de quoy, qu'il luy payeroit la somme de 800. Ducats. Ce qu'estât refusé, arresterēt que dores en auāt les Roys de Boheme ne seroient exclus de l'election, sous peine de 500. marcs d'or pur, ceste resolution aiāt esté prise en ceste sorte, Ladislaus Roy de Boheme ratifia l'election de Maximilien & la tint pour vailable.

LA BVLL E D'OR DE CHARLES

Quatriesme touchant l'election & succession des Roys de Boheme.

CHARLES par la grace de Dieu Roy des Romains. tousiours auguste, Roy de Boheme, &c. nostre naturelle bonté, qui est incessamment occupée par veilles etoinuelles sur les hōneurs profits de nos fidels & affectionnez subjects, nous excite & nous porte tousiours de nous rēdre ententifs à leurs vœux, tout & quantes fois que leur demande est iuste: car en cecy ne man-

ste: car en cecy ne manque iamais l'intention de nostre liberalité, mais plustost elle croit esleuer la grandeur de nostre sceptre royal, certainement estés venus vers nous, le Venerable Archeuesque de Prague, l'Archeuesque d'Olmits, l'Euesque de Vratislauie, & de Lytonyschel, & les illustres Jean Duc de Corinthe, Comte de Tirol & de Goris nostre tres-cher cousin germain, & Nicolas Duc d'Opare, & de Ratisburg, & les autres Prelats, Ducs, Princes, Barons, grands & nobles de nostre royaume de Boheme, & de ses appartenances, nous ont humblement supplié leur confirmer certaines lettres de Frederic, cy deuant esleu Empereur des Romains nostre predecesseur, lesquelles ils nous ont communiquees, dont la teneur suit.

Frederic par la diuine clemence esleu Empereur des Romains tousiours auguste, Roy de Sicile, &c. Comme ainsi soit que la beauté & puisance de nostre Empire ayt esté auparauant que nous y fussions appelez, & que non seule-

ment les dignitez des Princes: mais aussi les sceptres royaux se conferent par nostre Majesté, nous tenons pour chose glorieuse & magnifique de ce que par vn si grand benefice de nostre l'argesse & plusieurs autres, l'augmentation de nostre royale dignité en accroist dauantage, sans que pour ce nostre grâdeur ressent aucune diminution. De là est, qu'attendans les mesmes signalez deuoirs d'affection que tout le peuple de Boheme rendit iadis à l'Empereur Romain, avec tant d'amour, & de fidelité: & pour ce que leur illustre Roy Ottacher, le premier entre les autres Princes nous a esleu pour Empereur, & a assisté diligēment & vtilement pour nous à la poursuite de nostre election: aussi comme nostre cher & bien aymé oncle de de pieuse memoire le Roy Philippe, ayant fait assēbler le conseil de tous les Princcs, l'a institué Roy par son priuilege, ainsi nous constituons ce mesme Roy, confirmons & approuuons vne si sainte & digne election, & luy octroyons libe-

ralement sans payer aucuns deniers, mais selõ la iustice ordinaire de nostre court, le Royaume de Boheme, tant pour luy que pour ses successeurs à iamais: voulant quiconque sera par eux esleu roy luy ou les successeurs viennent vers Nous recevoir l'inuestiture & autres droicts de royauté, ainsi & en la forme qu'il conuient: & si luy donnons toutes les bornes, limites & appartenances dudit royaume, voire en quelque façon qu'elles en pourroient auoir esté aliennees, pour les posseder & en iouir tant par luy que par ses successeurs: en telle sorte toutesfois que ils iouissent de mesmes libertez, seuretez & frâchises qu'ils ont accoustumé de iouir par la liberalité de nos predecesseurs. D'abondant de la munificence de ceste nostre liberalité, Nous ordonnons que le susdict Illustre Roy ou son successeur, ne soit tenu ny obligé de venir en nostre cour, sinon lors que nous aurons signifié & publié la tenüe de nostre cour & conseil dans Bâberghes ou dans Noremberghe, ou biẽ lors

que nous aurons ordonné tenir nos dits
conseils à Marpurg: en tel cas ils seront
tenus & obligez de s'y trouuer. *Que si*
le Duc de Podolie y ayant esté mandé
s'y trouue, il le doit assister & accom-
pagner ainsi que ses predecesseurs ja-
dis ont accoustumé d'accompagner les
Roys de Boheme: en telle sorte neant-
moins que six semaines auant la te-
nuë de nostredite court, il leur sera
signifié d'y venir, saulz que si nous ou
nos successeurs auons besoing d'aller
à Rome pour estre couronnez, en tel
cas nous laissons à la discretion dudict
Roy Ottachar & de ses successeurs, ou
de nous enuoyer trois cents hommes
d'armes pour assistance, ou de nous
payer trois cents marcs. *Et pour memoire*
de ceste nostre ordonnance & constitution, &
pour auoir force perpetuellement, nous auons
cōmandé de faire apposer le sceau de nostre bulle
d'or à ce present priuilege par les mains de Hē-
ry de Paris nostre Secretaire & fidele seruiteur
Donné en l'an, mois & indiction que dessus,
& pour tesmoins de ceste chose sont l'Arche-
uesque de Bary, les Euesques de Trente, de Basse

de Constance, & de Coire, les Abbez d'Aug
de Saint Gal, & de VViterbe, Pertholde de
Nisphe Prothonotaire de nostre cour Royale,
les Comtes Vlrice de Chebur, Rodolphe de Ha-
bechsburg, & le Landgraeue d'Alsace, les
Comtes Louys & Herman de Froburg, & le
Comte VVartere de Hohemburg, Arnoult
Seigneur de VVart, Rodolphe Aduocat de
Raprechtshuylar, Rodolphe de Rumonsberghe,
Albert de Tanhul Chambellan, & plusieurs
autres grands nobles & libres personnes, du re-
suoignage desquels il appert ce present priuilege
auoir esté confirmé. Ces choses se sont passees
l'an de l'Incarnation de nostre Seigneur 1200.
le 12. du mois de Septembre, Indiction 15 &
& le 15. du regne de nostre Seigneur Frederic
tres Illustre Empereur des Romains esleu, à
tousiours auguste Roy de Sicile. Donné en no-
stre noble Cite de Basle par les mains de Vlrice,
Prothonotaire, le sixiesme des Calendes d'Octo-
bre heureusement, Amen.

Et affin qu'il nous pleust les susdites
lettres confirmer de nostre autorité
royale, nous à ces causes inclinans be-
nignement aux requestes & supplica-
tions des dessus dits Prelats, Ducqs,

Princes, barons, & nobles, que nous auons entre autres recognuz tresfideles & affectionnez à l'honneur & heureux estat du royaume & Empire Romain ; mesme le Roy de Boheme, membre du royaume Romain & le plus noble de tous, Nous loüons, ratifions, approuuons & confirmons les susdites lettres, & routes les choses tant generalles que particulieres contenues en icelles, & de nouveau de la certaine science, & de la plenitude de nostre puissance Romaine & royalle, nous les conferons & donnons pour iamais par la teneur des presentes aux susdits Prelats, Ducs, Princes, barons, Magistrats Gouverneurs, & Nobles, & à toute la communauté du royaume & de ses dependances, pour l'vsage & besoing des Roys de Boheme Que s'il y a quelque defect ou diminution remarquee aux precedentes par vn don surabondant de nostre Romaine & royalle Majesté, nous voulons qu'il soit réparé & suppléé. Que si sur les choses contenues ez susdictes lettres quelques vns

s'efforcent d'en tourner quelques vns en calomnie, interpreter les autres en sens sinistres & mauuais, & obscurcir ce qui y est de plus clair, afin d'oster tout ce doute & euitier ceste obscurité qu'on pourroit rechercher en icelle, & afin que les Estats dudit royaume de Boheme & du peuple Bohemien perseuere en la sincere concorde de la benediction de l'Empire & garde l'vnité en vn mesme lien de paix, & que les habitans dudit royaume, ceux pour lesquels la discordance de la matiere pourroit causer ez temps à venir, la ruine des ames & des corps comme proueuans de la rupture & discorde des affaires auant que ces choses arriuent, & pour aller au deuant d'icelle, par vn sage, prudent, & salubre preuention, nous voulons que lesdits habitans dudit royaume heritent paisiblement leur terre & qu'ils se resiouissent en l'abondance de la paix. Et que pour l'election du roy de Boheme, arrivant le cas & l'euénement qu'il ne reste aucú masse ny femelle legitime de la gentéalogie,

semence, & sang roial de la Majesté de Boheme (ce que Dieu ne veuille permettre) ou en autre maniere que la couròne dudit royaume puisse vaquer, nous voulons, ordonnons, prononçons, interpretons, & declaron par cet escrit, qu'en tel cas, à iamais elle appartienne de droict iustemēt & legitime-
mēt aux Prelats, Ducs, Princes, barons, nobles, & à la communauté dudit royaume & de ses dependances, ayāt pris la meure deliberation sur ce avecq les autres Princes, qui pour lors seront à la suite de nostre grādeur, en vn conseil sain & bien digeré, & en ce cas & euenement susdits, & non autrement, nous conferons & concedons ausdits Prelats, Ducs, Princes, barons, nobles & communautez du royaume, de la plenitude de nostre puissance roiale, & de nostre certaine science, confirmons & transferons en eux, en la meilleure & plus saine forme que faire se pourra, l'election du Roy de Boheme, voulans que quiconque sera esleu pour Roy, vienne par deuers nous, ou à nos

moire Henry nostre ayeul iadis Empe-
reur des Romains, qui se seruoit du
seel de la Comté de Luxembourg : &
comme ont fait les autres Empereurs
Romains esleus, nos predecesseurs,
chacun en ses tiltres, & nous, deuant
les solemnitez de leurs couronne-
mens & du nostre, ou nous sommes
seruis du seel du Marquisat de Mora-
uye a l'entour de laquelle bulle d'or
du costé ou est l'effigie de l'Empereur
Frederic, sont ces mots, *Fridericus Dei*
gratia rex Sicilia, Ducatus Apulia, Principa-
tus Capua, & de l'autre ou est exprimé
le pourtraict d'un certain chasteau, s'ot
escrits ces mots, *Christus vincit, Christus*
regnat Christus imperat, lesquelles paroles
s'y voyēt encore saines & entieres sans
corruption ny alteration. Qu'il ne soit
donc loisible a aucun homme rompre
ou enfreindre ceste nostre ratifica-
tion, approbatiō, &c. Et pour plus am-
ple assurance, nous auons fait qu'en
icelle dite bulle d'or sera mis & ap-
posé le seel de nostre Majesté, De ce
sont tesmoings Gerlac Archeuesque

de Mayence Archichancelier du sacré Empire par les Allemagnes, Rodolphe le vieux Duc de Saxe Marechal du sacré Empire, les Ducs Rodolphe de Saxe le Jeune, & Frederic de Deek, Jeā burgrau de Noremberge, Vlric Land graue de Luchtemberg. Dōné à Prague l'an de nostre Seigneur 1348. Indictiō premiere, le 7. des Ides d'Auril, & de nos regnes l'an deuxiesme.

II. Priuilege.

Disposition du Roy Vladislas, a cause de sa fille Anne qu'il promet ne point marier sans le sceu & conseil des Estats de Boheme, pour ce que elle pouuoit heriter du Royaume de Boheme, s'il deceaoit sans hoirs masles.

Nous Vladislas par la grace de Dieu Roy de Hongrie, & de Boheme, de Dalmatie, de Croacie, &c. Marquis de Morauie, Luxembourg, &c. Duc de Silesie & Marquis de Lusatie: comme ainsi soit que le seigneur Dieu de sa sainte grace nous ait donné des hoirs & enfans masles & femelles, & que par sa diuine volonté & bon plaisir, comme de l'aduis & conseil de nos bōs

subiects les Prelats, Ducs Barons, & tous les estats de nos Royaumes nous ayons donné pour couronner, premierement Roy de Boheme le Serenissime Prince le Roy Louis nostre tres cher & bien aymé fils: & que puis apres de la volonte des Barons, Cheualiers & bourgeois du Royaume de Boheme, il a esté receu & couronné Roy audit Royaume, & ce en vertu des droicts, immunités & priuileges dudit Royaume de Boheme si Dieu appelloit a soy sans hoirs la Serenissime Majesté du Roy Louis nostre fils alors nostre fille Anne, demeureroit vraye heritiere du Royaume, ainsi considerans toutes ces choses, & voyans nos subiects de l'un & de l'autre Royaume estre portez d'un singulier amour & subiection enuers nous, tres affectionnez & prests a toute prompte obeissance, vculans par eux pourueoir à l'aduenir en ce faict icy, ainsi que nous auons iugé estre iuste & equitable,

A fin qu'ils puissent mieux & plus parfaictement, selon leurs langues maternelles

agir avec nos hoirs & avec leurs futurs seigneurs des necessitez de ces deux couronnes & Royaumes, Nous auons ordonné & ordonnons par ces presêtes que nos hoirs heritiers doiuent estre nouris & esleuez en lieu conuenable auquel il y ait libre accez tant pour la couronne de Hongrie que de Boheme & autât pour l'un que pour l'autre ainsi que nous deuôs & à cause d'eux sômes tenus, & ordonnons que il y aye avec eux pareil nombre d'officiers de l'un & de l'autre sexe autant du Royaume de Boheme que du Royaume de Hôgrie, pour les gouverner & garder affin que sans aucun empeschement ils puissent librement apprendre l'une & l'autre langue Hongroise & bohémienne, tellement que l'une & l'autre couronne, chacune en sa langue puisse promptement & suffisamment traicter & parler avec leurs Serenitez, des necessitez & affaires necessaires desdits Royaumes. Dauantage nous promettons au Royaume de Boheme de ne point marier nostre fille Anne sans le scen & conseil dudit Royau-

me pource que comme dit est elle est heritiere
 d'iceluy: & auons promis tout ce que est
 contenu en ces lettres de nostre parol-
 le royale, & par les mesmes lettre pro-
 mettons aux Barons, Cheualliers, & à
 tous les estats dudit royaume de Bohe-
 me, les garder & entretenir inuiolable-
 ment toutes entieres sans aucune ob-
 mission ny transgression: en tesmoig-
 nage dequoy nous auons faict mettre
 nostre seel royal, à ces presentes. Don-
 né au chasteau de Prague la 6. ferie
 d'apres la feste des trois roys, l'an de
 nostre Seigneur 1410. & de nos regnes
 d'Hongrie, le vingtiesme & de Boheme
 le 39. III. Priuilege.

*Les lettres maiestales du Roy Ferdinand premi-
 er pour monstrier qu'apres la mort de Louys Roy
 de Hongrie & Boheme le Royaume de Boheme
 avec ses depēdances est paruenue par succession à
 la Royne Anne sœur dudit Roy Louis, & sē.
 me dudit Roy Ferdinand premier.*

Nous Ferdinand par la grace de Dieu
 Roy des Romains, tousiours auguste de
 Hongrie, de Boheme, de Dalmatie, de
 Croacie, Infant des Espagnes, Archi-

duc d'Austrice Marquis de Morauie,
Duc de Luxébourg & de Silesie, Mar-
quis de Lusatie. Sçauoir faisons a tous
par ces presentes qu'apres selon la vo-
lonté de Dieu tout puissant, l'an 1509.
le iour de la decolation S. Iean fut ari-
ué vn accident tres pitoiable, sçauoir
que le tres Serenissime Prince Louys
Roy de Hongrie & de Boheme nostre
frere & trescher amy fut allé de vie a
trespas sans hoirs ny enfans, combatāt
contre l'hereditaire & tres cruel enne-
my de toute la Chrestienté pour la de-
fense de la sainte foy Chrestienne &
pour la conseruation de ses royaumes,
Prouinces & siēs subiects tres fidelles
& chers, il arriua que le royaume de
Boheme & autres incorporez, sçauoir
le Marquisat de Morauie, la Duché de
Silesie, & le haut & bas Marquisat de
Lusatie, avec toutes & chacunes leurs
souuerainetez, domaines & libertez y
appartenās, fut hereditairement deuo-
lu à la Serenissime Dame Anne Royne
des Romains, de Hongrie, & de Bohe-

me nostre tres chere espouse comme
 a la seur vnique dudit Roy Louis de
 louable memoire & comme vraye he-
 ritiere en vertu des libertez priuileges,
 & constitutions Imperialles, ainsi que
 contiennent bien plus amplement icel-
 les lettres Maiestales, *Que au cas qu'il ne
 se trouue aucun masle ny femelle legitiment
 procreez du sang Royal, la libre election du roy-
 aume de Boheme & des Prouinces incorporees
 appartiendroit aux Estats dudit royaume: Es-
 quelles lettres de l'Empereur Charles,
 donnees a Prague l'an 1348. indiction
 premiere, le 7. des Ides d'April, & de
 ses regnes le 2. Et ez lettres reuersales
 du Roy Vladilas nostre tres-cher Sei-
 gneur & Pere de louable memoire, ou
 est inseré expressement, sçauoir, Que si
 Dieu appelloit de ce monde sans heritiers ledict
 Roy Louys, que selon les constitutions, libertez
 & priuileges du royaume de Boheme, la Royn
 Anne nostre treschere espouse demoureroit he-
 ritiere dudit royaume. La date desquelles
 lettres est du Chasteau de Prague la vj.
 Ferie d'apres la feste des Roys, l'ã 1410
 & de Boheme trenteneufiesme. C'est.*

pourquoy les Estats dudit royaume ont humblement recogneu & receu nostre dicte treschere Espouse comme vraye heritiere & royne de ce royaume selon la teneur des droicts, constitutiōs, & libertez d'iceluy. Et de leur libre & bonne volunté ont esleu & receu nostre personne apres celle de nostre espouse comme vray heritier d'icelle, pour leur Roy & Seigneur. Laquelle election & reception faicte à nostre personne, à nos hoirs, & successeurs par les diets Estats, nous recognoissons & re-compenserons. En foy dequoy, nous auōs fait mettre en ces presentes soub-scrites de nostre main, nostre sçeau royal. Donné au chasteau de Prague la 3. ferie d'apres la feste de saint Gilles, l'an de la Natiuité du fils de Dieu 1545. & de nos regnes au royaume Romain le 15. & des autres le 19. Ces trois actes cy dessus sont conformes à leurs originaux autenticques, soubz le sçeau du royaume de Boheme, ce que ie certifie moy Vendelidus Wilad, Secretaire juré de sa Majesté imperialle, & de la Chancellerie de Boheme. Faict à Viēne en Auſtrice le 8. Decemb. l'an 1619.

A P. XVI.

Des Electeurs, Palatin, Saxon, &
Brandebourg.

ENTRE les Electeurs seculiers, le Palatin tient le premier rang. Mon opinion est, que ceste dignité a prins son origine des François. Car celuy en la puissance duquel estoit le gouvernement de la maison royale, se nommoit Preuost de la maison du Roy, Prince du Palais, Colonel du regiment des Gardes, ou du Palais. Les thresors & ioyaux du royaume estoient en sa puissance. la condition des Roys estant rendue seruite, de sorte qu'il ne leur restoit que l'ombre d'un nom royal. Du depuis, ceste auctorité de Palatins a esté reduite en ordre: car leur estat a esté déclaré reuocable à la volonté des Roys. Finalement du temps d'Otton, lors que les Principautez furent erigees en succession & droit hereditaire, le nom de

Palatins leur a demeuré, cessant l'office & administration d'aucune charge. La dignité des Comtes Palatins estoit la deuxiesme apres les Ducs, & estoient intitulez Comtes Electeurs, pour les discerner d'avec les autres Comtes, il y en auoit plusieurs de tels Palatins, & Comtes ordinaires, principalement en Bauiere du temps d'Arnulphe & Ottò Empereurs. Le Duc de Bauiere estant prins, Otton le grand fit trancher la teste à ses freres puisnez & plus ieunes, puis l'associa & le mit au nombre des Comtes Palatins, de là est procedé la source & l'origine des Palatins de Bauiere, selon Auentin en ses Annales de l'an 938.

La Duché de Bauiere a esté gouvernee par les Princes de Schyrence l'espace de 230 ans.

Rhenanus deduit mal la descente des Comtes Palatins, lequel dist qu'ils ont prins leur tiltre d'une petite region situee proche de Heydelberg, appelée *Capellatium*, ou *Pallas*, mais ceste partie de region du Palatinat situee

proche du Rhin, a esté ainsi nommee auant que la Seigneurie *Capellatium* fut annexee au domaine des Palatins. D'auantage le nom de ceste region ne deriue seulement du mot Allemand *Pfaltz*, mais aussi leurs autres domaines des mots *Oberpfaltz*, *Altepfaltz*, *Jungepfaltz*. D'ancienneté les Comtes Palatins tenoient leur residence au trait inferieur du Rhin, & aux enuirons de la Meuse, dont la forest d'Ardenne en estoit vne partie, à sçauoir, ce qui est situé depuis Metz iusques à Aix, appelée en Allemand *Der Acherwaldt*. Pirckheimerus escrit que les Palatins ont possédé les regions d'*Eiff*, la Duché de *Luxembourg*, *Limbourg*, *Iulliers*, & *Berghlandt*, pareillement la moitié des biens des Archeuesques de Treues & de Coulogne, ayant quelquesfois eu leur residence à Bacharac, ou au chasteau Staleka.

Euerhard & Giselbert Comtes Palatins ont prins les armes contre Otton premier, lesquels auoient sous leur domination les villes de Liege, Caprimont, Iupille, Harstalle, Marsne, &

Litte.

L'origine & descende de la lignee des anciens Palatins n'est encores assez bië cogneuë. Mais peu avant les derniers siecles la maisõ de Bauiere a esté alliee à celle des Palatins: dequoy diuerfes lettres & patentes font foy.

*Cinq familles de Palatins qui ont possédé le
Palatinat Electoral.*

LA premiere estoit de Sigefroid, Lißu de la Lorraine tirant vers la Moselle, duquel son fils Hezelo luy a succédé en la dignité Electorale, ainsi qu'escriu Reusnere. Mais il est plus vray semblable, que le pere n'estoit que Bouteiller, & le fils Eleæteur & bouteiller ensemble.

La 2. Brunnus au catalogue des Palatins escrit, que Henry Palatin, a designé Henry Duc de Bauiere Eleæteur.

La 3. Cesar Conrad Duc des Francs son beau fils, a succédé à son beau pere en la Duché de Bauiere & du Palatinat.

Conrad Duc de Sueue son beau fils, par l'autorité de l'Empereur Frederic premier a apprehendé l'Electorat.

La 4. La fille de Conrad mariee à Hēry fils de Henry Leon, lequel apres le decez de son beau pere luy a succedé.

La 5. Otton fils de Louys, nepueu de Otton de Wittelsbach de Schyrē, (ainsi que tesmoigne Irenicque) prosperant par le mariage d'Agnes fille de Henry dernier Palatin, a conjoinct la Bauiere au Palatinat Electoral. En ceste cinquiesme & derniere famille l'Electorat a demeuré permanent de degré en degré au plus prochain heritier.

Au couronnement de Guillaume Cōte de Hollande, Louys Comte Palatin du Rhin premier maistre d'Hostel, mit en ses mains vn globe d'or, (en signe qu'il estoit Seigneur du monde) disāt, *Receuez ce Globe Spherique, affin que vous rendiez subiectes toutes les nations de la terre à l'Empire Romain, & que vous puissiez estre appellé victorienx & Anguste.*

Charles V. a permis au Palatin Frederic deuxiesme, de mettre dans son

de Mayence Archichancelier du sacré Empire par les Allemagnes, Rodolphe le vieux Duc de Saxe Marechal du sacré Empire, les Ducs Rodolphe de Saxe le Jeune, & Frederic de Deek, Jeā burgraue de Noremberge, Vlric Lant graue de Luchtemberg. Dōné à Prague l'an de nostre Seigneur 1348. Indictiō premiere, le 7. des Ides d'Auril, & de nos regnes l'an deuxiesme.

II. Priuilege.

Disposition du Roy Vladislas, a cause de sa fille Anne qu'il promet ne point marier sans le sceu & conseil des Bstats de Boheme, pour ce que elle pouuoit heriter du Royaume de Boheme, s'il deceaoit sans hoirs masles.

Nous Vladislas par la grace de Dieu Roy de Hongrie, & de Boheme, de Dalmatie, de Croacie, &c. Marquis de Morauie, Luxembourg, &c. Duc de Silesie & Marquis de Lusatie: comme ainsi soit que le seigneur Dieu de sa sainte grace nous ait donné des hoirs & enfans masles & femelles, & que par sa diuine volonté & bon plaisir, comme de l'aduis & conseil de nos bōs

subiects les Prelats, Ducs Barons, & tous les estats de nos Royaumes nous ayons donné pour couronner, premierement Roy de Boheme le Serenissime prince le Roy Louis nostre très cher & bien aymé fils: & que puis apres de la volonte des Barons, Cheualiers & bourgeois du Royaume de Boheme, il a esté receu & couronné Roy audit Royaume, & ce en vertu des droicts, immunités & priuileges dudit Royaume de Boheme si Dieu appelloit à soy sans hoirs la Serenissime Majesté du Roy Louis nostre fils alors nostre fille Anne, demeureroit vraye heritiere du Royaume, ainsi considerans toutes ces choses, & voyans nos subiects de l'un & de l'autre Royaume estre portez d'un singulier amour & subiection enuers nous, tres affectionnez & prests a toute prompte obeissance, voulans par eux pourueoir à l'aduenir en ce fait icy, ainsi que nous auons iugé estre iuste & equitable,

A fin qu'ils puissent mieux & plus parfaictement, selon leurs langues maternelles

agir avec nos hoirs & avec leurs futurs seigneurs des necessitez de ces deux couronnes & Royaumes, Nous auons ordonné & ordonnons par ces presêtes que nos hoirs heritiers doiuent estre nouris & esleuez en lieu conuenable auquel il y ait libre accez tant pour la couronne de Hongrie que de Boheme & autât pour lvn que pour l'autre ainsi que nous deuôs & à cause d'eux sômes tenus, & ordonnons que il y aye avec eux pareil nombre d'officiers de l'vn & de l'autre sexe autant du Royaume de Boheme que du Royaume de Hôgrie, pour les gouverner & garder affin que sans aucun empeschement ils puissent librement apprendre l'vne & l'autre langue Hongroise & bohémienne, tellement que l'vne & l'autre couronne, chacune en sa langue puisse promptement & suffisamment traicter & parler avec leurs Serenitez, des necessitez & affaires necessaires desdits royaumes. Dauâtage nous promettons au Royaume de Boheme de ne point marier nostre fille Anne sans le sceu & conseil dudit Royan-

me pource que comme dit est elle est heritiere d'iceluy: & auons promis tout ce que est contenu en ces lettres de nostre parole royalle, & par les mesmes lettre promettons aux Barons, Cheualliers, & à tous les estats dudit royaume de Boheme, les garder & entretenir inuiolablement toutes entieres sans aucune obmission ny transgression: en resmoignage dequoy nous auons faict mettre nostre seel royal, à ces presentes. Donné au chasteau de Prague la 6. ferie d'apres la feste des trois roys, l'an de nostre Seigneur 1410. & de nos regnes d'Hongrie, le vingtiesme & de Boheme le 39. III. Priuilege.

Les lettres maiestales du Roy Ferdinand premier pour monstrier qu'apres la mort de Louys Roy de Hongrie & Boheme le Royaume de Boheme avec ses depēdances est paruenue par succession à la Royne Anne sœur dudit Roy Louis, & femme dudit Roy Ferdinand premier.

Nous Ferdinand par la grace de Dieu Roy des Romains, tousiours auguste de Hongrie, de Boheme, de Dalmatie, de Croacie, Infant des Espagnes, Archi-

duc d'Auſtrice Marquis de Moraue,
Duc de Luxébourg & de Sileſie, Mar-
quis de Luſatie. Sçauoir faiſons a tous
par ces preſentes qu'apres ſelon la vo-
lonté de Dieu tout puiſſant, l'an 1509.
le iour de la decolation S. Iean fut ari-
ué vn accident tres pitoiable, ſçauoir
que le tres Sereniſſime Prince Louys
Roy de Hongrie & de Boheme noſtre
frere & trescher amy fut allé de vie a
treſpas ſans hoirs ny enfans, combatât
contre l'hereditaire & tres cruel enne-
my de toute la Chreſtienté pour la de-
fenſe de la ſaincte foy Chreſtienne &
pour la conſeruation de ſes royaumes,
Prouinces & ſiës ſubieçts tres fidelles
& chers, il arriua que le royaume de
Boheme & autres incorporez, ſcauoir
le Marquiſat de Moraue, la Duché de
Sileſie, & le haut & bas Marquiſat de
Luſatie, avec toutes & chacunes leurs
ſouuerainetez, domaines & libertez y
appartenās, fut hereditairement deuo-
lu à la Sereniſſime Dame Anne Royne
des Romains, de Hongrie, & de Bohe-

me nostre tres chere espouse comme
 a la seur vnique dudit Roy Louis de
 louable memoire & comme vraye he-
 ritiere en vertu des libertez priuileges,
 & constitutions Imperialles, ainsi que
 contiennent bien plus amplement icel-
 les lettres Maiestales, *Que au cas qu'il ne
 se trouue aucun masle ny femelle legitimement
 procreez du sang Royal, la libre election du roy-
 aume de Boheme & des Prouinces incorporees
 appartiendroit aux Estats dudit royaume: Es-
 quelles lettres de l'Empereur Charles,
 donnees a Prague l'an 1348. indiction
 premiere, le 7. des Ides d'Apuril, & de
 ses regnes le 2. Et ez lettres reuersales
 du Roy Vladilas nostre tres-cher Sei-
 gneur & Pere de louable memoire, ou
 est inseré expressement, sçauoir, Que si
 Dieu appelloit de ce monde sans heritiers ledict
 Roy Louys, que selon les constitutions, libertez
 & priuileges du royaume de Boheme, la Royne
 Anne nostre treschere espouse demoureroit he-
 ritiere dudit royaume. La date desquelles
 lettres est du Chasteau de Prague la vj.
 Ferie d'apres la feste des Roys, l'ã 1410
 & de Boheme trenteneufiesme. C'est*

pourquoy les Estats dudit royaume ont humblement recogneu & receu nostre dicte treschere Espouse comme vraye heritiere & royne de ce royaume selon la teneur des droicts, constitutiōs, & libertez d'iceluy. Et de leur libre & bonne volonté ont esleu & receu nostre personne apres celle de nostre espouse comme vray heritier d'icelle, pour leur Roy & Seigneur. Laquelle election & reception faicte à nostre personne, à nos hoirs, & successeurs par les dicts Estats, nous recognoistrōs & recompenserons. En foy dequoy, nous auōs fait mettre en ces presentes soub-
scrites de nostre main, nostre sçeau royal. Donné au chasteau de Prague la 3. ferie d'apres la feste de saint Gilles, l'an de la Natiuité du fils de Dieu 1545. & de nos regnes au royaume Romain le 15. & des autres le 19. Ces trois actes cy dessus sont conformes à leurs originaux autenticques, soubz le sçeau du royaume de Boheme, ce que ie certifie moy Vendelidus Wilad, Secretaire juré de sa Majesté imperialle, & de la Chancellerie de Boheme, Faict à Viēne en Autrice le 8. Decemb. l'an 1619.

A P. XVI.

*Des Electeurs, Palatin, Saxon, &
Brandebourg.*

ENTRE les Electeurs seculiers, le Palatin tient le premier rang. Mon opinion est, que ceste dignité a prins son origine des François. Car celuy en la puissance duquel estoit le gouvernement de la maison royale, se nommoit Preuost de la maison du Roy, Prince du Palais, Colonel du regiment des Gardes, ou du Palais. Les thresors & ioyaux du royaume estoient en sa puissance. la condition des Roys estant rendue seruite, de sorte qu'il ne leur restoit que l'ombre d'un nom royal. Du depuis, ceste auctorité de Palatins a esté reduite en ordre: car leur estat a esté déclaré reuocable à la volonté des Roys. Finalement du temps d'Orton, lors que les Principautez furent erigees en succession & droit hereditaire, le nom de

Palatins leur a demeuré, cessant l'office & administration d'aucune charge. La dignité des Comtes Palatins estoit la deuxiesme apres les Ducs, & estoient intitulez Comtes Electeurs, pour les discerner d'avec les autres Comtes, il y en auoit plusieurs de tels Palatins, & Comtes ordinaires, principalement en Bauiere du temps d'Arnulphe & Ottō Empereurs. Le Duc de Bauiere estant prins, Otton le grand fit trancher la teste à ses freres puisnez & plus ieunes, puis l'associa & le mit au nombre des Comtes Palatins, de là est procedé la source & l'origine des Palatins de Bauiere, selon Auentin en ses Annales de l'an 938.

La Duché de Bauiere a esté gouvernee par les Princes de Schyrence l'espace de 230 ans.

Rhenanus deduiſt mal la descente des Comtes Palatins, lequel diſt qu'ils ont prins leur tiltre d'une petite region ſituee proche de Heydelberg, appelée *Capellatium*, ou *Pallas*, mais ceste partie de region du Palatinat ſituee

proche du Rhin, a esté ainsi nommée
auant que la Seigneurie *Capellatium* fut
annexee au domaine des Palatins. Da-
uantage le nom de ceste region ne de-
riue seulement du mot Allemand *Pfaltz*,
mais aussi leurs autres domaines des
mots *Oberpfaltz*, *Altepfaltz*, *Jungepfaltz*.
D'ancienneté les Comtes Palatins te-
noient leur résidence au trait inferi-
eur du Rhin, & aux enuirons de la Meu-
se, dont la forest d'Ardenne en estoit
vne partie, à sçauoir, ce qui est situé de-
puis Metz iusques à Aix, appelée en
Allemand *Der Acheruualde*. Pirckhey-
merus escrit que les Palatins ont posse-
dé les regions d'*Siff*, la Duché de *Luxem-
bourg*, *Limbourg*, *Iulliers*, & *Berghlandt*,
pareillement la moitié des biens des
Archeuesques de Treues & de Coulo-
gne, ayant quelquesfois eu leur résidé-
ce à Bacharac, ou au chasteau Staleka.

Euerhard & Giselbert Comtes Pala-
tins ont prins les armes contre Otton
premier, lesquels auoient sous leur
domination les villes de Liege, Capri-
mont, Iupille, Harstalle, Marsne, &

Conrad Duc de Sueue son beau fils, par l'autorité de l'Empereur Frederic premier a apprehendé l'Electorat.

La 4. La fille de Conrad mariee à Henry fils de Henry Leon, lequel apres le decez de son beau pere luy a succédé.

La 5. Otton fils de Louys, nepueu de Otton de Wittelsbach de Schyrë, (ainsi que tesmoigne Irenicque) prosperant par le mariage d'Agnes fille de Henry dernier Palatin, a conjoinct la Bauiere au Palatinat Electoral. En ceste cinquiesme & derniere famille l'Electorat a demeuré permanent de degré en degré au plus prochain heritier.

Au couronnement de Guillaume Cōte de Hollande, Louys Comte Palatin du Rhin premier maistre d'Hostel, mit en ses mains vn globe d'or, (en signe qu'il estoit Seigneur du monde) disant, *Receuez ce Globe Spherique, affin que vous rendiez subiectes toutes les nations de la terre à l'Empire Romain, & que vous puissiez estre appellé victorieux & Auguste.*

Charles V. a permis au Palatin Frederic deuxiesme, de mettre dans son

bouellier vuide la pomme d'or, ou vn globe au dessus duquel y auroit vne croix. En Bauiere y a des Palatins de Witelsbach, en la Franconie, les Palatins de Schuunfurt, les Palatins de Lorraine & de Saxe, &c.

De l'Electeur de Saxe.

D' *Autant qu'il a valeureusement resisté à Crescence ennemy d'Otton troisieme, il a merité la seconde dignité, laquelle a aussi continué en cinq familles.*

La premiere, des Ducs de Lunenburg de laquelle sont issus trois Electeurs.

La 2. du Comte de Supplenburg, de l'Empereur Lothaire

La 3. des Ducs de Bauiere, des Guelphes, de laquelle sont sortis trois Electeurs.

La 4. des Princes d'Anhalt, lesquels ont iouy de ceste dignité 227. ans, & ont produict huiet Electeurs.

La 5. des Marquis de Misnie, laquelle depuis Frederic 1. iusques à Chrestien deuxiesme à present regnant, a produict neuf Electeurs.

Les Roys fouloient anciennement faire porter deuant eux par leurs Capitaines d'armes, vne eſpee, en ſigne de Juſtice, (comme les Romains des haches) A l'imitation dequoy, le Saxon, ez aſſembles Imperialles portoit au deuant de ſa Maieſté vne eſpee nuë, en ſymbole d'une rare & particuliere Maieſté. Iadis à l'onction de l'Empereur, l'Electeur de Saxe luy preſentât l'eſpee diſoit: *Receuez le Sceptre royal, afin que puiſſamment, & par correction ſeuere, vous aſſigiez les rebelles, & conſeruiex les bons en union & con corde.*

De l'Electeur de Brandeburg.

D'antiquité le commun peuple diſoit,
*Le Marquiſat ſouuent a changé de Seigneurs,
 De ſes armes donnant à diuers les honneurs.*

Par ce moyen, la dignité Electorale eſt paruenüe iuſques à ſix familles.

1. Otton troiſieſme a conſeré l'eſtat d'Electeur à Hugues iſſu de la famille des Comtes de Wetin, ſon Lieutenant en la Tuſcie & Toſcane, lequel mourut

en l'an 1001. Auquel a succédé Theodoric, son nepueu de par son frere, cestuy cy a iouy puissamment de toutes les prouinces de la Marche, la puissance duquel a esté sa ruine.

La 2. est issuë des Comtes de Staden.

La 3. des Comtes d'Ascanie, desquels sont fortis les Princes d'Anhalt.

La quatriesme procede des Bauarois de Wittelsbach.

La 5. des Ducs de Lucelburg.

La sixiesme des Comtes de Zollerem & burggraue de Noremberghe., qui au priuilege de l'Empereur Henry premier, par lequel il a cõfirmé les droits de l'Eglise Romaine, il a soubigné Frederic grand Chambellan en l'an 1014.

Le grand Chambellan de l'Empire, sculoit porter deuant sa Maiesté Imperiale, le Sceptre pour symbole de son administration, Et au couronnement de Guillanme Comte de Hollande, le Marquis de Brandeburg mit ez mains du Roy l'anneau, disant: *Prenez le signe de la Monarchie, afin que vous conseruiez l'Empire romain en sa vigueur, & que par une*
main-

Princes Electeurs, 143
inuincible versu vous le deffendiez de toutes
incursions des Barbares.

CHAP. XVII.

Pourquoy ont esté instituez les Electeurs
Seculiers.

ILs ont esté choisis & esleuz, à cause de leur puissance par laquelle ils surpassoiēt les autres, & que par ce moyen ils pouuoïēt estre la forteresse & deffence de l'Empire: d'auantage afin que nul estat eut occasion de se plaindre, Otton a voulu que les Ecclesiastiques fussent du nombre de ceste assemblée, pareillement y auroit vn Roy, vn Duc, vn Marquis & vn Comte, aux nerfs desquels depend la puissance Germanique.

Le Bohemois y a esté esleu, à cause du voisinage, & pour maintenir l'vniō & la paix. Car sa puissance estoit telle, que les Allemands par ceste alliance, ne redoutoient aucun estranger.

K

Le Palatin y a esté admis, afin que l'Empire fust assésuré du costé du Rhin, & pour repousser les François des confins d'Allemagne: Le tres Illustre Christofle Geuolde Conseiller du Duc de Bauiere a solidemēt demonstré, que la dignité Septemvirale n'a esté donnée aux Palatins avant qu'ils fussent alliez par mariage à la maison de Bauiere, & que d'ancienneté les Ducs de Bauiere estoient Electeurs.

La raison pourquoy Otton a ioinct le Saxon à ce College, estoit à cause de la consanguinité. La necessité aussi l'a contraint d'honorer le Saxon & Brandebourg de la preeminence Electorale.

A cause des excursions & rauages que faisoient les Esclauons & Huns: Henry l'Oyseleur, a ordonné la Marche de Brandebourg, & recommandee à Sigifroid Comte en Merseburg & Ringelheym en l'an 927. pareillement aussi la Marche de Misnie. Et afin qu'en ces quartiers là, l'Empire fust maintenu en toute seureté, il a voulu establir le Saxon & Brandebourg, comme deux

sentinelles veillâtes, pour donner plus grande terreur à ses ennemis.

Hartman Maurus Conseiller de l'Electeur de Coulogne, lequel estoit present au couronnement de Charles V. escrivit, que Maximilien premier, avoit traité avec les Electeurs à Coulogne, requerant qu'aux elections des Empe- reurs, ceux de la Serenissime maison d'Austrice, eussent eu leurs suffrages avec les autres. Mais les Electeurs, craignant d'exceder le droit de l'inueterree & tres-ancienne coustume, & instituts des ancestres, luy ont modestemēt refusé ce qu'il requeroit. Que si Maximilien a requis ce que dessus (dont ie suis en doute) certes il faut croire qu'il l'a fait avec meur & deliberé conseil: car il estoit asseuré qu'aux assemblees des Electeurs on avoit maintesfois cōspiré & mis en avant des conseilspernicieux contre ceux de la maison d'Austrice.

Au mesme lieu, Maximilien allegua l'exemption de ceux de la maison de Austrice, de laquelle Petrarche traite en l'epistre à l'Empereur Charles 4.

CHAP. XVIII.

Pourquoy le College des Electeurs a esté institué en Allemagne.

L'Empereur Otton troisieme, estant sans fils pour luy succeder, voyant que les Romains, & Italiens s'efforçoient par toutes voyes de transferer l'Empire hors d'Allemagne, pour s'en rendre possesseurs, ou bien s'ils ne pouuoient effectuer leur dessein, le mettre entre les mains de quelque nation estrangere: print conseil, tendant à ce que les Italiens estans reprimez & pacifiez, l'Empire demeurast, suivant la constitution de Charles Magne, aux Allemands: & qu'ils auroient droit & pouuoir perpetuel d'electire vn des Princes de leur nation pour Empereur. Mais auant toutes choses il s'achemina à Rome, ou il pacifia toutes les seditions. Le Pape Jean estant decedé, il colloqua Brunon Allemand

dict Gregoire j. au siege Pontifical.

Mais à grand' peine estoit il de retour en Allemagne, que Crescentius Consul Romain osta le Siege à Gregoire, & y mit vn autre en sa place, puis ayant muny la ville de viures & garnisons, la fit rebeller contre l'Empereur. Gregoire print la fuite & vint faire ses plaintes à l'Empereur, des opprobres & violences de Crescence. L'Empereur indigné d'vn tel affront, retourne vers Rome, & assiege la ville, de laquelle en peu de temps ils s'en rend maistre, prend Crescence prisonnier, & le fait punir selon ses offences & demerites, & restablit Gregoire au siege Apostolic. Ceste infidelité, & tumultes iournaliers, ces defections & rebellions des Romains, ont esmeu l'Empereur d'accomplir ce que auparauant il auoit sagement & meurement pourpensé. De maniere, qu'estât fortifié du conseil de sa Sainteté, il donna pouuoir aux sept Electeurs seuls, Allemands de nation, d'essire vn Empereur; les Italiens exclus, ayant eü de ce faire diuerses raisons. Premièrement,

affin que les empereurs ne fussent creéz de diuerses nations, tantost de l'vne & tantost de l'autre, & pour oster toute dissention, qui maintesfois s'estoit esmeuë entre les François & Allemands, dauantage, affin que les Italiens ne fussent desnuez de protection & deffence contre les incursions des Sarasins & des Grecqs, en outre de peur que les nations estrâgeres n'vsurpassent l'empire pour l'annexer a leur domaine, & que pour la quantité & varieté des suffrages en l'election de l'Empereur, les discordes susdictes pourroient troubler l'estat. & le repos d'Allemagne. Considerant que lors que les Allemands ont esté en des guerres ciuiles, les François ont vsurpé vne bonne partie du Pais bas & Bourgogne. Durant l'interregne auant celuy de Rodolphe, les villes d'Italie se sont sequestrees, & la nation Germanique est venue a mespris. Par autres debats des emulateurs de l'Empire, la Majesté Imperiale a esté esbranlee, & la puissance les nerfs s'en estat retranchez, dont est ensuiuy que les affaires de la republic.

que ont esté negligees. Aufquels maux il estoit necessaire que les Electeurs remediaissent, pui sont comme surueillās & surintendās de l'Empire, pour maintenir la puissance de l'Empereur, regler les conseils, repousser les efforts iniustes, estans conseruateurs de la chose publique, & de la liberte, pour affoiblir la puissance qui commençoit tourner en tyrannie : en somme ce sont ceux, qui doiuent prendre soing que la republique ne resente aucune incommodité. Aussi il est tout notoire qu'ils ont maintesfois depose de l'Empire, des hommes ignares, tyrans, sardanapales, & hommes faineants, comme Venceslas Bohemois, fils de Charles 4. Cet estat d'Electeurs a iusques à presēt deffendu l'Allemagne, & maintenu l'Empire en tranquillité plus de Six Cents ans.

CHAP. XIX.

*Comment on crée l'Empereur, & à quoy les
Reuerendissimes & Serenissimes Electeurs.
ont accoustumé d'auoir esgard.*

LA Bulle d'or de l'Empereur Charles 4. publiée l'an 1356. le donne assez à cognoistre, laquelle est cy deuât toute au long, parquoy n'est besoing de la repeter icy. En l'election de l'Empereur l'Archeuesque de Mayence (en la puissance & office duquel est d'ordonner l'assemblee de l'election & de conuocquer ses confreres) est President. Ils iurent qu'ils ne feront rien en ceste action, à cause de quelque paction, recompense, ou pour quelque don, present ou promesse. Celuy que les plus de voix ont denommé, demeure esleu comme s'il auoit esté denômé de tous generallyment, sans aucune contradiction.

Au surplus les Electeurs doiuent en l'election prendre garde, à leurs cōseils.

& meurement deliberer, afin qu'à l'Empire ils commettent vn Empereur, qui soit conseruateur de la paix publicque, & chef du conseil entre tous les Roys, qui soit protecteur de l'Italie, & sur toutes choses qu'il conserue la tranquillité de l'Eglise. Aussi est il tout notoire que les Empereurs d'Allemagne ont maintesfois repoussé les nations Barbares d'Italie, & par leur vertu & force empesché les esmotions pernicieuses.

Le Pape Gregoire V. ce approuuant Otton 3. a ordonné que l'autorité & droict d'eslire vn Empereur, ne seroit à autres qu'aux Princes d'Allemagne, & qu'ils ne pourroient eslire ny denōmer vn Roy des Romains, qui ne soit Allemand de nation, que les Papes ne pourroient sacrer autre que celuy, auquel les Electeurs auront commis la charge de l'Empire.

Les tres-Illustres Electeurs en l'election, ont tousiours ce but deuant leurs yeux, afin d'entretenir la susdite Ordōnance, c'est à dire, qu'ils essisent vn Allemand, qui soit, d'extraction, d'esprit,

de langage, & de mœurs Allemand, ayant quelque Seigneurie propriétaire & domicile en Allemagne. Car la loy, deffend expressement, & le serment par lequel les Electeurs sont obligez, de n'introduire à l'Empire aucun Prince estranger. La raison est, de peur que ceste dignité ne soit transferee aux nations estrangeres, & que la liberté Germanique ne soit reduite à seruitude, ce que facilement se pourroit faire, si quel que Roy estranger n'ayant point de domicile en Allemagne, estoit esleu, d'autant que par ce l'estranger vsurperoit l'Empire peu a peu, & s'esleueroient de grandes esmotions en Italie, & en l'estat de l'Eglise.

Pour ceste cause François premier, quoy qu'il recherchoit & pressoit fort les Electeurs, pour paruenir a la dignité n'y a oncques sceu paruenir, & en a esté repoussé.

Les tres Reuerendissimes & tres Illustres Electeurs, sont exactes obseruateurs des anciennes constitutions, & scauent trop bien que la Majesté Im-

periale ne depend point de succession, mais de l'election, pour ce respect, ils sont soigneux de conseruer libre leur droit d'electio, c'est la cause pourquoy ayant esleu Charles V. ils l'ont obligé par serment solemnel qu'il ne rēdroit la dignité Imperiale particuliere ny hereditaire à sa maison, mais qu'il laisseroit la faculté d'eslire entiere & libre aux Sept electeurs, suiuant l'edict de la Bulle d'or de Charles 4. & la constitution du droit Pontifical. De là nos Historiens & Iuriconsultes de parry contraire se raillent, en mordant sur Albert premier d'Austrice, alleguāt qu'il auoit instamment requis le Pape Boniface 8. afin de luy confirmer l'empire, & à ses heritiers, à perpetuité, duquel il reçeut vne sourde responce. Ce que n'est vray semblable & sans aucune apparence, auoir esté par luy requis ou demandé, ny par aucun de sa maison.

En l'an 1550. l'Empereur Charles 5. a requis des Electeurs d'accorder à son fils Philippe la succession en l'Empire, leur ayant representé que son fils Phi-

lippe à cause de sa grãde puissance, cau-
feroit vn grand bien en l'Empire, & se-
roit le support de l'Allemagne. Les Re-
uerendissimes Electeurs de Mayence &
de Treues, luy auoient donné quelque
esperance d'y paruenir, par leurs suffra-
ges, à cause que les Catholiques auoient
besoing d'un si puissant protecteur, à
l'encontre des hereticques qui lors pu-
lulloient & faisoient des esmotiõs, aussi
pour conseruer l'estat de l'Eglise, lors à
demy esbranlé. Nonobstant cela, luy
proposerent vn empeschement, disans
que la chose estoit faisable, si Ferdinãd
desia legitimement esleu, vouloit ce-
der son droit de sa franche volonté, &
sans autrement à ce faire le persuader,
que lors il y auroit espoir d'y paruenir.
L'Empereur incite sa sœur Marie Au-
guste, qu'il auoit fait retourner du país
bas, pour traicter avec Ferdinand de la
resignation, à quoy il insistoit fort. Ma-
ximilien aussi, & le fils de Ferdinãd ap-
pellé d'Espagne, fut entremis à ceste de
liberation. Mais encores que Charles 5.
remuoit & employoit tout ce que pos-

sible en luy estoit pour paruenir à son dessein: Ferdinand n'a voulu renoncer à son droit. Mais au contraire luy & son fils ont par toutes voyes sollicité les autres Electeurs de ne permettre par leurs suffrages, que la dignité de Ferdinand, & le droit de la succession en l'Empire, a luy acquise par la legitime election des sept Electeurs fut transferee en Espagne. A quoy ils ont respondu, ne pouuoir incliner pour l'Espagne d'autant que cela contrarieroit aux constitutions susdictes: d'autant qu'il n'estoit Allemand de nation, & que cela ressentiroit vn droit hereditaire, d'autant que les Espagnols tenoient des conseils particuliers pour occuper l'Empire, lequel par apres ne se pourroit arracher de leurs mains, & que l'Allemagne lors deploreroit sa seruitude, mais trop tard, veu qu'elle ne pourroit resister à telle puissance.

CHAP. XX.

Des Loix par lesquelles les Electeurs peuvent obliger l'Empereur, lesquelles il est tenu de confirmer & ratifier.

PLUSIEURS escriuent diuerfement. D'autant que semblables conditiōs de Charl. 5. alleguees par les Electeurs, & confirmees par son serment, sont imprimees, & sont en nombre de 32. lesquelles appartiennent a la desſence de l'honneur Imperial, la liberte, la puissance, l'administration de Iustice, la cōseruation de la religion, & de la paix.

CHAP. XXI.

Quelle puissance le Pape s'attribuē, en l'election des Empereurs.

LEs Saincts Peres, ont maintesfois escrit aux Electeurs, qu'ils eussent a eslire vn Empereur, tel qu'ils le pussent confirmer & esleuer au sommet de la dignité Imperialle, par son couron-

nement.

L'Empereur Ferdinand, auoit enuoyé a Rome son Ambassadeur Gutzman, pour certifier sa Sainteté qu'il auoit entrepris l'administration de l'Empire, ensemble luy signifier qu'a la premiere occasion & volonté de sa Sainteté, il requeroit d'icelle le diademe Imperial. Auquel Paul 4. donna response incontinent, disant, n'auoir esté licite a Charles de transferer l'Empire a quelqu'un, sans permission du siege Pontifical, ny aussi a Ferdinand auoir esté licite de l'accepter sans son consentement, d'ont à l'instant il donna charge aux Cardinaux & Iuriconsultes d'y respondre sur plusieurs questions, desquelles la premiere est. Si l'Ambassadeur de Ferdinand n'est tenu de donner a entendre les causes de la translation de l'Empire, a Ferdinand par Charles? La seconde, a scauoir, si la translatiō de l'Empire est legitime sans le consentement & agreation du Pape, & du saint Siege Apostolicque: & plusieurs autres, que par conseil ie ne mets en lumiere.

CHAP. XXII.

Des Privileges des Electeurs.

L'Empereur estant esleu, avant toutes choses doit confirmer tous les privileges des Electeurs, & ce que touche & appartient a la dignité, ornement liberte, & immunité d'iceux.

Il est licite aux Electeurs de s'assembler, toutes les fois qu'ils le trouueront estre conuenable pour le bien de la republicque, a quoy l'Empereur ne peut donner aucun empeschement, ny trouble, ny aussi prendre en mauuaise part le subiect de leur assemblee.

Il ne peut faire aucune alliance, ny traitté avec les estrangers de ce qui touche & concerne l'Empire, sans le consentement des sept Electeurs.

Que si l'Empereur ou quelqu'un de sa famille possede quelque chose dependante de l'Empire illegitimement, estât sur ce requis & sommé des Electeurs, il est tenu de la restituer.

Il ne

Il ne peut par faueur ou lettres de re-commandation deteriorer les subſides ou reuenuz des Electeurs, ſituez proche du Rhin, impoſts & peages ſur le Rhin, eſtoient jadis les plus grands reuenuz que l'Empereur receuoit de l'Allemagne, leſquels depuis ſont deuoluz aux Electeurs par la permiſſion & conſentement de Charles 4.

L'Empereur ne peut reſigner à aucun les Fiefs royaux, Principautez, Duchez Marquiſats, ſi ce n'eſt du conſentement des Electeurs, encores moins transferer iceux aux femmes, ſi d'antiquité ils appartenoiſſent ſeulement aux maſles.

Les Electeurs ont pouuoir de degrader & depoſſeder vn Empereur de mauuiſe vie, & pour cauſes legitiſmes, cōme ils firent Venceſlas & autres auſſi abſoudre tous les Princes du ſerment de fidelité par lequel ils luy eſtoient obligez.

Il eſt deſſendu de ſe porter appellant des Sentences des Electeurs, auquel priuilege neantmoins les Electeurs ont renoncé, excepté celui de Saxe & de Brandebourg.

Le Siege vacant & durant l'interregne le Palatin en vertu de ses priuileges a pouuoir d'administrer la Iustice ez Prouinces du Rhin, Suaue & la France Orientale, de pourueoir aux benefices Ecclesiastiques, inuestir des fiefs, receuoir les sermens de fidelité au nom de l'Empire, lesquels toutesfois doiuent estre renouvellez sous le Roy esleu.

Mais des Fiefs royaux & plus eminēs vulgairement dictz en Allemand *Fanlehen*, il n'en peut disposer, desquels la collation & inuestiture, n'appartient qu'au Roy des Romains: aussi le Palatin durant l'interregne ne peut aliener ny hypothecquer les biens de l'Empire.

L'Electeur de Saxe a le mesme droit ez prouinces ou les coustumes de Saxe sont obseruees. L'Empereur estât esleu iurera, d'auoir pour agreable & maintenir ce que le Palatin & Saxon auront fait pendant l'interregne, aussi d'entretenir les sùddits priuileges des Electeurs.

L'Archeuesque de Mayence tient le premier rang entre les Electeurs, & anciennement il souloit estre appelle le

Doyen d'iceux. Duquel tiltre Henry Archeuesque de Mayence signoit les patentes, comme paroist par celle de l'an 1338.

Tellement, que le siege vacquant, il conuocque & faict assembler les Princes: En l'an 1440. Rupert Palatin, s'est vanté qu'en suite de son pouuoir il auoit faict conuocquer les Princes pour eslire vn Roy des Romains: lequel suivant la Bullé d'or de Charles 4. le droict en est deferé à l'Archeuesque de Mayence, laquelle constitution est fondée sur vne coustume tres-ancienne. Aussi aucuns sont d'opinion que du temps de Rupert Palatin la Bulle de Charles n'auoir encores esté en vsage, ou bien que le Palatin a faict ce deuoir par force.

En l'election, l'Archeuesque de Mayence tient le premier rang sur tous autres. Gunther contemporain de Frederic premier escriit ainsi: *L'election de l'Empereur appartient aux principaux Princes, à laquelle l'Archeuesque de Mayence preside de toute antiquité, & a la principale voix.*

Quelques vns interpretent diuersemēt

ce mot de premiere voix. Mais l'ordonnance de Charles 4. le resoult autrement d'autant qu'en l'election, l'Archeuesque de Mayence requiert, & demande les suffrages de ses confreres: puis les autres Electeurs prennent le sien pour deliberer. En l'election de Charles V. l'Archeuesque de Mayence a eu la premiere voix, puis a requis les autres de faire le mesme. Aucunesfois le Roy des Romains a esté couronné par l'Archeuesque de Mayence, ce consentant l'Archeuesque de Coulogne, comme appert par le resmoignage de Ditmarus.

Hartman Maurus au liuret du couronnement de Charles V. allegue exactement diuerses circôstances qui ont esté vûtes éz mots, *Deuant, Au, & Apres* le couronnement.

CHAP. XXIII.

De certaines Provinces qui d'antiquité & de droit appartennoient à l'Empire, lesquelles à present sont encores sous sa puissance.

Le Premier Point.

DE LA PRUSSIE.

L y a plus de 450. ans, lors que la guerre publique fut entreprise contre les Barbares, qui affligoient à toute force ceux de nostre religion en Asie & Afrique, fut institué l'ordre Teutonique, lequel a esté doué des Empereurs de grandes récompences confirmées par nostre S. Pere. Les gens de guerre de cet ordre, firent lors de signalez exploits de milice. pour la conseruation de la republique Chrestienne, mais estant affligés de diuerses calamitez ont esté espars & repoussez en diuers endroicts. Au mesme temps Conrad Duc de Mazouie, grieffement tourmenté des Prussiens, qui pour lors estoient ennemis de la religion

Chrestienne, se voyant à l'extremité de ne se pouuoir plus deffendre cōtre eux, eut recours, & implora le secours du Pape de Rome, afin que suiuant la coutume louable, il fist appeller les hommes d'armes, leur proposant vn prix celeste & immortel: de là il y fit ioin- dre l'ordre de la milice Teutonique, & ceux du territoire de Culme, situé aux confins de Prusse, & pour les animer de tant plus, il donna toute la Prusse au pillage. Laquelle donation fut ratifiée par l'Empereur Frederic 2. avec permission à Herman Salce, qui lors estoit maistre de l'ordre, de faire la guerre aux Prussiens, à telle condition, que s'ils estoient vaincus, il iouïroit à perperuité dudit pais. Cela fut fait en l'an de nostre salut 1226. Ce qui est notoire par vne patente dudit Empereur Frederic 2.

L'ordre Teutonique continua ceste guerre l'espace de 33 ans, avec assistance du saint Pere, de l'Empereur, & des Princes d'Allemagne, en sorte qu'ils mirent la Prusse sous l'obeissance de l'Empire, reduisant icelle Prouince à la

religion Chrestienne, & y establirent
des Euesques & Colleges, la munissant
aussi de citadelles & autres fortifications
affin qu'elle fust le boulevard & repaire
de l'Empire, & le refuge de la noblesse
d'Allemagne, en sorte qu'une partie de
cette province demeura sous la puis-
sance Imperiale iusques à l'an 1450. &
l'autre partie iusques au regne d'Albert
de Brandebourg. Du depuis encores
ceux de Lituanie joints avec les Tartar-
es, menant la guerre aux Polonois &
Mazouiens, les soldats de l'ordre Teu-
tonique (ayans memoire de leur pro-
fession & institut, reprenant les armes)
chasserent de toutes parts ceux de Li-
tuanie, & entrerent dans leurs terres, les
ayant vaincuz & subiuguez: en suite
dequoy, rendirent aux Polonois une
grande partie de la Sarmatie & Litua-
nie. La Prussie demeurant sous l'obe-
issance de l'Empire iusques à Frederic
Saxon, & Albert de Brandebourg mai-
tres de l'ordre. Mais les Prussiens ne
voulurent faire serment aux Roys de
Pologne, d'autant que le Pape ny l'Em-

pereur, ne vouloient approuuer la transaction faicte par le Roy Casimire, aussi qu'en l'an 1500. l'Empereur Maximilien aux Estats tenus à Ausbourg par vn Edict fit commandement de ne prester aucun serment qu'à l'Empire. Dont du depuis pour oster toute controuerse, Maximiliē ayāt fait assembler les Estats à Passau en l'an 1510. y enuoya les Ambassadeurs, mais l'asēblee s'en alla en fumee, & n'y eut rien d'effectué: d'ou s'est ensuiuie ceste derniere guerre. Est à noter qu'Albert de Brandeburg dernier maistre de cet ordre a esté mandé aux assemblees de l'an 1552. & 1553. auxquelles il a eu son rang comme estat Prince de l'Empire, & a signé les Edicts & decrets y arrestez: donc il est notoire qu'il n'a esté licite à Albert de se rendre sous la protection & sauue-garde d'autrui.

Danzuic & Elbingue sont villes du domaine de la Prussie, & sont du ressort de l'Empire Romain, comme il appert par les vieux registres.

DEVXIESME POINCT.

De la Liuonie.

LA Liuonie a recogneu pour leur Prince le maistre de l'Ordre des Teutons, lequel jadis estoit subiect au maistre de la Prussie, mais il s'en est deliuré pour certaine somme d'argent, à luy payee, puis estât fait Prince d'Empire, il a presidé en la Liuonie, lors que elle estoit florissante, iusques l'an 1535. Comment les deux prouinces Borussie & Liuonie, ont esté alienees de l'Empire, les histoires en rendent assez ample tesmoignage.

TROISIESME POINCT.

Du Domaine de Bourgogne.

EN l'an 1029. le Roy Rodolphe déclara pour son successeur & heritier Henry son nepueu de par Gisele, ayant eu quelque somme d'argent, & ce pour en exclurre Orton son successeur, dont Sigebert en sa Cronique dict: *Les Bourguignons ne desistans de leur insolence ordinaire*

contre leur Roy, Rodolphe a transferé le royaume de Bourgogne ex mains de l'Empereur Conrad, lequel depuis le regne de l'Empereur Arnulphe, auit esté gouverné par des Roys de sa nation, l'espace plus de Cent trente ans : par ce moyen la Bourgogne a esté derechef reduicte en Province.

Depuis ce temps l'Empereur Henry a supputé les ans de la disposition du royaume de Bourgogne (quoy que Rodolphe ayt encores vescu quelques années depuis) comme il paroist par titres autétiques passez par luy en Bourgogne: En l'Eglise de Besançon il y a un certain registre contenant ces mots:

Donné le 18. des Kalendes d'Octobre, l'an de l'Incarnation de nostre Seigneur 1043. Indiction 10. en l'an de la disposition de nostre Roy Henry 3. le 14. & de son Empire le 3. Il est tout certain que Henry 3. est venu à l'Empire apres la mort de Conrad son pere. L'an de nostre Seigneur 1040. selon lequel est le 3. an, auquel comme Rodolphe eut resigné le royaume de Bourgogne en l'an 1029. sera le nôbre de la disposition, deduisant à la ligne

le nombre 14.

En vn autre tiltre soubigné, *Donné le cinquiesme des Ides de Iuliet l'an de l'Incarnation du Fils de Dieu 1049. & de nostre inuincible Henry le troiesme.* Et vn peu au dessus: *Lesceau de nostre Seigneur Roy Henry troiesme des Teutons, inuincible: deuxiesme Empereur des Romains tousiours Auguste, & Bourgogne le premier.* Lors que Rodolphe apperceut que sa mort approchoit, il donna ordre que quant & quant on trās portast les ornemens royaux, comme le Sceptre, & la couronne à Henry.

Ottou Frisingensis escrit ainsi: *Durant cet orage Rodolphe Roy de Bourgogne, ou de la France Lyonoise, mourant, a laissé par testament à Henry fils du Roy son nepueu, le royaume avec le Diademe, & toutes ses armes de Noblesse.* Icy ont prins fin les Roys du royaume de Bourgogne. Ledit royaume, comme il s'estendoit sous les premiers Roys, estoit diuisé en trois Principauez. Et comprenoit tout ce qui estoit depuis la montagne Iura iusques aux Alpes, ou estoit jadis vne partie des Heluetiens, qui sont maintenant dictz Suisses & Rau-

raciens: vne partie des Allobroges, qui sont pour le present de la Duché de Sa-
uoye, la region de Vchtlande, Brisgou,
Suntgouie, Cremerlandt, & la Preuosté
de Zurich, ou bien les villages des Suif-
ses modernes, qui abordent à present
au royaume de Iura, lequel a esté insti-
tué de Rodolphe. Dauātage il compre-
noit la haute Bourgogne, laquelle est
enclose par les montagnes de Iura, &
Vogese, qui separe les Bourguignons
des Lorrains, ou sont situees les villes
de Besançon, Toul & Dole sous la iu-
rildiction de la Comté de Bourgogne,
dans laquelle Richard Duc de Bourgo-
gne & ses fils ont administ. é la iudica-
ture, cōme diuers tesmoignages m'in-
duisent de le croire La troisieme Prin-
cipauté contenoit la Bourgogne infe-
rieure, & auoit la prouince d'Arles, cel-
le de Marseille depuis les Alpes iusques
au Rosne, à laquelle Bozo & ses fils, par
apres Hugues, & Charles Constantin fils
de Louys l'Orbe ont presidé, (& prin-
cipalement à Vienne.) Car vray sem-
blablement il faut noter, que le com-

mencement du royaume Iura a esté en l'an 888. contre l'opinion de Reginon, & de celuy qui a continué la cronique d'Idarie, dont plusieurs vieux tesmoignages font foy: & aussi les parentes qui sont en l'Archiue de Berne, dont l'une est escrite l'an de nostre salut 895. Indiction 13. & du regne du Roy Rodolphe le 8. En l'ã 1157. L'Empereur Ferdinand pour moderer entierement les dissentions non encor terminees, qu'il auoit avec Bertaut fils de Conrad Duc de Zéringhe, il eriga en vne Principauté trois villes Episcopales, à scauoir Losanne, Genève & Zittren au país des Suisses, avec les limites, bornes & iurisdicions y annexees, lesquelles sont situées entre les montagnes de Iura & de Iupiter, retranchées de la Comté de Bourgogne. (à laquelle auparauant elles estoient annexees) & la donna avec la basse Bourgogne en possession hereditaire & à iamais à Bertaut & ses successeurs, de laquelle depuis il a voulu estre appellé Duc; & Gouverneur de Bourgogne. Mais le surplus que possé-

doit Reinald pere de Beatrice, tant en la haute que basse Bourgogne, avec les tiltres du royaume d'Arles, excepté aucunes seigneuries & quelques fiefs, qu'il laissa à Guillaume oncle de sa femme, (comme dist l'Abbé du Mont en l'appendice de Sigebert) Bugnonius assure que c'estoit la Comté de Maseon, à laquelle estoit jointe celle de Chalons sur Saone, & Salins, d'où l'on presume, que le Comte de Saone Guillaume de Tyrie est issu, estant notoire par les anciens registres, & patentes, luy encores viuant & son fils Othon, que les Comtes de Chalons estoient en estre, lesquels par vn droit beneficiaire, non de l'Empire d'Allemagne, mais de la Duché de Bourgogne possedoient plusieurs villes & chasteaux circonuicins, lesquels a present font la plus grande partie de la Comté de Bourgogne. Au reste, Frederic ayant espousé Beatrice de Bourgogne, apres son expedition & voyage d'Italie, en estant de retour, s'achemina à Belançon, où il reçut l'hommage des Princes & Nobles de Bourgo-

gne, comme aussi des Prelats d'Arles, Lyon, Vienne, Valence & Auignon de mesme aussi de Syluie Prince de Clarie desquels il print le serment solemnel de fidelité & obeissance. *Ainsi qu'escriit Radeuicus en l'appendice d'Othon.*

Maximilien premier, declare en vne patente de l'an 1509. qu'il a subiugué la plus grande partie de la bourgogne par armes, & ce que le Roy de France possedoit pour lors dans ladiete Duché ne pouuoit excéder en reuenue annuel la somme de quinze mille escus. En l'an 1548. l'Empereur Charles V. passa vne transactiō avec les Princes de l'Empire d'Allemagne, par laquelle il a voulu que les Prouinces suiuautes de la haute & basse bourgogne, ne fussent moins exēptes des charges, que des honneurs de l'Empire: Les noms d'icelles sont, *La Duché de Lorraine, Brabant, Limbourg, Lussembourg & Gueldres, La Comté de Flandres, Arthois, Bourgogne, Haynaut, Hollēde Zelande, Namur, Zutphen, Le Marquisat du S. Empire, La Seigneurie de Frise, Utrecht, Ouer-Iffel, Groeninghen, Falckenbourg, &*

Dalheym, Salins, Malines & Maestricht.

Toutes lesquelles prouinces, en vigueur de la transaction auant dicte, que à raison de la iurisdiction, sont mēbres de l'Empire Romain, ce que resmoigne Geil au liure 1. de la paix, obseruatiō 2. nombre 6. Le Duc de Bourgogne est tenu de contribuer aux charges ordinaires de l'Empire, autant que deux Electeurs proche du Rhin, & pour l'expedition de la guerre contre le Turcq, est tenu de contribuer autant que trois Electeurs, nonobstant les contributiōs susdictes, n'est rien diminué à la chambre des Iurisdctions. Auioird'huy les Belgeois, ou ceux du Pais bas, aussi les Suisses, sont contents en ce cas d'estre subiects de l'Empire, à sçauoir qu'ils seront tenus à la constitution de la paix enfraincte, & que violant la paix de l'Empire, ils pourront estre accusez en la Chambre.

QUATRIESME POINCT.

De la Lorraine.

L'An 925. le Comte Heribert, fut enuoyé à Gislebert Duc de Lorraine

raine, à Otton, & autres grands Princes de Lorraine, lequel les remit en grace avec le Roy Rodolphe. Ce qui a ſemblé deſplaire grandement à l'Empereur Henry, d'autāt qu'il enuoya vne armee en Lorraine, ou il aſſiegea la ville de Tulpiac, qui eſtoit ſoubs la proteſtion de Giſelbert, laquelle il prit par force. Peu apres, ce Giſelbert par ſubtilité & fineſſe fut prins d'un certain Lorrain nommé Chreſtien, & mis ez mains de l'Empereur, lequel ne le receut ſeulement en grace, mais luy donna l'adminiſtration de la haute Lorraine, en mariage avec ſa fille Gerberge. Par ce moiē toute la Lorraine fut reduiſte & remiſe aux Allemands, les François eſtant empeschez à la guerre contre les Normās. Reginon en ſon appendice, & Sigebert declarent fauſſement, que ce fut par la permiſſion de Charles le Simple Roy de France, d'autant que ce conſentemēt auoit eſté faiſt vn an auant ce que nous auons eſcrit cy deſſus.

L'an 943. Otton Duc de Lorraine eſtāt mort, l'empereur donna legouuernemēt

pereur, ne vouloient approuuer la trās-
action faicte par le Roy Casimire, aussi
qu'en l'an 1500. l'Empercur Maximi-
lien aux Estats tenus à Ausbourg par vn
Edict fit commandement de ne prester
aucun serment qu'à l'Empire. Dont du
depuis pour oster toute controuerse,
Maximiliē ayāt fait assembler les Estats
à Passau en l'an 1510. y enuoya ses Am-
bassadeurs, mais l'asēblee s'en alla en
fumee, & n'y eut rien d'effectué: d'ou
s'est ensuiuie ceste derniere guerre. Est
à noter qu'Albert de Brandeburg der-
nier maistre de cet ordre a esté mandé
aux assemblees de l'an 1552. & 1553.
ausquelles il a eu son rang comme estat
Prince de l'Empire, & a signé les Edicts
& decrets y arrestez: donc il est notoi-
re qu'il n'a esté licite à Albert de se ren-
dre sous la protection & sauue-garde
d'autrui.

Danzuic & Elbingue sont villes du
domaine de la Prussie, & sont du ressort
de l'Empire Romain, comme il appert
par les vieux registres.

DEVXIESME POINCT.

De la Liuonie.

LA Liuonie a recogneu pour leur Prince le maistre de l'Ordre des Teutons, lequel jadis estoit subiect au maistre de la Prussie, mais il s'en est deliuré pour certaine somme d'argent, à luy payee, puis estât faict Prince d'Empire, il a presidé en la Liuonie, lors que elle estoit florissante, iusques l'an 1535. Comment les deux prouinces Borussie & Liuonie, ont esté alienees de l'Empire, les histoires en rendent assez ample tesmoignage.

TROISIESME POINCT.

Du Domaine de Bourgogne.

EN l'an 1029. le Roy Rodolphe déclara pour son successeur & heritier Henry son nepueu de par Gisele, ayant eu quelque somme d'argent, & ce pour en exclurre Orton son successeur, dont Sigebert en sa Cronique diét: *Les Bourguignons ne desistans de leur insolence ordinaire*

contre leur Roy, Rodolphe a transféré le royaume de Bourgogne ex mains de l'Empereur Conrad, lequel depuis le regne de l'Empereur Arnulphe, auit esté gouverné par des Roys de sa nation, l'espace plus de Cent trente ans : par ce moyen la Bourgogne a esté derechef reduicte en Province.

Depuis ce temps l'Empereur Henry a supputé les ans de la disposition du royaume de Bourgogne (quoy que Rodolphe ayt encores vescu quelques années depuis) comme il paroist par titres autétiques passez par luy en Bourgogne: En l'Eglise de Besançon il y a vn certain registre contenant ces mots:

Donné le 18. des Kalendes d'Octobre, l'an de l'Incarnation de nostre Seigneur 1043. Indiction 10. en l'an de la disposition de nostre Roy Henry 3. le 14. & de son Empire le 3. Il est tout certain que Henry 3. est venu à l'Empire apres la mort de Conrad son pere. L'an de nostre Seigneur 1040. selon lequel est le 3. an, auquel comme Rodolphe eut resigné le royaume de Bourgogne en l'an 1029. sera le nôbre de la disposition, deduisant à la ligne

le nombre 14.

En vn autre tiltre soubigné, *Donné le cinquiesme des Ides de Iuliet l'an de l'Incarnation du Fils de Dieu 1049. & de nostre inuincible Henry le troiesme.* Et vn peu au dessus: *Le sceau de nostre Seigneur Roy Henry troiesme des Tentons, inuincible; deuiesme Empereur des Romains tousiours Auguste, & Bourgogne le premier.* Lors que Rodolphe apperceut que sa mort approchoit, il dóna ordre que quant & quant on trās portast les ornemens royaux, comme le Sceptre, & la couronne à Henry.

Ottou Frisingensis escrit ainsi: *Durant cet orage Rodolphe Roy de Bourgogne, ou de la France Lyonnoise, mourant, a laissé par testament à Henry fils du Roy son nepueu, le royaume avec le Diademe, & toutes ses armes de Noblesse* Icy ont prins fin les Roys du royaume de Bourgogne. Ledit royaume, comme il s'estendoit sous les premiers Roys, estoit diuisé en trois Principaurez. Et comprenoit tout ce qui estoit depuis la montagne Iura iusques aux Alpes, ou estoit jadis vne partie des Heluetiens, qui sont maintenant dicts Suisses & Rau-

raciens: vne partie des Allobroges, qui sont pour le present de la Duché de Sa-
uoye, la region de Vchtlande, Brisgou,
Suntgouie, Cremerlandt, & la Preuosté
de Zurich, ou bien les villages des Suif-
ses modernes, qui abordent à present
au royaume de Iura, lequel a esté insti-
tué de Rodolphe. Dauâtage il compre-
noit la haute Bourgogne, laquelle est
enclose par les montagnes de Iura, &
Vogese, qui separe les Bourguignons
des Lorrains, ou sont situees les villes
de Besançon, Toul & Dole sous la iu-
rildiction de la Comté de Bourgogne,
dans laquelle Richard Duc de Bourgo-
gne & ses fils ont administré la iudica-
ture, cōme diuers tesmoignages m'in-
duisent de le croire La troisieme Prin-
cipauté contenoit la Bourgogne infe-
rieure, & auoit la prouince d'Arles. cel-
le de Marseille depuis les Alpes iusques
au Rosne, à laquelle Bozo & ses fils, par
apres Hugues, & Charles Constantin fils
de Louys l'Orbe ont presidé, (& prin-
cipalement à Vienne.) Car vray sem-
blablement il faut noter, que le com-

mencement du royaume Iura a esté en l'an 888. contre l'opinion de Reginon, & de celuy qui a continué la cronique d'Idarie, dont plusieurs vieux tesmoignes font foy: & aussi les parentes qui sont en l'Archiue de Berne, dont l'une est escrite l'an de nostre salut 895. Indiction 13. & du regne du Roy Rodolphe le 8. En l'ã 1157. L'Empereur Ferdinand pour moderer entierement les dissensions non encor terminees, qu'il auoit avec Bertaut fils de Conrad Duc de Zéringhe, il eriga en vne Principauté trois villes Episcopales, à scauoir Losanne, Genève & Zittren au pais des Suisses, avec les limites, bornes & iurisdicions y annexees, lesquelles sont situées entre les montagnes de Iura & de Iupiter, retranchees de la Comté de Bourgogne. (à laquelle auparauant elles estoient annexees) & la donna avec la basse Bourgogne en possession hereditaire & à iamais à Bertaut & ses successeurs, de laquelle depuis il a voulu estre appellé Duc; & Gouverneur de Bourgogne. Mais le surplus que posse-

doit Reinald pere de Beatrice, tant en la haute que basse Bourgogne, avec les tiltres du royaume d'Arles, excepté aucunes seigneuries & quelques fiefs, qu'il laissa à Guillaume oncle de sa femme, (comme dict l'Abbé du Mont en l'appendice de Sigebert) Bugnonius assure que c'estoit la Comté de Maseon, à laquelle estoit jointe celle de Chalons sur Saone, & Salins, d'où lon presume, que le Comte de Saone Guillaume de Tyrie est issu, estant notoire par les anciens registres, & patentes, luy encores vivant & son fils Othon, que les Comtes de Chalons estoient en estre, lesquels par vn droit beneficiaire, non de l'Empire d'Allemagne, mais de la Duché de Bourgogne possedoient plusieurs villes & chasteaux circonuoisins, lesquels a present font la plus grande partie de la Comté de Bourgogne. Au reste, Frederic ayant espousé Beatrice de Bourgogne, apres son expedition & voyage d'Italie, en estant de retour, s'achemina à Belançon, où il reçut l'hommage des Princes & Nobles de Bourgo-

gne, comme aussi des Prelats d'Arles, Lyon, Vienne, Valence & Auignon de mesme aussi de Syluie Prince de Clarie desquels il print le serment solemnel de fidelité & obeissance. *Ainsi qu'escrie Radeuicus en l'appendice d'Othen.*

Maximilien premier, declare en vne patente de l'an 1509. qu'il a subiugué la plus grande partie de la Bourgogne par armes, & ce que le Roy de France possedoit pour lors dans ladicte Duché ne pouoit excéder en reuenu annuel la somme de quinze mille escus. En l'an 1548. l'Empereur Charles V. passa vne transactiō avec les Princes de l'Empire d'Allemagne, par laquelle il a voulu que les Prouinces suiuañtes de la haute & basse Bourgogne, ne fussent moins exēptes des charges, que des honneurs de l'Empire: Les noms d'icelles sont, *La Duché de Lorraine, Brabant, Limbourg, Lussembourg & Gueldres, La Comté de Flandres, Arthois, Bourgogne, Haynaut, Hollēde Zelande, Namur, Zutphen, Le Marquisat du S. Empire, La Seigneurie de Frize, Vtrecht, Ouer-Yssel, Groeninghen, Falckenbourg, &*

Dalheym, Salins, Malines & Maëstricht.

Toutes lesquelles provinces, en vigueur de la transaction auant dicté, que à raison de la iurisdiction, sont mēbres de l'Empire Romain, ce que resmoigne Geil au liure 1. de la paix, obseruatiō 2. nombre 6. Le Duc de Bourgogne est tenu de contribuer aux charges ordinaires de l'Empire, autant que deux Electeurs proche du Rhin, & pour l'expedition de la guerre contre le Turcq, est tenu de contribuer autant que trois Electeurs, nonobstant les contributiōs susdictes, n'est rien diminué à la chambre des Iurisdiction. Auioird'huy les Belgeois, ou ceux du Pais bas, aussi les Suisses, sont contents en ce cas d'estre subiects de l'Empire, à sçauoir qu'ils seront tenus à la constitution de la paix enfreincte, & que violant la paix de l'Empire, ils pourront estre accusez en la Chambre.

QUATRIESME POINCT.

De la Lorraine.

L'An 925. le Comte Heribert, fut enuoyé à Gislebert Duc de Lorraine

raine, à Otton, & autres grands Princes de Lorraine, lequel les remit en grace avec le Roy Rodolphe. Ce qui a semblé desplaire grandement à l'Empereur Henry, d'autât qu'il enuoya vne armee en Lorraine, ou il assiegea la ville de Tulpiac, qui estoit sous la protection de Giselbert, laquelle il prit par force. Peu apres, ce Giselbert par subtilité & finesse fut prins d'un certain Lorrain nommé Chrestien, & mis ez mains de l'Empereur, lequel ne le receut seulement en grace, mais luy donna l'administration de la haute Lorraine, en mariage avec sa fille Gerberge. Par ce moïe toute la Lorraine fut reduïte & remise aux Allemands, les François estant empeschez à la guerre contre les Normãs. Reginon en son appendice, & Sigebert declarent faussemẽt, que ce fut par la permission de Charles le Simple Roy de France, d'autant que ce consentemẽt auoit esté fait vn an auant ce que nous auons escrit cy dessus.

L'an 943. Otton Duc de Lorraine estât mort, l'empereur donna legouuernemẽt

la Lorraine à Heriman ou Herman, lequel aussi il enuoya avec bon nombre de gendarmerie au secours du grand Hugon: quoy que Sigebert soit d'opinion que la Duché de Lorraine fut cōmise l'annee suiuiante à Conrad, dist le Sage.

L'an 977. L'Empereur Orthon donna la Duché de Lorraine à Charles, frere de Lothaire Roy de France, afin qu'estant beneficié de cet estat par l'Empereur, il portast moins de respect au roy son frere, & aux François.

Auiourd'huy le Duc de Lorraine, est obligé à la troisieme partie de la collecte ordonnee à vn Electeur: & par la cōstitution de la paix publicque, il a droict en la chambre de Iudicature, tesmoing Mysingere Centurie 1. Observation 58. nombre 1. en vigueur de la trāsaction faite avec les Estats de l'Empire l'An 1543.

CINQVIESME POINCT.

De Denemarck & Pologne.

PAVL Windeck en ses annales de Suae, tesmoigne que ce tant ce-

lebre escriuain Bozius en son liure des Signes de l'Eglise, escrit veritablement vray, que le Denemarck par droict de fief auoit esté subiecte à l'Empire, doiz le regne de l'Empereur Frederic 1. de Sueue, & que la Pologne luy estoit aussi tributaire, par ces mots. En l'an 1152. Au commencement du regne de l'Empereur Frederic premier Sueuois, s'estant esmeu grand debat entre deux allies, pour sçauoir lequel iouiroit du royaume de Denemarc, estans par son commandement appelez aux Estats de Mersebourg en Saxe, ou fut ordonné que Canut renonceroit au tiltre de Roy, & qu'il se contenteroit d'une Prouince, adingant le royaume à Suenon en luy donnant la couronne: à telle condition son sesfois, qu'il le tiendrait en Fief de l'Empire.

Aucuns escriuent que les Danois auroiét esté subiuguez en guerre par Frederic l'an 1154. estant entré en Pologne avec vne puissante armee, & cōtraint le general du royaume de se rendre, ensemble luy restituer le reuenu annuel de cinquante marcqs, & les arrierages de quelques anneés. Puis s'estant mis à genoux deuant sa Majesté Imperiale,

luy a par serment solemnel confirmé les susdites conditions de paix, d'obeissance, & de fidelité, d'abondant il promettoit l'assister en son expedition d'Italie.

L'an 1156. L'Empereur Frederic tout comblé de gloire, ne s'estant seulement acquis vn repos pour soy, mais pour toute la Republique, ne s'est voulu addonner aux allechemens des voluptez: mais redoublant en soy les vigueurs d'un second Mars, les guerres intestines estant assoupies, affin que la nation Germanique par oisiveté ne deviendroit ébestee, rechercha d'ailleurs des trophées de gloire, & porte à ceste occasion ses armes en Pologne: d'autant que les Polonois ayant rejecté le ioug d'obeissance, refusoient de payer le tribut accoustumé.

Ayant aussi chassé du royaume Bolizaz, lequel auoit espousé Gertrude fille de Leopold Marquis d'Austrice, & sœur vterine de l'Empereur Frederic, tellement qu'ayant eu compassion de son allié banny, pour le restablir au royaume

me, vint avec son armée inuestir la Pologne, les Polonois ne pouuant resister à ses forces, cherchent leur salut par la fuite, mettans le feu en diuerses villes, & bourgagés, de peur qu'elles ne fussent occupées par leurs ennemis. Apres que le royaume eust esté de tous costez rauagé, Vladislaus chef des Bohemois, interceda pour la paix, laquelle l'Empereur accorda, avec telle condition, qu'ils luyourniroient trois cens hommes d'armes bien en ordre, pour ioin- dre avec ses troupes en l'expédition de la guerre contre les Milanois. Ce que le Roy promist sous sa foy, donnant en ostage son frere Casimire, en outre luy fournir deux mille marcqs d'or: à l'Imperatrice vingt marcs, aux Princes mille, & au Fiscq deux cens marcqs d'argent. Presque au mesme temps, l'Empereur Frederic receut les Princes de Pomeranie en l'ordre & conseil du Senat de l'Empire, & les esleua à la supreme dignité, laquelle n'appartient qu'aux Ducs, ez forteresses situées proche de Lubeck, à cause qu'ils auoient

fidelement assisté les Imperiaux contre les Danois: ces choses sont extraictes des Annales de Sueue, escrites par V Vindec.

SIXIESME POINCT.

Du royaume d'Arles.

Que les Empereurs d'Allemagne ont esté possesseurs du royaume d'Arles.

Rodolphe dernier Roy de Bourgo-
gne, se voyant sur sa fin, l'an 1031.
enuoya sa couronne à Conrad Augu-
ste premier de ce nom. D'ou est proce-
dé vn certain droit aux Allemands sur
la Bourgogne & Arles, d'autant qu'Ar-
les a esté autresfois la capitale ville des
Bourguignôs. Ce qu'est manifeste par
des patêres que l'Empereur Guillaume
en l'an 1251. auroit donné en gage pour
deux mille marcs d'argent, ou liures,
cômptant, au Comte de Bourgogne,
tous les droits & reuenuz du royaume
d'Arles, la cité de Besançon & Lofanne
Mais peu apres l'Empereur Rodolphe
premier a recuperé tous ces droits, &
reannexé à l'Empire d'Allemagne. Du

depuis & ces siècles suivants, pour raison des contradictions & discords des Princes d'Allemagne, le François a gagné la plus saine & meilleure parcie de ce royaume. L'Empereur Charles 4. dict de Lucelbourg, estant venu à Paris par occasion accompagné de son fils Venceslas Roy des Romains, vers Charles son allié Monarque des François, lequel les reçut avec tout accomplissement que faire ce pouuoit, & ordonna que le fils du Roy seroit Lieutenant de l'Empire au royaume d'Arles, luy donnant quelques villes & chasteaux. L'Empereur Sigismond qui a heureusement possédé son estat, l'a ratifié, dont il y a vne patente de ceste ratification Imperialle en la Bibliotecque de saint Victor, aux faulxbourgs de Paris, ce qu'*Auentin, Historien de Banierre au liu. 7. atteste auoir leu.* Charles Daulphin de France estant paruenue à la couronne, & mādée aux Estats tenus à Metz en l'an 1356. eut place entre les Princes de l'Empire, & presta le serment de fidelité à l'Empereur Charles 4. Ce fief luy estant conferé en pre-

sence du Legat Apostolique, & par les Estats de l'Empire. Lors que les Suisses auoient assiégué Zurich, l'Empereur Frederic troisieme commanda a Louys Daulphin de Frâce Lieutenât de l'Empire, de secourir la ville d'Arles qui lors periclitoit & estoit en danger.

SEPTIESME POINCT.

Des Domaines qui iadis appartennoient au royaume d'Arles.

LA partie de la Gaule Celtique, ou Occidentale, qui est située aux confins du royaume d'Arles & de la Lorraine, est ainsi appelée à cause de la ville d'Arles capitale du royaume; laquelle jadis a aussi esté appelée la Prouince Romaine des Gaules, & contenoit par le passé le terroir des Allobroges, maintenant diâs Sauoyards, L'Empereur Otton a donné le premier Comte à ceste Prouince, issu de Saxe, duquel ceste maison des Ducs est descendue, & tiennent leur tiltre & origine de l'Empereur Sigismond.

Thibault Comte de Champagne & de Chartres, s'est de sa franche volonté assujecty à l'Empereur Conrad son cousin, & s'est soumis à luy & à l'Empire, ayant receu de luy ces Comtez en forme de Fief dependant de l'Empire, par le conseil de sa Tante maternelle, qui estoit femme de l'Empereur: d'ou ces deux Prouinces ont esté annexees au royaume de Bourgogne & à l'Empire d'Allemagne. Les Empereurs fondez sur ce tiltre, repetent des François les deux Comtez, *tesmoing Maximilien I. en l'Apologie publiee contre le Roy de France.*

Du temps de l'Empereur Frederic I. en l'an 1157. les villes cy dessous nommees avec autres du royaume d'Arles, ont rendu hommage, fidelité & obeissance à l'Empire Romain, à sçauoir, Besançon ville de Bourgogne, les Eueschez de Vienne, Lyon, d'Arles, Valence, Avignon, Besançon, Grenoble, Luxon, Geneue, Losanne Sitten. Vn tres-ancien Chronicqueur manuscrypt y adiousté encores les suivantes, *Abbaye de Clugny, Prince de Clarie, de Vienne, Marquis de Segur, de Turin, &c.*

Comtes de Morienne, Chalons, Mafcon, Neuvvemburg, Mimpelgard, Bourgongne, Saan, Balgab, Salins, & autres subiects dudit royaume d'Arles: Ce que Radeuvicus au liu. 1. chap. 12. de son histoire, dict n'auoir esté practiqué de toute antiquité & memoire des ayeulx. Coccinius au liure de la translation de l'Empire, rapporte que le royaume d'Arles contenoit 7. provinces, auxquelles il comprend d'abondant le Daulphiné, la Comté de Bourgogne, quelques regions & seigneuries des Suiffes, la Lorraine, Sauoye, & le territoire de Marseille.

L'autheur de l'apologie de la conuëction de Madril, escrite pour l'Empereur Charles V. des tesmoignages des Archiues du royaume d'Espagne couche ainsi, Raymond Berenger, Prince de Barcelone, & du royaume d'Arragon, ayant espousé la niepce de Frederic, a obtenu du mesme Empereur Frederic en l'an 1562. l'investiture de ladite Comté de Prouence, depuis la Durance iusques à la mer, & depuis les Alpes iusques au Rosne, avec la cité d'Ar-

les, & la Comté de Forcalquier, ensemble ce qui pouuoit appartenir au droit Imperial dans Auignon, & aux autres forteresses. Apres laquelle inuestiture ledit Raymond a possédé & iouy de la susdite Comté de Prouence, aussi long temps qu'il a vescu.

H-VICTIESME POINCT.

De la Sauoye.

L'An 936. l'Empereur Conrad ayãt l'appaisé & mis en repos l'Italie & la Bourgogne, donna vne partie non petite du royaume de Bourgogne, à Vmbert deuxiesme Comte de Sauoye, fils de Berolde le Saxon, à cause de ses merites en son endroict, d'autant qu'il l'auoit accompagné iusques à Rome, & pour ce frayé de grands despens, ceste donation contenoit les seigneuries de Chablois, ou Caballois, Agaunois, qui sont peuples Septentrionnaux fort simples, la seigneurie de Zitten située en Suisse vers le Rhosne : & les Veragrois, qui demeurent au bas du mont Saint

Dalheym, Salins, Malines & Maestricht.

Toutes lesquelles provinces, en vigueur de la transaction avant d'icte, que à raison de la iurisdiction, sont membres de l'Empire Romain, ce que resmoigne Geil au liure 1. de la paix, observatiō 2. nombre 6. Le Duc de Bourgogne est tenu de contribuer aux charges ordinaires de l'Empire, autant que deux Electeurs proche du Rhin, & pour l'expédition de la guerre contre le Turcq, est tenu de contribuer autant que trois Electeurs, nonobstant les contributiōs susdictes, n'est rien diminué à la chambre des Jurisdicions. Aujourd'huy les Belgeois, ou ceux du Pais bas, aussi les Suisses, sont contents en ce cas d'estre subiects de l'Empire, à sçavoir qu'ils seront tenus à la constitution de la paix enfreincte, & que violant la paix de l'Empire, ils pourront estre accusez en la Chambre.

QUATRIESME POINCT.

De la Lorraine.

L'An 925. le Comte Heribert, fut enuoyé à Gislebert Duc de Lorraine

raine, à Otton, & autres grands Princes de Lorraine, lequel les remit en grace avec le Roy Rodolphe. Ce qui a semblé desplaire grandement à l'Empereur Henry, d'autât qu'il enuoya vne armee en Lorraine, ou il assiegea la ville de Tulpiac, qui estoit sous la protection de Giselbert, laquelle il prit par force. Peu apres, ce Giselbert par subtilité & finesse fut prins d'un certain Lorrain nommé Chrestien, & mis ez mains de l'Empereur, lequel ne le receut seulement en grace, mais luy donna l'administration de la haute Lorraine, en mariage avec sa fille Gerberge. Par ce moïe toute la Lorraine fut reduicte & remise aux Allemands, les François estant empeschez à la guerre contre les Normas. Reginon en son appendice, & Sigebert declarent faussement, que ce fut par la permission de Charles le Simple Roy de France, d'autant que ce consentement auoit esté fait vn an auant ce que nous auons escrit cy dessus.

L'an 943. Otton Duc de Lorraine estât mort, l'empereur donna legouuernemēt

la Lorraine à Heriman ou Herman, lequel aussi il enuoya avec bon nombre de gendarmerie au secours du grand Hugon: quoy que Sigebert soit d'opinion que la Duché de Lorraine fut cōmise l'annee suiuant à Conrad, dist le Sage.

L'an 977. L'Empereur Othon donna la Duché de Lorraine à Charles, frere de Lothaire Roy de France, afin qu'estant beneficié de cet estat par l'Empereur, il portast moins de respect au roy son frere, & aux François.

Auiourd'huy le Duc de Lorraine, est obligé à la troisieme partie de la collecte ordonnee à vn Electeur: & par la cōstitution de la paix publicque, il a droict en la chambre de Iudicature, tesmoing Mysingere Centurie 1. Observation 58. nombre 1. en vigueur de la trāsaction faite avec les Estats de l'Empire l'An 1543.

CINQVIESME POINCT.

De Venemarck & Pologne.

PAVL Windeck en ses annales de Suaue, tesmoigne que ce tant ce-

lebre escriuain Bozius en son liure des Signes de l'Eglise, escrit veritablement vray, que le Denemarck par droict de fief auoit esté subiecte à l'Empire, doiz le regne de l'Empereur Frederic 1. de Sueue, & que la Pologne luy estoit aussi tributaire, par ces mots. *En l'an 1152. Au commencement du regne de l'Empereur Frederic premier Sueuois, s'estant esmeu grand debat entre deux allies, pour sçauoir lequel iouiroit du royaume de Denemarc, estans par son commandement appellez aux Estats de Mersebourg en Saxe, ou fut ordonné que Canut renonceroit au tiltre de Roy, & qu'il se contenteroit d'une Prouince, adingant le royaume à Svenon en luy donnant la couronne: à telle condition toutesfois, qu'il le tiendrait en Fief de l'Empire.*

Aucuns escriuent que les Danois auroiēt esté subiuguez en guerre par Frederic l'an 1154. estant entré en Pologne avec vne puissante armee, & cōtraint le general du royaume de se rendre, ensemble luy restituer le reuenue annuel de cinquante marcqs, & les arrierages de quelques annees. Puis s'estant mis à genoux deuant sa Majesté Imperiale,

Iuy a par serment solemnel confirmé les susdites conditions de paix, d'obeissance, & de fidelité, d'abondant il promettoit l'assister en son expedition d'Italie.

L'an 1156. L'Empereur Frederic tout comblé de gloire, ne s'estant seulement acquis vn repos pour soy, mais pour toute la Republique, ne s'est voulu addonner aux allechemens des voluptez: mais redoublant en soy les vigueurs d'un second Mars, les guerres intestines estant assoupies, affin que la nation Germanique par oisiveté ne deviendroit ébestee, rechercha d'ailleurs des trophées de gloire, & porte à ceste occasion ses armes en Pologne: d'autant que les Polonois ayant rejecté le ioug d'obeissance, refusoient de payer le tribut accoustumé.

1. Ayant aussi chassé du royaume Boli-zas, lequel auoit espousé Gertrude fille de Leopold Marquis d'Austrice, & sœur vterine de l'Empereur Frederic, Tellement qu'ayant eu compassion de son allié banny, pour le restablir au royaume

me, vint avec son armée inuestir la Pologne, les Polonois ne pouuant resister à ses forces, cherchent leur salut par la fuite, mettans le feu en diuerses villes, & bourgagés, de peur qu'elles ne fussent occuppees par leurs ennemis. Apres que le royaume eust esté de tous costez rauagé, Vladislaus chef des Bohemois, interceda pour la paix, laquelle l'Empereur accorda, avec telle condition, qu'ils luyourniroient trois cens hommes d'armes bien en ordre, pour ioindre avec ses troupes en l'expedition de la guerre contre les Milanois. Ce que le Roy promist sous sa foy, donnant en ostage son frere Casimire, en outre luy fournir deux mille marcqs d'or: à l'Imperatrice vingt mares, aux Princes mille, & au Fiscq deux cens marcqs d'argent. Presque au mesme temps, l'Empereur Frederic receut les Princes de Pomeranie en l'ordre & conseil du Senat de l'Empire, & les esleua à la supreme dignité, laquelle n'appartient qu'aux Ducs, ez forteresses situees proche de Lubeck, à cause qu'ils auoient

fidelement assisté les Imperiaux contre les Danois: ces choses sont extraictes des Annales de Suene, escrites par V Vindec.

SIXIESME POINCT.

Du royaume d'Arles.

Que les Empereurs d'Allemagne ont esté possesseurs du royaume d'Arles.

Rodolphe dernier Roy de Bourgogne, se voyant sur la fin, l'an 1031. enuoya sa couronne à Conrad Auguste premier de ce nom. D'ou est procédé vn certain droit aux Allemands sur la Bourgogne & Arles, d'autant qu'Arles a esté autresfois la capitale ville des Bourguignós. Ce qu'est manifeste par des patêres que l'Empereur Guillaume en l'an 1251. auroit donné en gage pour deux mille marcqs d'argent, ou liures, comptant, au Comte de Bourgogne, tous les droits & reuenuz du royaume d'Arles, la cité de Besançon & Lofanne Mais peu apres l'Empereur Rodolphe premier a recuperé tous ces droits, & reannexé à l'Empire d'Allemagne. Du

depuis & ces siècles suivants, pour raison
des contradictions & discords des Prin-
ces d'Allemagne, le François a gagné
la plus saine & meilleure partie de ce
royaume. L'Empereur Charles 4. dict
de Lucelbourg, estant venu à Paris par
occasion accompagné de son fils Ven-
ceslas Roy des Romains, vers Charles
son allié Monarque des François, lequel
les reçut avec tout accomplissement
que faire ce pouvoit, & ordonna que
le fils du Roy seroit Lieutenant de l'Em-
pire au royaume d'Arles, luy donnant
quelques villes & chasteaux. L'Empe-
reur Sigismond qui a heureusement pos-
sédé son estat, l'a ratifié, dont il y a vne
patente de ceste ratification Imperial-
le en la Bibliotecque de saint Victor,
aux faubourgs de Paris, ce qu'*Auentin,*
Historien de Baniere au liu. 7. atteste auoir leu.
Charles Daulphin de France estant par-
uenü à la couronne, & mädé aux Estats
tenus à Metz en l'an 1356. eut place en-
tre les Princes de l'Empire, & presta le
serment de fidelité à l'Empereur Char-
les 4. Ce fies luy estant conferé en pre-

sence du Legat Apostolique, & par les Estats de l'Empire. Lors que les Suisses auoient assiegé Zurich, l'Empereur Frederic troisieme commanda a Louys Daulphin de Frâce Lieutenât de l'Empire, de secourir la ville d'Arles qui lors periclitoit & estoit en danger.

SEPTIESME POINCT.

Des Domaines qui iadis appartenoyent au royaume d'Arles.

LA partie de la Gaule Celtique, ou Occidentale, qui est située aux confins du royaume d'Arles & de la Lorraine, est ainsi appelée à cause de la ville d'Arles capitale du royaume, laquelle jadis a aussi esté appelée la Prouince Romaine des Gaules, & contenoit par le passé le terroir des Allobroges, maintenant dicts Sauoyards, L'Empereur Otton a donné le premier Comte a ceste Prouince, issu de Saxe, duquel ceste maison des Ducs est descendue, & tiennent leur tiltre & origine de l'Empereur Sigismond.

Thibault Comte de Champagne & de Chartres, s'est de sa franche volonté assujecty a l'Empereur Conrad son cousin, & s'est soumis a luy & a l'Empire, ayant receu de luy ces Comtez en forme de Fief dependant de l'Empire, par le conseil de sa Tante maternelle, qui estoit femme de l'Empereur: d'ou ces deux Prouinces ont esté annexees au royaume de Bourgogne & a l'Empire d'Allemagne. Les empereurs fondez sur ce tiltre, repetent des François les deux Comtez, *tesmoing Maximilien 1. en l'Apologie publiee contre le Roy de France.*

Du temps de l'empereur Frederic 1. en l'an 1157. les villes cy dessous nommees avec autres du royaume d'Arles, ont rendu hommage, fidelité & obeissance à l'empire Romain, a sçauoir, Besançon ville de Bourgogne, les Eueschez de Vienne, Lyon, d'Arles, Valence, Avignon, Besançon, Grenoble, Laxon, Geneue, Losanne Sitten. Vn tres-ancien Chronicqueur manuscript y adiousté encores les suivantes, *Abbaye de Clugny, Prince de Clarie, de Vienne, Marquis de Segur, de Tarin, &c.*

les, & la Comté de Forcalquier, ensemble ce qui pouuoit appartenir au droit Imperial dans Auignon, & aux autres forteresses. Apres laquelle inuestiture ledict Raymond a possédé & iouy de la susdite Comté de Prouence, aussi long temps qu'il a vescu.

H V I C T I E S M E P O I N C T.

De la Sauoye.

L'An 936. l'Empereur Conrad ayāt l'appaisé & mis en repos l'Italie & la Bourgogne, donna vne partie non petite du royaume de Bourgogne, à Vmbert deuxiesme Comte de Sauoye, fils de Berolde le Saxon, à cause de ses merites en son endroict, d'autant qu'il l'auoit accompagné iusques à Rome, & pour ce frayé de grands despens, ceste donation contenoit les seigneuries de Chablois, ou Caballois, Agaunois, qui sont peuples Septentrionnaux fort simples, la seigneurie de Zitten situee en Suisse vers le Rhosne : & les Veragrois, qui demeurent au bas du mont Saint

Bernard, & le Rosne y passe à trauers. Puis en l'an 1226. Pierre Comte de Sauoye print, pour annexer à l'Empire, presque tout le terroir des anciës Suiffes, qui estoit enclos par la montagne Iura, la riuere du Loir, & le Rosne : ce que les Comtes de Bourgogne possedoient d'anciëneté : & vsurpa pour soy plusieurs autres places aux Auentices, lesquelles d'antiquité & de droit appartiennent aux Ducs de Zeringe. La souveraineté desquelles & la legitime succession furent confirmées dans Mayence par Richard Anglois, qui estoit appelé à l'Empire. Ce Pierre s'estoit présenté deuant luy d'une façon extraordinaire, tant pour ceste cause que pour memoire de leur consanguinité, il s'estoit reuestu à moitié de fer, & moitié d'or, estant enquis du suiet pourquoy il s'estoit mis en tel equipage, il fit response, que l'or estoit l'ornement de l'Empereur, & que par le fer il maintenoit son Empire.

Depuis ces temps iusques aux nostres les Comtes de Sauoye ont esté esleuez

à la dignité Ducale par les Empereurs, & sont demeurez Princes de l'Empire. En l'an 1525. le Duc de Sauoye en vertu de la souueraineté Imperiale, fut mis au ban de l'Empire, & proscriit: ce qu'affirme Bodin au liure 1. de sa Rep. chap. 9. nombre 127. prouue qu'il est vassal de l'Empire, & qu'il recognoist l'Empereur pour souuerain: ce que Menochius certifie aussi au cons. 2. n. 104.

NEVFIESME POINCT.

Des Seigneurs & Domaines d'Italie, qui ont recogneu l'Empereur Frederic leur Souuerain.

TOVS les Historiens d'Italie, & entre les premiers Bernardin Corius en la premiere partie de son histoire Milanoise, de l'an 1162. escrit que l'Empereur Frederic ayant de fond en comble bouleuersé le Milanois, dompté la Lombardie diuisée en diuerses parties, y établit des Princes d'Allemagne pour les gouverner. Au mesme temps il érigea en Marquisat les seigneuries de Veronne & Mantouë, &c. & ordonna des Cō-

suls en la Tuscie, Campagne & autres villes maritimes.

En l'an 1152. il donna à son oncle Guelphe pour estre bien venu de luy, & rentrer en sa faueur, la Marche, la Toscane, la Duché de Spolète, la Principauté de Sardine, & toute la prouince de la Comtesse Mathilde.

L'Empereur Frederic ne se voulant fier aux Italiens, commit des Allemâds pour gouuerner les prouinces d'Italie, & crea le Baron de Bideluphe Duc de Spolète: donna la Marche d'Ancoine à Conrad de Luzelhart: &ez autres citez il en establit d'autres, tous hommes releuez de foy & vertu remarquable, en l'an 1166.

Le mesme Empereur Frederic receuoit annuellement des reuenus de l'Empire vingt tonnes d'or, desquels l'Italie payoit la plus grande partie, & l'Allemagne la moindre.

DIXIESME POINCT.

*Qui sont les Princes & Estats d'Italie subiects
à l'Empire.*

L'Empereur Maximilien premier, en sa patente de l'an 1507. nomme les Princes subiects à l'Empire, le Duc de Sauoye, Piedmont, Montferrat, Mâtouë & Ferrare: comme aussi Milâ Florence, Pise, Lucques & Sienne, lesquels il declare releuer & estre immediate-ment tenus de l'Empire.

Que l'Empereur ne traite les susdicts Princes, Comtes, Barons & villes d'Italie autrement que comme ses subiects, ausquels & à chacun d'eux l'inscription est telle que s'ensuit.

Aux Princes: A tres illustre N. grand Duc de Toscane, N. Duc de Mâtouë & Montferrat. N. de Ferrare, Modene & Regio: N. Duc d'Vrbain: N. Duc de Sauoye, & de Piedmont: N. nostre tres-chrr Prince le Duc de Parme: Princes de Masse, Marquis de Gonzague: Marquis de Finare, Laudis & d'Auria: à no-

stre tres-fidele & au saint Empire N. de Massalpine, Prince de Masse: N. Marquis de Gonzague: N. de Caretto, Marquis de Finarc: N. Comte de Laudes & Baron de Contemplane: Marquis de Barde & Princes de la vallee de Turre: N. d'Auria, Marquis de saint Estienne du val d'Auante. Comtes de la Mirandole, & d'Auria, Marquis de Turillie: Augereux & magnifique Seigneur nostre biē amé & du saint Empire, N. Picque Comte de la Mirande.

Aux autres Comtes & petits Seigneurs, A nostre noble, fidele, bien aymé & au sacré Empire N. Erégose Comte de S. Agathe. De mesme aux Comtes de Flisce: Comtes de Louanie, Londrine, de Arche, de sainte Croix, de Turene, Spinola, Tessarolle, Gazolde, Deciane, Millesme & Zingij. De mesme aux Seigneurs de Macere & Frinchi.

A la cité de Gennes: A Illustre, Magnifiques, Remarquables, fidels noz bien ayez & du saint Empire, N. Duc & Magistrats de la Chambre, & de nostre cité de Gennes.

Accux

A ceux de la Cité de Gazal: A nos honorables, bien aymez, fidelles, & du saint Empire, N. les Magistrats de nos citez Imperialles, de Florence, Pise, Milan, Pauie, Cremona, Come, & à la communauté de Pistiliane, & autres &c.

VNZIESME POINCT.

Controuerse des Princes & Citez d'Italie sur l'exemption de l'Empire.

TANT à ce que touche aux Princes & citez de Lombardie, ce que les Italiens alleguent auoir esté fait par la paix de Constance (sauue la grace de tant d'Escruiains) n'est qu'une pure fiction, vaine & abusive, d'autant que la constitution de Frederic, ne parle, & ne donne tesmoignage, que des villes par luy reccües en grace, publiee aux Estats & assemblee Imperiale tenuë à Constance, non de la conuention entre l'Empereur, le peuple & lesdictes villes comme libres, qui contractent regulierement, mais de la pure reconciliation des subjets rebelles & desobeissans,

N

Comme il conſte par ces parolles Nous diſpenſons nos ſubieſts par des pieuſes affections de miſericorde, pour corriger la faute des excez, & rappeler l'inſolence des rebelles, au ſeruice d'une foy deuë à leur Prince Souuerain: & que Nous par la grace accouſtume de noſtre benig- nité, à l'endroiſt de la foy & deuotion des Lom- bards, qui autres fois nous auoient offencé & no- ſtre Empire, ouurant les entrailles de noſtre na- turelle piété & bonté, Nous les receuons & leurs fauteurs en la plénitude de noſtre grace, leur par- donnant miſericordieusement toutes offences & delicts, par leſquels ils nous auoient prouocqué à indignation: & pour les fidels ſeruices de deuote ſincerité que Nous croyons certainement à l'ad- uenir recepuoir d'eux: Nous eſtimons qu'ils doi- uent eſtre mis au nombre de nos fidels & bienay- mez ſubieſts: tellemēt que nous leur auons eue miſericordieusement donné & eſlargy noſtre paine Tants'en faut de penſer que leur a eſté ordonné toute ſorte d'exemption de- pendante du ſouuerain Empire politi- que, meſme ce que leur a eſté oſtroyé, n'a eſté qu'en reſeruant la ſouueraineté à l'Empire: ce qu'eſt tout notoire par les mots contenus en la conſtitution de la

paix. *Sigonius* en son histoire d'Italie, li-
ure 14. fol. 334. denombre les Citez &
Seigneuries de Lombardie en ces ter-
mes: *Cremone, Milan, Laus, Bergame, Fer-
rare, Brixie, Mantouë, Verone, Vincenco,
Pavie, Tarnisio, Venise, Boulogne, Rauenne,
Arminie, Modene, Regio, Parme, Plaisance,
Bobio, Herthon, Alexandrie, Vercelle, No-
uarre, Opoze, la Marche, Masalpino, le Com-
te de Brenone, & plusieurs autres.*

Quant au tiltre pour l'achapt des Ge-
neuois, Florentins, & ceux de Lucques
il est certain, qu'entre le commerce,
biens patrimoniaux, & particuliers, il y
a bien de la difference de ceste puissan-
ce & autorité Imperialle, qui ne peut
subsister par aucun achapt, ou venditi-
on, ny par quelque autre obligation ou
alienation, d'autant que ceste puissance
demeure tousiours stable & solide, cõ-
me tresbien a descrit *Bodin* au liure I. de sa
Republique, chap. 9. A sçauoir, Que les
droits de l'Empire ne sont vendables,
veu que sans le consentement des Prin-
ces & Estats Imperiaux, ils ne peuvent
estre distraits ny alienez: mais il esti-

me estre plustost vray semblable, que les deniers comptez par les citez, & villes. pour acquerir la liberte, ont plustost esté payez pour tribut, ou pëñon, que pour prix d'achapt. Donc puis que les Empereurs n'ont peu preiudicier à leurs successeurs de l'Empire, il ne faut doubter aucunement, qu'il n'ayt esté licite aux successeurs de les remettre en ordre & ligne de vassaux: cela est que trop veritable, lors qu'on voudra prendre esgard aux frequentes expeditions de guerre faictes du passé en Italie, par les Empereurs: desquelles expeditions Bodin faict ample declaration au lieu sus allegué.

Quant à ce que touche des priuileges alleguez par les Ducs de Venise, Ferrare, Modene, Milan, Gennes, & autres: ils confessent eux mesmes qu'ils sont subiects de l'Empire. Car l'autorité de fonder le droit tant general que particulier, est seulement en la puissance de ceux qui tiennent la souueraineté & les resnes de la Republique.

Enneas Syluius, au chap. 15. du liure de

l'origine & autorité de l'Empire, dict, que l'Empereur peut esclaircir, interpreter, & quand il trouuera bon, & que l'occasion se presentera, casser les priuileges ostroyez & concedez tant par luy que par ses predecesseurs.

Sur l'exemption des Venitiens, Barthole dict: Veu qu'ils l'ont de l'Empire Romain, & qu'ils la tiennent comme par vn priuilege accordé sur requeste: iceluy pouuoir estre reuocqué à sa volonté, affirmant avec raison solide, que ils sont compris au nôbre des subiects de l'Empire, encores que leur priuilege ne soit pas reuocqué. Ores que Sigonius au liure 4. de l'histoire du royaume d'Italie en Charles Magne, feuillet 100. nom 43 & feuill. 103. nombre 56. dit que par l'accord fait à Aix entre Charles Magne & Nicephore Empereur de Orient, que les Venitiens posez entre les deux Empires, seroient libres, & que deschargez des deux, viuroient en liberté & tranquillité, aussi que sans estre recherchez ny molestez, ils iouïroient de leurs possessions en Italie. Toutes

fois, presuppofé que la foy Historiale, consente à ce que Sigonius atteste & affirme, il ne se peut par la conuaincre, qu'ils soient totalement exempts de la iurisdiction de l'Empire, car il est certain, que l'accord publicq ne se peut prouuer, si ce n'est entre les accordants & faisans ceste paction. En outre, Sigonius ne fait mention, que les Venitiens soient entierement deschargez par les Empereurs, & qu'ils soient iouïssans de vne entiere & absolue liberté. Mais bien du moins d'auoir reçu vne immunité & seureté, pour posseder dans le royaume ce que leur appartient sans en estre molestez par aucune violence ou actes d'hostilité, ce qui ne se peut étendre pour desaduouer que les Venitiens ne soient subiects au mandement politique de l'Empereur, aussi qu'il ne se peut nier, par succession des temps, que les Venitiens se sont retirez d'auantage par voye de fait, que par le droit d'obeissance deu à l'Empereur.

La mesme raison des Venitiens regarde les priuileges des Ducs de Ferrare &

de Milan, maintenant du tout aboliz: par lesquels ne se prouue vne entiere & absolue exemption. Car il se peut prouuer par enseignemens innumerables, que la Duché de Milan passé plusieurs siecles a esté tenuë en fief de l'Empire, & que les Empereurs d'Allemagne y ont exercé le droict de souueraineté.

Quant à ceux de Gennes, ils se vantent qu'en l'an 1162. l'Empereur Frederic premier Sueuois, les a mis en liberté, & que Henry son successeur a ratifié & confirmé ladite liberté en l'an 1199.

Que la mesme exemption auroit esté approuuée en l'an 1528. par Charles V. apres en auoir chassé les François, & reduit la ville sous l'obeissance de l'Empire. Mais certes, ceste liberté à eux donnée, ne s'étend point à vne totale & pleniere exemption: mais y doiuent estre sous entendus ces mots: *Sauf les droicts de l'Empire Romain*. Lesquels sans y estre expressement inserez, y doiuent estre entendus. Le preiugé en la cause de Finare descouure apertement l'autorité Imperialle, ou l'Empereur Fer-

dinand seāt en son siege de Iustice, s'est prononcé Iuge en la cause pour le Marquis de Finare demandeur & les Genevois deffendeurs, estans appelez pour ouyr droict, ils furent condamnez de satisfaire à ce que leur auoit esté ordonné l'an 1560. *comme declare Bodin au liure 1. de la Republicque, chap. 9. feuillet 124.* ce qui ne se peut releuer par la finesse d'aucuns Italiens, d'autant que le debat n'a point esté pour la liberté ou subiection de la republicque de Genneſ, mais ſeulement pour le Marquiſat de Finarre, que la republicque vouloit approprier à ſoy: le Marquis ſouſtenant qu'il eſtoit ſubject & membre de l'Empire. Menochius affirme diſertement, que la cauſe a eſté intentee, non contre la choſe, mais contre la perſonne, pour raiſon du maleſice d'une violente deſeſtion & vſurpation, & pour en recuperer la poſſeſſion.

Dauantage, Maximilien premier en la patente de l'an 1507. donne ample reſmoignage, que Genneſ eſt dependāt de la Chambre del'Empire, qu'elle

tient tous les priuileges de l'Empereur, & qu'elle luy a reqnis la confirmation d'iceux, ayant souuent offert les clefs d'icelle aux Empereurs.

Quant à ce que touche aux autres Princes, Ducs, Marquis, Comtes, Barons & villes d'Italie restants, ie tiens qu'ils ne sont non moins subiects à l'Empire, (tant au faict de la iurisdiction, qu'autres droicts de la puissance politique) & au souuerain Magistrat d'icelle, c'est à dire à la Majesté Imperiale: car si nous voulons rechercher l'origine des Empereurs d'Allemagne en Italie, de toute antiquité, dont *Monster traicte en sa Cosmographie au liure 3. chap. 24.* Il est certain, que depuis le regne d'Othon, surnommé le grand, pour ses heroïques & magnânes faicts, ayant soulagé & deliuré les Italiens de l'infame & ignominieuse seruitude, à laquelle ils estoient reduits par les Grecs & Berangers, les ayant desconfits & taillez en pieces, en la Pouille & Calabre: & pris Berenger prisonnier, dont il reduit à l'Empire Romain la Sicile, la Pouille &

Calabre, avec applaudissement de tout le peuple & du royaume. Depuis l'Empire a esté administré en partie par vn droit hereditaire en la famille d'Oton & icelle estant venue en decadence, & tombee en caducité, au regard des Princes d'Allemagne, il est tout notoire, que les Empereurs ont esté establis en partie, par l'assemblée generale des ordres & Princes de l'Empire, & en partie par le tres-Auguste conseil des Sept-Hommes. Rien ne peut repugner aux choses cy deuant dites & alléguées, que les Italiens ont receu & leur a esté donné tant en general que particulier, de tres-grâdes immunitéz & signalez priuileges, par le benefice de diuers Empereurs. Que si nous voulons seulement mettre ceux au nombre des subjects, auxquels on n'a rien diminué de la souveraine puissâce des affaires politiques, on trouuera que dans toute l'Europe, il y a fort peu de republicques, voire mesme nulles. Les Princes & villes d'Allemagne ne sont moins ornez de benefices que les Italiens, neantmoins ils ne

se peuvent dire exempts des subjects.
D'autant que ceux la seulemēt ne sont
comprins estre du peuple Romain, qui
obeissent à l'Empire, en tout ce qu'appar-
tient à la puissance politique, mais
ceux la aussi qui obeissent seulement en
quelques points. Car comme Bodin a
tres bien escrit au livre 1. de la Republicque,
sur la fin du ch. 6. Qu'il n'y a eu oncques
Republicque en aucun quartier du mō-
de que ce fust, quoy que peuplee, dans
laquelle tous les bourgeois, ayent esté
rendus esgaux en toutes iurisdctions &
droits de la ville.

Tellement, par ce que dessus, il con-
ste que ce sont pures friuoles controu-
uees, ce que les Docteurs Scholastiques
gasoüillent sans aucun fondement de
droict publicq, sur l'entiere, royalle, &
absolute puissance des Princes & Citez
d'Italie, desquelles si on peut acquerir
vne royalle & absolute puissance, il n'y
a personne de quelle qualité qu'il soit,
Noble ou roturier, ores qu'il ne posse-
deroit que trois bonniers de terre, ou
quelque portion de lardin, qui ne so

voulust dire Roy, comme il est recité en l'Inuentaie General de l'Histoire de France en Clotaire septiesme Roy de France, touchant vn petit terroir, situé en Normandie appellé Niuetor, jadis donné & erigé par ledict Clotaire Roy de France en tiltre de Royaume, lesquelles choses, comme elles sont du tout absurdes, aussi sont celles qui en deriuent. Cause pourquoy, n'ayant aucun respect à telles obiections si friuoles & mensongeres, l'Empereur a plein pouuoir & vse de sa iurisdiction, tant à l'endroit des Princes, que cirez d'Italie: comme font foy les susdictes exemples, & l'arrest interuenu sur l'appel du tres-illustre Seigneur André de Pise, contre le Duc de Modene: duquel traité Fuluius Pacianus faict mention au conseil 149. Comme pareillement autres actes infinis des causes iugees tant en premiere que seconde instâce, emanées du Consistoire de la Court, ou par ses deleguez, mises à execution suivant la registrature des actes Imperiaux: lesquels le declarent aussi & en font foy

Par les alleguations cy dessus, les Italiens ne se peuuent vanter de leur immunité, exemption & prescription de la iurisdiction Imperiale: car il est tres certain qu'ils sont membres de l'Empire, & subjects à la iurisdiction Imperiale, qui ne peut estre transferee à v'sance particuliere, ny alienee, restraincte ny limitee. Comme aussi les Italiens ne peuuent par leurs priuileges, permissiōs & auctoritez par eux obtenues des Rois arracher ou diminuer en rien qui soit, la force royale de la puissance absoluë du pur & mixte Empire.



CHAP. XXIV.

L'Auctorité & puissance de l'Empire est propugnée & deffendue contre la calomnie d'aucuns.

PAR les allegations susdictes, deux remarquables erreurs se descourent en nostre Republicque, dont l'une est de Bodin, peruers, ignorant & peu expert aux affaires d'Allemagne, denigrât non seulement la souueraine puissance de l'Empereur, mais de tout l'Empire Romain (comme s'il auoit dedans ses mains la faculté & puissance des choses politiques, ainsi qu'il les faict exhaler par l'organe de sa langue) qu'il ne luy laisse autre chose qu'un honneur de vaine gloire, sans aucun pouuoir, ains un vuide subject. L'autre erreur est de ceux qui estiment l'Empereur comme s'il estoit maistre absolu de toute la Monarchie, & de pouuoir tout par une souueraineté absolüe, ou ainsi qu'ils di-

disent, par le pouuoir de sa toute puissance, administrer le tout, & en l'ordonnance des loix & decrets tout faire, sans aggregation des autres Princes & ordres d'Allemagne: qui ne seruiroient seulement que de conseil & non de consentement: cause pourquoy, ils appellent les Decrets & Ordonnances des assemblees, non des loix, ou deliberations & arrests des Senatus Consults, mais seulement estre des constitutions ou Pragmatiques sanctions. Et quant à ce que touche Bodin, il escrit *au liure 2. de la re-
publicque, chap. 6.* Que les droicts de la Majesté Imperiale sont en la puissance des Princes & Deputez des Villes, lesquels n'ont seulement droict & pouuoir de donner des loix à tous Princes & communautez des Villes, mais aussi d'imposer des loix à l'Empereur, deliberer des affaires d'Estat, tant de paix que de guerre: commander de payer les gabelles & tributs: d'instituer & establir des Juges en la Gour Imperiale, qui puissent donner arrests de mort, d'honneur & des biens de fortune, tât à l'Empereur

que Princes & Citez.

Dauantage vacillant en ses propos, il esgale l'Empereur au rang des Ordres de l'Empire, & si le droict (s'il faut dire ainsi) doit estre diuisé en descentes & lignees, il luy accorde le poids de huit onces, mais s'il le faut diuiser en testes, il luy attribue pour deux liards demie once: & à grand peine le fait il esgal au Duc de Venise, mais inferieur: *au 4. liure de la Republique chap. 1. feuillet 391.* Finalement il le rend du tout inferieur & subiect, lors qu'il argumente ainsi: Les autres ont puissâce souueraine de creer Princes, Ducs, & Marquis. Mais l'Empereur est créé des Ducs & des Princes. Comment se peut il faire donc, qu'une mesme personne puisse estre enséble & Roy & subiect: sous la protection & protecteur: vassal & Monarque? Et que visitant les Prouinces, les Princes viennent bien au deuant de luy, mais comme à vn Prince estranger: *au liure 2. de la Republique chap. 6. feuillet 22.* Le mesme Bodin escrit en son liure de la *Method*

d' Histoire chap. 6. de l'estat des Republicques:

Que

Que Rodolphe premier, ayant perdu tout ce queluy restoit de la puissance & auctorité royalle, auroit cédé toute la charge de l'Empire aux Princes, Nobles & Seigneurs d'Allemagne, alleguât à ce propos faussement la Bulle d'or de Charles 4. Que l'Empereur est vrayement chef de la guerre, comme cy deuant du regne des Hebreux. De mesme qu'il a bien la dignité Imperialle, avec quelque peu aux gabelles & peages des ports de mer, riuieres, & autres, mais du surplus rien. Qui plus est, il taxe de faux Iule Phlugius, se compleignât que celuy qui doit commander aux Seigneurs & au peuple, acquiesce luy mesme à leurs commandemens & ordonnances. Item que les Princes possèdent l'Empire, & l'Empereur rien du tout. Et combien que Charles 4. dans la Bulle d'or, nomme ses Princes & Electeurs Bouteillers, Maistres d'Hostel, Cuisiniers, Capitaines d'armes, Escuyers, (ce que la constitution de Charles declare estre faux) si sont ils neantmoins possesseurs de tout l'Empire: l'Empe-

reur n'y ayant aucune puissance, ny me-
sme sur les Finances, ou thresorerie pu-
blique, mais bien qu'il y a trois thre-
soreries, l'une à Strasbourg, l'autre dās
Lubecq, & la troisieme dans Ausbourg
ou les tributs de l'Empire sont gardez.
Aufquelles susdites parolles, sont au-
tant d'impudentes & controuuees mē-
songes, que de mots. Car ce que tou-
che la distribution de la puissance poli-
tique entre l'Empereur & les autres or-
dres des Princes d'Allemagne, se mani-
feste par les actes diuulgez aux assem-
blees & diettes Imperialles desquelles,
se peut aussi coniecturer quelle peute-
stre la comparaison de l'Empereur or-
né & doué de grâdeur, & puissance ab-
solute & souueraine, avec le Duc de
Venise: lequel Duc, *au liure 2. chap. 1 fol.*
181. de la Republicque, il diēt estre seul qui
soit sans auctorité & commandement,
qu'il ne peut appeller aucun à soy, ny
prendre, ou adiourner de comparoit
en Iustice, & qu'il n'a non plus de pou-
voir en vne assemblee colegialle qu'en
vne autre, tant soit grande, petite, ou

d'importance, qu'il n'a non plus d'autorité qu'une autre personne du College, excepté que d'ordinaire il a la dernière voix & suffrage en toutes consultations, & ne peut ouvrir les lettres des Princes estrangers, Ambassadeurs, ou de quelque Republicque, ny recevoir les Ambassadeurs ou les renvoyer, si ce n'est en vertu de l'assemblée du College des Sept-Hommes, ou Dix-Hommes, mesmes, selon qu'escriit aussi Bodin, il ne peut sans leur congé & permission sortir de la ville. Tellemēt que Bodin trop effronté, deuroit rougir de honte, estant trop affecté à l'opiniō des arguments des escolles des Logiciens, & qui deuroit plustost avoir recherché la verité dans les exemples, que d'ainsi temerairement escrire: c'est pourquoy Iustus Lipsius en la Preface de ses Politiques (parlāt de luy, comme ie croy) se sert d'une sentence de Cleobule, à sçavoir, que *L' Ignorance abōde en plusieurs & multitude de propos.* Il deuroit avoir honte, dis-je, d'estre si temeraire, d'escrire des affaires, desquelles il est igno-



**TABLE DES CHAPITRES, & choses memorables,
contenues en ce Livre.**

*Le premier nombre enseigne le Chapitre, &
l'autre la page.*

CHAPITRE PREMIER.

Que les Electeurs de l'Empire ont
esté instituez du Souuerain Pon-
tife de Rome, ce que se prouue par la
confession des Princes d'Allemagne, &
qu'auparauant le regne de Frederic II.
les Emperours n'ont esté esleuz de tous
Princes. Page 1.

2. Les Princes d'Allemagne confes-
sent auoir receu du Pape le droict d'e-
lire le Roy des Romains. Et que par
Rodolphe I. avec les Electeurs, ont esté
confermez au Souuerain Pontife les do-
maines d'Italie, d'antiquité appartenās
à l'Empire. 15

3. Autres témoignages, par ou se

prouue que nō tous, mais aucuns Prin-
ces particuliers ont eu pouuoir d'eslire
le Roy des Romains. 21.

4. Obiections tirees de diuerſes Hi-
ſtoires, d'ou aucuns concluent qu'auāt
le regne de Frederic 2. tous les Princes
ont eſleu le Roy des Romains. 29.

5. Par deux manuſcrits eſt demōſtré
quelle a eſté la couſtume d'eslire l'Em-
pereur, qui auāt Frederic 2. eſtoit eſleu
de peu de Princes. 36.

6. Par les teſmoignages citez ſe ma-
niſeſte comment les hiſtorienſ doiuent
eſtre entendus, qui eſcriuent, &c. 42.

7. Reſponſes aux obiections du Car.
Baronius, par leſquelles il taſche prou-
uer, tous les Princes de l'Empire auoir
obtenu meſme droit en l'election. 56.

8. Que ledit Card. appuyé ſur le dire
de Mathieu de Paris Anglois, eſt mal
fondé, diſant, que les Electeurs ont eſté
inſtituez au Cōc. de Lyō, l'an 1245. 59.

9. Eſclairciſſement des poincts de l'e-
piſtre Decretale, au chap. Venerabilē,
titre *De Electione.* &c. 64.

10. Reſponce aux obiections, qu'il
n'eſt neceſſaire que le Pape confirme le

Roy des Rom. & qu'il le courōne. 90.

11. Pourquoi les Archeuesques proche du Rhin, ont esté faicts Elect. 97.

12. Des offices des Archi-châcel. 99.

Pourquoy ils ont esté nommez Archi-chanceliers par l'Allemagne, Royaume d'Arles & Italie, veu que par ordonnance d'Otton III. ils se disoient Vicaires de l'Empire. 103.

13. Du royaume d'Arles. 107.

14. Des Electeurs Seculiers, lesquels auant Otton 3. ont faict fonction d'offices Imper. & depuis ont esté annexez à la dignité Elect. par ledit Otton. 111.

15. Du royaume de Boheme. 116

La Bulle d'or de Charles IV. 119.

16. Des Electeurs, Palatin, Saxon, & Brandebourg. 135.

17. Pourquoi ont esté instituez les Electeurs seculiers. 143.

18. Pourquoi le College des Elect. a esté institué en Allemagne, 146.

19. La façon de creer l'Empereur, & à quoy les Reurend. & Serenissimes Electeurs, ont coustume auoir esgard. 150.

20. Des Loix par lesquelles les Elect. peuuent obliger l'Empereur. 156.

21. Quelle puissance le Pape s'attribuë, en l'election des Empereurs. 156.

22. Des priuileges des Electeurs. 158.

23. De certaines Prouinces qui appartennoient à l'Empire, lesquelles pour le iour d'huy sont encor en sa puissâce. Le
I. Poinct. De la Prussie. 163.

2. Poinct, De la Liuonie. 167.

3. Du domaine de Bourgogne. 167.

4. Poinct, De la Lorraine. 174.

5. De Denemarck & Pologne. 176.

6. Du royaume d'Arles, &c. 180.

7. Des domaines qui jadis appartennoient au royaume d'Arles. 182.

8. Poinct, De la Sauoye. 185.

9. Des domaines d'Italie, qui ont recogneu l'Emp. Fred I souverain. 187.

10. Qui sont les Princes & Estats d'Italie subiects à l'Empire. 189.

11. Controuerse des Princes & Citez d'Italie, sur l'exéption de l'Empire. 191.

CHAP. 24. L'auctorité & puissance de l'Empire est propugnee & deffenduë, contre la calomnie d'aucuns. 204.

FIN.







